


ŐKHS' I TS᷑N IK S᷑N  
NI ST. MATTHEW OT  
S᷑N AI PI.



The Gospel According to St. Matthew in the Blackfoot  
language of Canada

**ŐKHS' I TSİN IK SİN NI ST. MATTHEW OT SİN AI PI.  
The Gospel According to St. Matthew in the Blackfoot language of Canada**

Public Domain

Language: Siksiká (Blackfoot)

Translation by: Rev. John William Tims

This C. M. S. publication by the British and Foreign Bible Society in 1890 is in the PUBLIC DOMAIN (not copyrighted). Conversion to USFM was courtesy of the Digital Bible Society.

2017-10-09

---

PDF generated using Haiola and XeLaTeX on 11 Nov 2022 from source files dated 30 Nov 2021  
0a409c18-61ef-5282-961d-ef2aa587bd17

## Contents

ST. MATTHEW . . . . .	1
-----------------------	---

# ŐKHS' I TSİN IK SİN NI

## ST. MATTHEW

## OT SİN AI PI.

**1** SIN AK'SIN Jesus Christ David okkuai' Abraham okkuai' un'ix o sínaks' oaiěxěsts. **2** Abraham ikuyiu' Isaac; ki Isaac ikuyiu' Jacob; ki Jacob ikuyiau' Judas ki omu' pappiipix; **3** Ki Judas ikuyiu' Phares ki Zara, Thamar ipau'kaiimmiuax; ki Phares ikuyiu' Esrom; ki Esrom ikuyiu' Aram; **4** Ki Aram ikuyiu' Aminadab; ki Aminadab ikuyiu' Naasson; ki Naasson ikuyiu' Salmon; **5** Ki Salmon ikuyiu' Booz, Rachab ipau'kaiimmiuaie; ki Booz ikuyiu' Obed, Ruth ipau'kaiimmiuaie; ki Obed ikuyiu' Jesse; **6** Ki Jesse ikuyiu' David omük'hin'a; ki David omük'ina ikuyiu' Solomon, annök' ake'uök itom'itomiuök Urias man'itotsipokaiimmiuaie; **7** Ki Solomon ikuyiu'. Roboam; ki Roboam ikuyiu' Abia; ki Abia ikuyiu' Asa; **8** Ki Asa ikuyiu' Josaphat; ki Josaphat ikuyiu' Joram; ki Joram ikuyiu' Ozias; **9** Ki Ozias ikuyiu' Joatham; ki Joatham ikuyiu' Achaz; ki Achaz ikuyiu' Ezekias; **10** Ki Ezekias ikuyiu' Manasses; ki Manasses ikuyiu' Amon; ki Amon ikuyiu' Josias; **11** Ki Josias ikuyiu' Jechonias ki o mu' pap piipix, annik' ito'toöpikau Babylon; **12** Ki ot'sitotos au Babylon, Jechonias ikuyiu' Salathiel; ki Salathiel ikuyiu' Zorobabel; **13** Ki Zorobabel ikuyiu' Abiud; ki Abiud ikuyiu' Eliakim; ki Eliakim ikuyiu' Azor; **14** Ki Azor ikuyiu' Sadoc; ki Sadoc ikuyiu' Achim; ki Achim ikuyiu' Eliud; **15** Ki Eliud ikuyi u' Eleazar; ki Eleazar ikuyiu' Matthan; ki Matthan ikuyiu' Jacob; **16** Ki Jacob ikuyiu' Joseph, Mary om'i, annok ipau'kaiimmiuök Jesus, anïstau Christ. **17** David otsis'tsits'unoauai Abraham itsipuk' súpokosinimotseiiau ke'pitappiiau níssekoputtsi; ki ot'sitotosau Babylon omats'istsits'unoauai David mats'itsipuksúpokosímmotseiiau, matsisse'koputtsi; Christ omats'istsits'unoauai ot'sitotosau Babylon mats'itsipuksúpokosímmotseiiau matsisse'koputtsi. **18** Jesus Christ, otsipokai'isinni ün'niniitsiu: Annik' Mary, Jesus oksis'tsi, Joseph otak'okemattösaie itop itappi'inai, otse'kosatsok Atsim'istaaw. **19** Joseph om'i moköm'motsitappiu, ki matsitsitau'ats mök'aiitsinniköttösaie; osime'tsitan moksism'ianistüpskoosaie. **20** Ki otai'ksimstatosaie, Satsit, Ap'istotokiuaoto'tokatatsis otsipopök'toakaie ki otan'ikaie, Joseph, David okku'i, pinstunnos Mary kök'okemattosi, otse'kosatsok Atsim'iStaaw. **21** Ki ai'aksipokaiimmiuaie okku'yì, ki kitak'anistsinnikötttau Jesus: tükka, otsitappim'ix otsauum'itsitappi'isuauěsts aiaki-taikömötse'piuax. **22** Itün'nitsiuiae mök'itsenüpánistösi Ap'istotokiuaot se'poawsists, otsipropheti itotse'poawsiněsts, ki an'ímai, **23** Satsik, mokök'iake ai'akopitappiu, ki ai'aksipokaiimmiuaie okku'yì, ki ak'anistsinnikötttsiauaie Emmanuel, ito'kísasattop Ap'istotokiuaipokai'tappiimmau. **24** Joseph otsipuawk'si otso'kani, ün'niitsitappiui Ap'istotokiuaot oto'tokatatsis otan'iipiaie, ki ito'tuyiuiae otokem'an: **25** Ki ototom'okkuyi otsauomai'pokaiisaie matpoksokamiu'atsaie: kinitsin'nikötttsiaue JESUS.

## 2

**1** JESUS otai'pokaiisi Bethlehem, auösin'ím Judæa, annists'isk ksistsiku'istsk, Herod otsitsinaiipi, Satsik, mokök'ietappix umut'autstsipi

apinök'kuyi itsipuk'sipuiau Jerusalem, <sup>2</sup> An'iau, ünan'ök manipok'auök Jews otsin'aimoaiauaie? Tükkä, annim' apinök'kuyi stai'tappiosi nitsino'ünan okökatosim, ki nimut'otopinan nök'itauatsimmimmösän. <sup>3</sup> Herod omük'ina otokh'tsisaie, otap'itsi-tanaie, ki Jerusalem istokönai'tappix iköno-nokap'aitsitamiuax. <sup>4</sup> Ikönaumoi'piüsax omük'atoiapiekuax ki ai'sinakix, sūppoötsesattsuax Christ mök'itsipokaiapiaie. <sup>5</sup> Ki an'istsiauaie, Bethlehem, Judæa istauösin'im, ün'nimaie; ün'anistappi prophet osin'aksin; <sup>6</sup> Ki ksësto'a Bethlehem, Judæa istauösin'im, kimats'inükstipuua, Judah istsin'ax; Nin'auök, ksësto'a ak'itsistauasiu ki osto'i ai'akaukökitsimau nitsitappim'ix Israel. <sup>7</sup> Herod, simi'nikötüssax mokök'ietappix, sokap'sūppoötsesattsuax tsokap'ínökuyisaie kökatosi. <sup>8</sup> Ki itüpüt'oköttsiuax Bethlehem; kian'iu, kükko' sokap'apsümmok pokau'ök; ki ikonoainoeniki, itüm'ütskïtsinikokïk nök'itsitotosi nök'it a tsim mím mosi. <sup>9</sup> Otokh'tsisa omüxina otan'iipiaie, itsis'tapuiau; ki satisk, anni'isk kök'atosiisk tsitsinoauaiisk umut'autstsipi apinök'uyi otsitom'akoaiauaie, ki otai'totosi inük'sipokai ot'sitaupipiaie itots'iketsipuyiuiae. <sup>10</sup> Otsinno'össauaie kök'atosi, eks'kamük otse'tametüksuaii. <sup>11</sup> Ki otaitsip'sau nap'ioyis, Mary oksis'tsi ipinnu'yiauaie pokai'isk, ki innissi'iau, ki itatsim'mimmiau: ki otaipasuk'issauests otakomütskotuksuauests, issak'okotsiauaie gold ki frankincense ki myrrh. <sup>12</sup> Ap'istotokiua papaukökianistcsax mökstaiskito'tosau, noke'tsi moksokui itüp'akaiiau. <sup>13</sup> Ki otau'mattosau, satsik, Ap'istotokiua sto'tokatatscs papauta'atsiaue Joseph, an'isitouaie, Nipuat', ki mattos'au pokau' ki oksis'tsi ki iküm'itappoat Egypt, ki stau'pit ki kitak'otumanisto; tükkä, Herod ai'akapsümmiuiae inük'sipokau möks'enitösaie. <sup>14</sup> Otai'puawksi, sepiai'akotuyiuax inük'sipokau ki oksis'tsi ki Egypt itüp'itappoiau: <sup>15</sup> Ki itau'piuaie otai'insaie Herod, möksenüp'anistosi Ap'istotokiua otse'poawsin, otsiprophet i totsi'uaie, Egypt, ün'nimaie nitsit' ütümmau noko'a. <sup>16</sup> Herod, otai'noösax mokök'ietappix otap'apistotoysi, eks'kaiistsetükkiu, ki itüp'otoköttsiuax (otsen'hakemix) Bethlehem ki sa'akapotsim, ai'stokistuyimix sök'umappix ikön'ainittsiauax; küttaistoki'stuyimix sök'umappix mat'okönainittsiauax, umut'otsksinippi tsokap'sūppoötsesattüsax mokök'ietappix. <sup>17</sup> Itüm'enüpanistomaie Jeremy prophet otse'poawsin otan'ipi, <sup>18</sup> Epo'awsinni itsik'kitokhtsip Rama, asain'sinni ki aiim'motseisinni ki omükoyesinni, Rachel o'kosix itau'asuniu ki matokuikiawpiketükkiu'ats, tükkä, itsen'iau. <sup>19</sup> Herod otse'ensi, sat'sik, Ap'istotokiua oto'tokatatsis Joseph otsipapau'takaie, Egypt otsitai'tappiisae. <sup>20</sup> An'istsiaue, Nipuat'ki mattos'au inük'sipokau ki oksis'tsi, ki itüp'itappoat Israel istau'ösinim; tükkä ini'au anniks'isk ap'üssummiiskaie otsipai'tappiisinni. <sup>21</sup> Ki itsipuau ki aiako'tuyiuax pokau'a ki o ksis'tsi, ki Israel istauösin'im ito'to. <sup>22</sup> Ki otokh'tsissi Archelaus otau'atsuaitapai'naiisi un'ni otsin'naiisinni, isstün'imaie mök'ittappoae; ki Ap'istotokiua otsipapauanistosaie, Galilee itanis'tüpítappo: <sup>23</sup> Ki akapioyis, Nazareth anistau, ito'to kiitoko'yiu; mökenüpanistosaie prophetix otan'iipiax, akanistai'niköttau Nazaren'aikuün.

## 3

<sup>1</sup> ANNISTS'ISK ksistsiku'istsk John Baptist ito'to Judæa istoks's'tapiksökkui, itüs'-ksnimamatstokiu, <sup>2</sup> Ki an'iu sauai'tsitak,

spots'im īstsīn'naiisinni aststsiu'. <sup>3</sup> Am'auk annōk' matap'piuōk Isaiah prophet an'iū Nitsitāppiuā ksīstapitaosinim sokse'puyiu, Sūppoatsistotokh'sattoat Nin'a oksokui, oksoku'īsts mokōm'otstsīsests. <sup>4</sup> Ki John, Camel oku'yīsts, itsīs'totosiu, ki īstsikōp'okui itsep'siu; ki otso'ōssinēsts tsikatsix ki namap'iniu. <sup>5</sup> Jerusalem istokōnai'tappix otokōnitota'akax, ki Judaea īstokōnai'tappix, ki Jordan īstauōssin'im īstokōnai'tappix mat'okonitaautaakax. <sup>6</sup> Ki nie'tūktai Jordan (an'istop), otsīt'ūstapinopiax, ki otsauum'itsitappiisūests aiinūp'anistomiauēsts. <sup>7</sup> Ki otsinno'ōssax otas'taaiissax akai'tappiiax Pharisees ki Saducees, otsittūp'auauōkōssax otsītūsta'pīnūki, an'īstsīuax, Pītseksīnau'kosix, tūkka' kītan'ikoau kōkanīstūpīstūpīksatossuai annik' īstse'tūksīnik astai'tsiik? <sup>8</sup> Ai'sūksksattok matsīn'īsts mōk'itanīstosi kītsauai'tsitani: <sup>9</sup> Pini'tsitsiikasik kītsitsi' tanauēsts kok'kītūnīssuai Kīn'un Abrahami; kītan'istopua Ap'īstotokiua, am'oxim okotokix ikotsīstauatomoaiau Abraham pokax. <sup>10</sup> Kiannok' kōts'eksīsts kaxa'kin itsipo'toau: kōnai'īstsī saiīnasīssi ak'aikakiaiu ki ak'aututsaiau. <sup>11</sup> Okke' kīmut'sītūstapīnopua kōkkītsisauai'tsitasuai: apatots'ik annōk' ai'aksakootōōk aiīs'skunitapsiu, nimatsīkōkokotopa'tomoauats matsikīsts': Ostoi' kīmutak'īstapīnokoau Atsim'istaaw ki ī'sti: <sup>12</sup> Ose'kotūkkiatsīs ai'īnīmaie, kīaupūx'īxtōxīxi otsīt'aisuisuitsipīk'iakipi aiaksokapse'maie, osos'tsīpīkiapioyīs aiakītsīptsīpotomēsts otabaiēn'īnsīmmānīsts; ki īstotox'ksiīsts īstsī'i matakatsiu'ats ai'aketsīnsimēsts. <sup>13</sup> Jesus Galilee itūm'aumatto, Jordani nie'tūktai ito'to, John mōkitsīstapīnīsaie. <sup>14</sup> Ki John paiau'tsimīuaie, ki otan'ikaie, ksēsto'a īs ta' pīn o kīt, kitaketak'sipuksipat to kōkokotsīs'tapīnnōksi, ki kīmauksipuksipaakīks? <sup>15</sup> Jesus an'īstsīuaie pokītse'tsīt annok': nōks'īstutīsīnan mokōm'motsitappiisīnni. Itūmīpaio'kīts etomoyīuaie. <sup>16</sup> Ki Jesus aiīs'tapīnnōssi, itopītsīssoa'tomaie okke': ki, sat'sīk, spots'im kau'opiu, ki nan'nuyīuaie Ap'īstotokiua otatsīm'istaaw itutui'sūpīnūmaie sītsī'i itsīnauūni'īnai, ki itokhitopi'īnai: <sup>17</sup> Ki, satsik, epo'awsīnni spots'im itunni'u amok'auk nītūk'omīmokoa, nitsekōkh'sīmau.

## 4

<sup>1</sup> ATSIM'ISTAAW ksīs'tapiksōkkui itūmitūppīp'iuaie Jesus, sauum'itsitappiuā mōk saksksīnnoōsaie. <sup>2</sup> Ki nīsīp'puyi koku'īsts, ki nīsīp'puyi ksīstsīkuīsts otsīt'saioyipists, itsakoo'notsiu. <sup>3</sup> Ki Issaks'ksīnīmaitappii itoto'yīnaie an'īnai, Ikūm'ūmeniki Ap'īstotokiua okku'i, am'oxim ok'otokixīm sītsīp'satsisau mōkitapaiēnasau. <sup>4</sup> Ki itūnīs'tsīuaie, Sīnaip Matap'pi matokot'otsipaitappi'iuaie napaiēn, Ap'īstotokiua mao'i umutokōnai'poawsīsts aiakotsepatappiū. <sup>5</sup> Sauum'itsitappiuā otsītsitapīppiok Atsim'akapīoyīs, ki itokhit'sipotoyeik Nato'iapīoyīs, <sup>6</sup> Ki an'īstsīuaie, Ikūm'ūmeniki Ap'īstotokiua okku'i, īnīs'sīuaie: sīn'aip, akanīstsīuax oto'tokatatsix ksēsto'a: ki otsu'auēsts kitakitotsiketsi'enokiau, kokōt'sīsts kōkstai'tūkōkhsau ok'otoki. <sup>7</sup> Jesus itūnīs'tsīuaie, mat'sīnaip, kimataksaksksīnōau'ats Nin'a, kitap'īstotoka. <sup>8</sup> Sauum'itsitappiuā spaiīstūkki otsittūmī'piokaie itaiīstummūt'tsīikaie kōnauau'ōsinīsts ki istsap'inatsīkiests; <sup>9</sup> Ki anīstsīuaie, am'ostsim kōnauau'ōsinīsts kitak'okoto, apīs'tuksīsanopieniki, atsim'mīmmōkeniki. <sup>10</sup> Jesus itūman'īstsīuaie, Mīs'taput, Satan: sīn'aip, Nina Ap'īstotokiua kitak'atsīmmīmmau, ki kitak'aitanīstaitoau. <sup>11</sup> Ki Sauum'itsitappiuā otai'sīkīkaie ki, sat'sīk, oto'tokatatsix ito'toyikiax ki otspum 'okax. <sup>12</sup> Jesus otokh'tsīmsi John ēen'ōsaie itsitap'po Galilee: <sup>13</sup> Ki otūnīstūpa'atosiae

Nazareth, Capernaum ito'to ki itoko'yi, īssoots'i omük'sikimi ai'aketsksökkui Zebulon ki Nephtalim: <sup>14</sup> Isaiah otse'poawsin mōksenüpanistosi otanipi, <sup>15</sup> Zebulon īstau'ossinni ki Nephthalim īstau'ossinni o mük'sikimi īsta'potsim, Jordan ap'ümmotsim, Galilee īstok'auaax; <sup>16</sup> Anniks'isk matap'pixk, ski'natsi itau'pixk omük'anatsi nan'immiau: ki anniks'isk matap'pixk auōssin'ni eīnsin'ni itstsi'ipi ki eīniu'tūxissinni itstsi'ipi, itau'pixk, ksistsikui'natsiu otsüs'köpsi. <sup>17</sup> Annik' Jesus aumütüpokse'puyiu, ki an'i, Sauai'tsitak; Spots' īmistokök'itsimani āststsii'. <sup>18</sup> Ki Jesus, auau'ökassi, Galilee īstomük'sikimi, itsinnu'yiuax aiis'kūnnimotseiyix, Simon, an'īstau Peter; ki oskün' anīstau Andrew, īksimmatük'kiomikatsiś omük'sikimi itai'suiapiximiauaie, tük'ka itomik'aitappiisau. <sup>19</sup> Ki itünis'tsiuax, noksüppa'akik, ki kitakitaumik'ottaiau matap'pix. <sup>20</sup> Ki atomik'atsuai itskim'miau ki itopokiuo'iauaie. <sup>21</sup> O müt'tükkiös matsitsinnuyeiuax mat'toskünimmotseii, James, Zebedee o ku'yi, ki John oskün', ipit'süpinnuyiuax ak'iosatsiś, Zebedee, iin'oauaie, aip'simiax otomik'atsuaauax: ki itsin'nikötttsiuax. <sup>22</sup> Ki ipit'skittsiiuaie un'oauaie ki ak'iosatsiś, ki itopokiuo'iauaie. <sup>23</sup> Ki Jesus Galilee īstokönau'ossinni itap'auauökau, otatoiapioko'auësts itai'pıstsksinimatstokiu ki aisokse'puyiu spots' im istsetam'itsiniksinni; ki matap'pix opüs'tsimmesuai ki otok'tokossinuauësts ikön an'kütutuyiuax. <sup>24</sup> Ki otap'istutüksinni ikönauanetünistopae Syria īstau'ossinni; ki ikönai'oktokosix, ki amianistsipüs'tsimisix, ki anniks'isk matap' pixk sauumitsitappiuă itsips'tokoyiau, ki mat'tsapix, ki an'auxenix, ikönitautsippotoaiax; ki ikönau'kuttutuyiuax <sup>25</sup> Ki Galilee īstokönai'tappix ikönawk'pokiuaiaie, ki Decapolis, ki Jeiusalem, ki Judæa, ki Jordan ap'ümmotsim īstökönai'tappix matsekönawpkokiuo'iauaie.

## 5

<sup>1</sup> Kī otsinno'ossax akai'tappix ni tum'mo ita'miśso: ki otau'pissi otsitappim'ix ototaakax: <sup>2</sup> Ki itsipa'kuiakiu ki itüsksinim'atsiuax, ki itünui, <sup>3</sup> Anniks'isk matap'pixk oskëttsipöppuauëxk ikikin'etükkiisk, etam'etükkiäu: spots'im ītsin'naiisinni osto'auai otsinan'oaiau. <sup>4</sup> Au'yesix etam'etükkiäu: aiaksiawpiksistotoaiau. <sup>5</sup> Ikkinap'itappiix etam'etükkiäu: ksök'kum otaksinan'oaiau. <sup>6</sup> Ino'tattomix moköm'motsipaitappiisinni ki inäk'attomix moköm'motsipaitappiisinni etam'etükkiäu: ai'akokuyian. <sup>7</sup> Kimapi'itappix etam'etükkiäu: otak'sikimokiau <sup>8</sup> Ksikus'skëttsipöppix etam'etükkiäu: ai'aksinnuyiauaie Ap'istotokiuă. <sup>9</sup> Inüs'tsetappix etam'etükkiäu: akanistainiköttaiau Ap'istotokiuă o'kosix. <sup>10</sup> Anniks'isk matap'pixk itsikim'atsistotoaiau otökommo'tsitappiuōsoauësts etam'etükkiäu; otsinan'oaiau spots' im istsin'naiisinni. <sup>11</sup> Oksis'totokoeni ki maka'pi sītsip'sükkeniki, ki aisimmim'motsenikiau, tükka kitük'omimmokoau kitse'tametüksuai. <sup>12</sup> So poke'tametükkik, spopai'pïk; kitakitakai'sakinnosuko spots'im: apatots'ik neto'yik ünninetoksistotoyiuax Ap'istotokiuă otsiprophetix. <sup>13</sup> Kësto'akaik ksök'kum īstsistsixipoku: atstosai'e umut'aiawxipi itsix'ipokuyi, tsanistapiu ksök'kum umutaiaksitsixipokuistutsip? Matütokoapi'uats, ki aksis'tapixip, ki akitsitautütsamiai'osi. <sup>14</sup> Kësto'akaik ksök'kum īstün'natsii. Akap'ioyis aitokittokhi netum'moyi matokotsiksisattop'ats. <sup>15</sup> Matap'pix matotstsim'axauaie anak'imatsiś mōkitsitaistakhtotosauaie assuyin'i, itai'süppatomiau

itai'süpakanakimatsopi, ki matap'pix itsips'taupix napioyis itokönnauan'akimaiau. <sup>16</sup> Neto'yik kitan'akimatsis istot'unnasayit matap'pix mök'itsinniisau kitawx'istutsipists mök'itstsaküttosauae kin'a spots'im. <sup>17</sup> Pinstak nimut'otopi nökitünnistupipotsisau okök'itsimani, ki prophet ix otün' issuai: nimatütoto'pa nökitünnistupipotsisau, nimut'oto mökitsüpans'tsistutsisau. <sup>18</sup> Kitau'münistopuaau spots'im ki ksök'kum otsauomai'tsänkasi, ki okök'itsimani otsitsauomsüpänätsiopi tüks'kai sikük'sänaksin okök'itsimani itstsi'ipi mat'akitsänkauatsaie. <sup>19</sup> Annök tukskai am'ostsim inüxe'poawsists küttai'aksistutsimökaie, ki ai'aksksinimatsokax matap'pix mök'staiistutsisaxaie, ak'anästainikötttau inüks'tsim spots'im; annök' ai'aksistutsimests ki ai'aksksinimatsokax matap'pix möks'istutsimests, ak'anästainikötttau omük'sim spots'im. <sup>20</sup> Kit an'istopuaau kitokömotsipaitappiisinni saiis'tüpükuiökhssissi Scribes ki Pharisees ot'okömotsipaitappiisuësts kimatakitsipipauuats spots'im itsin'naiisinni. <sup>21</sup> Kikai'okhtsipuaau ükkaiiap'ix otan'ikoiau, Pinuye'nükik: ki annök'ai'akoyenikiuök ai'akesetsimaie okök'itsimani: <sup>22</sup> Ki kitan'istopuaau annök' ksistapistsim'iüök ox'okoä ai'akesetsimaie okök'itsimani; ki annök' ak'anätsiuök ox'okoä Raca, aiakesetsimaie okok'itsimani: ki annök' ak'anätsiuök, kitüt'tsapsi, ai'akesetsimaie Gehenni ots'tsiimniaie. <sup>23</sup> Puksipip'potomäniki kitak'iksistomütskotüksinni natoi'apioyis, ki iksinim'ini kixokoa kitsis'tsimmok, <sup>24</sup> Ün'nim altar istsskit' kitakiksistomütskotüksinni, ki matskot'; matom'ots matsin'nüstseik ksësto'a ki kixokoa, ki tum'ütsipuksiput ki sakumiüts'kotoat kitsiksist'omütskotüksinni. <sup>25</sup> Kipinnüs'tseimis kikakhtum'o, kitsakiokhpokau'pimössi: kökstaiistapipio au'kökitsimaii, ki au'kökitsimaii ök'staukotsei eänake'nai, ki kitakitsips'tapixik itai'ünükio, <sup>26</sup> Kitau' münisto kitsauomai'ponitatossi kitak'sakookotossi, kimatakuxpa. <sup>27</sup> Kikai'okhtsipuaau otanipauuësts ükkaiiap'ix, Kimatakauökotapuaaua: <sup>28</sup> Ki nestoa kitan'istopuaau, annök' üs'sümmiuök ake'uök mök'sta tossaie, ükaukhtauauökautättseuaie u'skëttsipöppi. <sup>29</sup> Kinet'oopspi itsuyisseeniki, sauau'tos ki mis'tüpapiksistsis: ökh'siu tüks'küma mök'saiänakuaiissi koöpspi, ökstaiis'tüpapiksis kostüm Gehenna. <sup>30</sup> Kinet'otsis itsuyisse'eniki kawksinnit', ki mis'tüpapixit: ökh'siu tuks'kaii kotsis'i mök'saiänakuaiissi, ökstaiis'tüpapiksis kostüm Gehenna. <sup>31</sup> Ük'auanistop annök' aiaksiksiuatsiuök otokem'ani ünnianist'okotsis iksiuo'isänaksin: <sup>32</sup> Ki kitan'istopuaau annök' aiaksiksiuatsiuök otokem'ani, otsauomauau'ökotasi, nokets'inai otauökotäts'okaie; ki annök' aiakokkem'iüök otai'ksiuatai'isk itau'ökatau. <sup>33</sup> Stsik'i, kikai'okhtsipuaau otan'ipauuësts ük'kaiiap'ix, kimatakiksistapatauüni'pa, ki, kitakitauanistau Ap'istotokua kitatauün'issinni: <sup>34</sup> Ki kitan'istopuaau, Pinüt'auünik; spots'im pinitüpütauünik; tük'ka Ap'istotokua otspiso'pötsisaie: <sup>35</sup> Ksök'kum pini'tüpütauünik; itsissuikau'piu: Jerusalem pini'tüpütauünik; tükka Omük'ina ot'akapioyimaie. <sup>36</sup> Kimat'akitüpütauunipa kotokön', kimatkotsiksixistutsipats nitu'kuyekai ki kimatkotsixistutsipats. <sup>37</sup> Ki anik' A, A; Sa, Sa; mato'ketauanieniki, mat'ökhssiu. <sup>38</sup> Kikai'okhtsipuaau, ük'auanistop sauau'toainiki moöps'pi, kitak'okötanistotoko: ki sauau'tsiminiki mokhpe'kinni, kitak'okötanistotoko. <sup>39</sup> Ki kitan'istopuaau pinstsimmim'motsemis sauum'itsitappiuä: ki annök' kitakauaiak'iokök kitsets'stoksüs matoko'tsüs ki mat'stoksüs'. <sup>40</sup> Ki matap'pi makitotsissip'puyissaie au'kökitsimaii, ki stakhts'isokösim

mök'otsisaie, mat ūn'nistotsis kisau'tutsisokösim. <sup>41</sup> Ki annök' kītsitappa'atsokök tuks'ka ūskskak'sinni, pokom'is na'toki iskskaksinni. <sup>42</sup> Annök' kitau'kōmōnikök, ko'tsīs, ki annök' kitai'akūkkumatükök, pino'tūkaatsis. <sup>43</sup> Kikai'okhtsipuau ūk'auanistop kitak'ükommimmau kitopokau 'pimokä ki kitak'aukimaukikakhtum'o. <sup>44</sup> Ki kitan'istopuau ūkomim'misau kikakhtum'ix, Atsim'mimmisau anniks'isk matap'pix kitai'pakosinikokoauaxk ökhs'istutosau anniks'isk matap'pix kitau'kimokoauaxk, ki aua'tsimoiikatomosau anniks'isk matap'pix kitse'ksistotokoauaxk, ki kitai'kimatsistotokoauaxk; <sup>45</sup> Kokaukosimmi'issuai Kīn'oau spots'im: tük'ka ikkünats'iuaie natos'i sauum'itsitappix ki ökh'sitappix, ki soio'tümstuyiuax moköm'otsitappix ki sau'okömotsitappix. <sup>46</sup> Ukomim'mainoainikiau anniks'isk matap'pix kitük'omimmokoauixk, tsaak'anistappiuats kisa'kinosuai? Kütтомünistaükomimmotsein'axau publicanix? <sup>47</sup> Ki namiksematsim'ainoainikiau kixokoax, tsanistapiu'ats kumutaumotsapiau stsik'ix? Kütтомünistaiksematsimmotseiu'axau publicanix? <sup>48</sup> Ki süp-puiap'sik manist'süppuiapsi kīn'oau spots'im.

## 6

<sup>1</sup> ISKSKATS'IK kökstau'kömmotsitappiisuai matap'pix kōkainu'yissi; ikümits'tsiki kīn'oau spots'im kimataksakinosukoauats. <sup>2</sup> Mak'aumütskotükkieni ki pinik'it manistsik'ipi aiksistapokömotsitappikasix itai'puyissax natoi'apioyists ki moksoku'ists, matappix möksinnu'yissax. Kitau'münistopuau sakino'sattaiau. <sup>3</sup> Ki aumüts'kotükkieni ki pinsksin's i'aksissauts's kinet'otsisi otai'istutsipi; <sup>4</sup> Möksisimis'si kitaumüts'kotüksinni; ki Kīn'a, aisimmiüs'süppiuök, kitaksinnoam'sakinosük. <sup>5</sup> Ki atsimoi'ikainoeniki pinet'omanistsik aiksistap'okömotsitappikasix: otük'ometsimanoaiau mökauatsimoiikasau otsitai'puyisau natoi'apioyists ki moksoku'ists itsi'kokeists, matap'pix möksinnu'yissau. Kitau'münistopuau, sakino'sattaiau. <sup>6</sup> Ki Ksěsto'a, a'tsimoiikainiki, istsi pi koko'ai, okim'ini, a'tsimoiikamis kīn'a ai'simmiapsiuă; ki kīn'a, aisimmiüs'süppiuök, kitaksinnoam'sakinosük. <sup>7</sup> Ki atsimoi'ikainoeniki piniksistape'puawtsis, manistaiksistapepoattopiauaie saie'tükkix: tük'ka ūs'taiau ak'aikhtokiau otakai'puyissau. <sup>8</sup> Pinet'omanistsik, tükka Kin'oau isksinim'ests kitsipu'ınakitsipists kitsauomauan'istopi. <sup>9</sup> Ün'anistüttsimoiikak: Nīn'an spots' im kitsitau'pipi, ünanistatsim'metsis kitsin'ikösim: <sup>10</sup> Ünanisto'tos Kitotümap'sinni: spots'im Kitsitsi'tan kanis'tutsipi, annom' ksük'kum noküt'anistutsit: <sup>11</sup> Annok' ksistsiku'ik nokkok'inan aaú'össin: <sup>12</sup> Ki ünnikksksin'it'au nitsauum'itsitappiisinanests, manistüs'ksinoawpi anniks'isk matap'pix nitsauum'itsistotokinanixk: <sup>13</sup> Ki pinistskim'ükinan, ki nokitsikömotse'piökinan Sauum'itsitappiuă; kitusk'sainaniau nīn'naiisinni, ki otünmap'sinni, ki ıstsapina'sinni. Amen. <sup>14</sup> Ünnikksksinno'ainoeniki matap'pix otsauum'itsitappiisauuests, Kin'oau spots' im kitak'okksinokoau. <sup>15</sup> Ki sauokksinno'ainoemki matap'pix otsauum'itsitappiisauuests, Kīn'oau Spots'im kimatakoksksinokoau'ats. <sup>16</sup> Küttaioyienoeniki pinomüs'süppik manist'omüssüppipiau ksistapokömotsitappikasix: tükka iksistuts'imiiau ostokso'auests, matap'pix möks'ksinoösax küttaau'yiau. Kitau'münistopuau ūk'otsimiau saiakinosattopiau. <sup>17</sup> Ki ksěsto'a, küttaiau'yeniki pu'ikiniit, ki issis'kiosit; <sup>18</sup> Matap'pix kökstai'isksinokiau kikütauyi, kōksksinnu'yissi Kīn'a

aisimmiüssüppiuā: ki Kīn'a aisimmiū'süppiuā kitaksinnoam'sakinosūk. <sup>19</sup> Pinaumoi'otosik akau'tsapsinni annom' ksök kum, apūn'ix ki apissu'yei otsits'oyipi, ki kōm os'iepitsix otsipis'sax ki otsikōmos'sax: <sup>20</sup> Ki aumoi'otosik akau'tsapsinni spots'im, apūn'ix ki apissu'yei otsitsau'oyipiau, ki kōmosiepitsix otsitsauaisisüppokatūn'akiapiau ki otsitsauai'kōmospiau: <sup>21</sup> Itstsi'piau kitsinan'ists, ün'nimauk ku'skēttsipöppi. <sup>22</sup> Mostūm'i ista'natsii moöps'piina; nituks'küssi koopspī, kostūm' ak'otuitsiu anat'sii: <sup>23</sup> Ki koöps'pi minix'issi, kostūm'i ak'otuitsiu ski'natsii. Anat'sii annik' i tsispsts'tsiik kostūm'i ski'natsissi maum'aumüko ski'natsinni! <sup>24</sup> Tuksküm matap'pi matokotsapotomoyiuat-sax na'tokümix nñ'nax: aksikümokkümju tuksküm ki aks'ikümükommimmu stsik'i; akiküme'eniu tuks'küm ki aksiküm'istsimimmu stsik'i. Kimatokotapotomoauaxau Ap'istotokiua ki sauum'itsitappiuā. <sup>25</sup> Ünnikaie kitan'istopuaau pinap'itsitatoat kitsipai'tappiisinni kitaks'oattoppi ki kitak'simattoppi: ki pinap'itsitatoat kostūm'i kitai'aksüpskawsattoppi. Tse'ka isskits'tau opai'tappiisinni ki aau'össin, mostūm'i ki istotos'ists? <sup>26</sup> Süm'mokau pail'tax: mat'omaiinsimmauaxau ki matomaipokiakuaxau, ki matomaumoipotükki'axau īnsim'apiyöists; ki Kīn'oau spots'im ai'issøyiuax. Tükka' isskits'tau, ksësto'a ki osto'auai? <sup>27</sup> Üs'tainoeniki kök'spitappiisuai, tsiksım a' ak'aatspitappiui? <sup>28</sup> Kumauk'apaitsitatoppuaisksistsaii istotos'ists? Sat'sikau anat'suiopokists itai'suskiau; matapotükkiu'astsau, matapis tutükkiu 'ästs'au istotos'ists. <sup>29</sup> Ki kitan'istopuaau Solomon otstsap'istotossi mat skit stom'atsests annists'isk suio'pokistsk. <sup>30</sup> Is'totosatstopiests saiüs'kiests manistis'totosatstopiests annists'isk annok' ksistsikuik na'paitappiisk ki apinök'wís apittüp'apixipiau istsi'i: kiküttomaiakstaisttpistotosatskokoauats, kitsenük'aumaitükkipuau. <sup>31</sup> Ün'nikiae pinapai'tsitolao kök'anissuai Tse'a nöks'auattopinan? Ki, Tse'a nök'simattopinan; ki; Tse'a nöks'istotosattopinan? <sup>32</sup> (Tük'ka annists'isk, Gentiles ap'üssatsimësts:) Kīn'oau spots'im īksinim'aie kitsim'mükitatosests. <sup>33</sup> Ki Matom'apsatsik Ap'istotokiua otsin'naiisinni ki otokömotsitappiisinni ki annists'isk kitak'utokönokokësts. <sup>34</sup> Ün'nikiae pin ap'itsitolao apinok'wís; api'nok'wís ak'apitsitasiu. Tuks'kai ksistsikui, maka'pi sup'anistsiu.

## 7

<sup>1</sup> PINOKÖK'ITSIMAK      ki      kimatakokökitsimük      o'a  
<sup>2</sup> Kanistau'kökitsimapuai      kitakanistau'kuyissi.      <sup>3</sup> Ki ku-  
 mauk'satsiks      këskün'      osüppa'kōmosinni,      ki      kimatstatopats  
 kitomüksüppa'kōmosinni?      <sup>4</sup> Ki kiküttaukot'anistau      këskün'  
 nök'sauautsissi      kitsüppa'kōmosinni;      ki      sat'sit, omük'o      ki-  
 tauütsüppa'kōmosinni?      <sup>5</sup> Kitsiksistapo'komotsitappiansi, Matom'-  
 sauautsit      kitomük'süppakōmosinni,      ki      kitakotümsokapsatsip  
 kóksauautsissi      këskün'      o      süppa'kōmosinni.      <sup>6</sup> Annists'isk  
 natoap'istsk      piniko'tokau imitax,      ki      pearls pinitüp'istüpapixikau  
 ak'sinix,      öksikkümítauau'ökaiau      ki      akotümotükau'auyiau      ki  
 kitak'otümsixipok.      <sup>7</sup> Anik:      ki      kitak'okoko;      apsatsik,      ki      kitak'okonip;  
 istok'iakik,      ki      kitaksikauai'pixik.      <sup>8</sup> Anniks'isk matap'pixk  
 au'kōmönixk      au'kuyiau;      ki      annök'      ap'satsimök,      au'konimaie:  
 annök      istok'iakiuök,      otak'sikauaipixikiae.      <sup>9</sup> Tükka' nñ'naua,  
 auköm'önistüssi      okku'i      napaiën,      aiakokotsiuiae      okotoki?      <sup>10</sup> Ki

aukōm'önistüssi mammi', aiakikotsiuiae pítse'ksina? <sup>11</sup> Ksěsto'au, kitsauum'itsitappiipuau, īksinim'enoainiki kök'okotosuai ko'kosoauax ökh'sists, Kīn'oau spots'im küttomaiakokotsiu'atsax ökh'sists anniks'isk matap'pixk otau'kōmōnikix? <sup>12</sup> Kanist'sitsitatopnai matap'pix kökünistsitsitaiissuaiau, kitak'ünistsitsittattaiau: ünnianistap'piu okök'itsimani ki prophetix otse'puawsuai. <sup>13</sup> Apüt'okitsimi pi'ik; sokokit'simi apük'oksokui itüp'itsiiau akotap'sinni, ki akai'tappi itsipim'ix: <sup>14</sup> Annik' kītsim'ik, ki annik' moksoku'ik itüp'itsiikiau opai'tappiisinni, aput'tsiiiau; ki unna'tsitappii ikon'imix. <sup>15</sup> Stim'nokau ksīs'tapatoiapiekuax kit'sitotaakixk emük'ikīnaistotosixk, ki o'pistokini itapis'onotsiau. <sup>16</sup> Kit-aks'ksinoiaiau otsin'asoauěsts. Matap'pix küttomautuyiu'atsauax ksīssi'ix mīn'ists, ki ksīs'tapsūskiists küttomautsim'axau figs? <sup>17</sup> Neto'i kōnai'ökhsistsix ai'ökhsinasiau: ki makap'istsix makap'inasiau. <sup>18</sup> Ökhsistsis matokotokapinasiu'ats, ki makap'istsis matokot'ökhsinasiuats. <sup>19</sup> Kōnai'istsix kūttaökhsinasiix kakiok'au, ki īs'tsi itsis'tüpapiksistaiau. <sup>20</sup> Ün'nikaie kitaks'ksinoiaiau otsin'asoauěsts. <sup>21</sup> Kōnai'tappixk nitan'ikixk, Nin'a, Nin'a, matakokonitaipim'axau spots'im ists'īn'naiisinni: annök' ap'istutsim'ök Nin'a spots' im otsitsi'taniaie, ai'akitsipim. <sup>22</sup> Annik' ksistsiku'ik akai'tappi nitak'anikiau, Nin'a, Nin'a, niküttomaisitsipsspinanats kītsin'ikōsim? Ki niküttomaisuskounaniauaxau sauum'itsistaawx kītsin'ikōsim? Niküttommutaipissatskaspinana kītsin'ikōsim? <sup>23</sup> Ki nitakotumanistaiau, kimats'ksinopu aua; Mīstupa'akik, ksěsto'au kitsauum'itsistutsipuaii. <sup>24</sup> Annök' aiokh'tsimiuök annists'isk nitse'poawsistsk aks'istutsiu mokokiin'ai annök itokhit'okoiskauük ok'otoki: <sup>25</sup> Ki ai'sotau, ki ai'sauksikimskau, ki ai'sopu, ki annik' napioyis itot'suppu; ki matsistokhopiu'ats; tük'ka, itokhit'okoiskauük ok'otoki. <sup>26</sup> Ki annök' aiokh'tsimiuök annists'isk nitse'poawsistsk, ki matsistutsim'atsěsts aks'istutsiu mattsapsin'ai, annök' itokhit'okoiskauük spōts' ikui: <sup>27</sup> Ki ai'sotau, ki ai'sauksikimskau, ki ai'sopu, ki annik' nap'ioyis itot'suppu; ki istokhopi'u; ki omük'o otsis'tokhopiisinni. <sup>28</sup> Ki ün'nitsiu, Jesus otaiksiste'poattosěsts annists'isk epo'awsistsk, matap'pix skaie'tükkiuax otsksinimats'tüksinni; <sup>29</sup> Ototumap'sinni itüs'ksinimatsiuax, ki sīnak'ix manistüs'ksinimatsawpiax, matuksinimatsiu'atsax.

## 8

<sup>1</sup> OTSİN'NİSAATOSSI nitum'mo akai'tappiit itopokiuo'iauaie <sup>2</sup> Ki, satsik, nīnuau leper otsittotaakaie ki otsit'atsimmimmokaie, Id otsit'anikaie, Nin'a, atsi'tatominiki kitokotsiksixistotok. <sup>3</sup> Ki Jesus itsau'ksikinstsiaku, ki itsixen'iaue, ki an'iu, nitak'anistutsip; ksiksit'. Ki soksiksik'siuiae. <sup>4</sup> Ki Jesus anistsiuiae, Sat'sit, pinaiitsinikos matap'pi; mīs'taput, annis'tsinnosattsis natoi'apiekuün, ki aniiik' otan'ipik Moses īssa'kumütskotoat möks'ksiniiisau. <sup>5</sup> Ki Jesus otsito'taipiissi Capernaum, eēn'aken'ai otsitto'taakaie, ki otau'kōmōnikaie, <sup>6</sup> Ki otan'ikaie Nin'a, anrök' nitapotomokök noko'ai itsis'tokhaitsiu, ai'papuyiu, eks'kaaipuinüm. <sup>7</sup> Ki Jesus an'istsiuiae, nitak'ittappo nitak'okuttutoau. <sup>8</sup> Eēnaken'ai an'istsiuiae, Nin'a, nimat'sipumapspa kōkitsipissi noko'ai: kakse'puyit, ki annök' nitapotomokök ak'okuttutoau. <sup>9</sup> Nēsto'a nitap'otomoki, ki eēn'akex nitap'otomokiau; ki nitan'istau am'ok mīs'taput, ki ai'istapu; ki nitan'istau stsik'i, puk'siput ki ai'paksipu; ki annök' nitap'otomokök nitan'istau, am'oi ünnianis'tutsit,

ki au'anistutsimaie. <sup>10</sup> Jesus otokh'tsimsaie, skai'etükkiu, ki an'istsiuax anniks'isk matap'pixk ipokiuo'ixk, Kitau'münistopuaau manist'omükopi otaumai'tüksinni nimatünistokonip'ats Israel istauösön'im. <sup>11</sup> Ki kitan'istopuaau akai'tappii umutautstsipi apinök'kuyi ki otsit'tistükköpipi ak'ütotoiau, ki akopokau'pimiuax Abraham ki Isaac ki Jacob spots' im īstsün'naiisinni. <sup>12</sup> Ki nün'naiisinni īstokos'ix ak'satüpisätsiauax ski'natsii; annim asain'sinni ki satse'kinan ak'itsii. <sup>13</sup> Jesus an'istsiuiae eēnaken'ai mís'taput, kanist'aumaitükköpi kitakünisttutoko ki annök' otap'otomokök itsok'okuttutoau. <sup>14</sup> Ki Jesus otsitsipissaie Peter oko'aiaie, nannuyiuiae otokem'ani o'ksätsiaie itsis'tokhaitsiinaie, ai'okhtokim püs'tsimesinni. <sup>15</sup> Ki kaien'imaie otsissi, ki püs'tsimesinni itskimaie: ki itsipuau', ki ito'yiuax, <sup>16</sup> Autükkus'si ito'tsipotuyiauiae akai'tappiau sauum'itsistaawx pakh'tokinattsiikiauax: ki otse'poawsinni itsa'tüpiksätsiuax staawx, ki ikut'tutuyiuax ikönai'okhtokosix: <sup>17</sup> Möks'enüpanistosi otan'ipiaie Esias prophet, ki an'iu, Osto'i mat'simësts kitsauüt' tsikotsapsinunists, ki ipa'tomësts kitokh'tokosinunists. <sup>18</sup> Jesus otsinno'össax akai'tappiix oto'tüksipuyimokax, ikök'itsimau mök'opümmosau. <sup>19</sup> Ki tukskümäni aisänaki'ina itoto'yänaie ki an'istsiuiae, Nin'a kitak'ittappopi nitak'opokiuo. <sup>20</sup> Jesus an'istsiuiae, ota'tuyix au'öttsimaniau, ki paiu'tax au'yiiiau; ki Nün'nau okku'yi matsistokhotom'atsiae otokön'. <sup>21</sup> Ki stsik'i otüsksinimats'aie an'istsiuiae Nin'a, nök'otomitappo nök'akitsösi nün'a. <sup>22</sup> Ki Jesus an'istsiuiae, süppa'kit; ki enix ünanistak'itsösauax enix. <sup>23</sup> Ki otsüppopis'si akh'iosatsis, otüs'ksinimatsax ipokitsuppo'pii. <sup>24</sup> Ki satsit iek'opaikimskau, ki ai'sikopaikimskau akh'iosatsis; ki ai'okau. <sup>25</sup> Ki otüs'ksinimatsax otsit'totaakikax ki otsitsiksekenokikax, ki an'istsiikiauiae, Nin'a kömotse'piokinän: nitaks'inetspinan. <sup>26</sup> Ki an'istsiuax kumauk'sikopupuauaisks kitsenükumaitükkipuan? Itümit'sipuau, ki ai'sitsipsattomësts sopu'ists ki paikimskaiüsts; ki ikönau' maitsiästs. <sup>27</sup> Ki nün'ax skai'etükkiu, ki an'iau, Tsökhtanistap'inanökhtaute, sopu'ists ki omük' sikimi manistse'tokësts? <sup>28</sup> Ki otopümmo'si Gergesenes istauösön'im ito'tatsemiauiae natsitappii sauumitsistaawx pakh'tokinattsiikiax, aken'imanists itsüx'iax, eks'kainixiikiax, matap'pi matokottotsko'pats. <sup>29</sup> Ki satsit, aisokse'puyiau, ki an'iau, Tsaakanistappikitsimattopinan, ksësto'ä ki nëstünan, Jesus, Ap'istotokiuä okku'yi? Kiküt'tautotopa kökkitsikimatsistotoksinan otsauomo'tosi itaiksätsikumiopi kök'kiitsikimatsistotoksinan? <sup>30</sup> Ki Pistsäksi'pio akaiäm ak'sinix itau'yiau. <sup>31</sup> Ki sauum'itsistaawx au'kömöniestsiauiae ki an'istsiuiae, saiai'pixikinäni, nök'itsipisänianau ak'sinix. <sup>32</sup> Ki an'istsiuax kükku'. Ki otsüksax, ak'sinix itsipim'iax: ki, satsit, könak'sinix itsin'aukskasiau inno'tsistüppakui, ki omük'sikimi suioks'kasattomiau, ki inets'iau. <sup>33</sup> Ki anniks'isk matap'pixk üsks'kümiäskax itsis'tüpaukskasiau, ki akap'ioyis itsipim'iau ki ai'itsiniköttsiauax, ki anniks'isk matap'pixk pakhtokkinattsixk sauum'itsistaawx mats'itsinniköttsiauax. <sup>34</sup> Ki, sat'sit, Könai'tappix ikönai'süxkitsimiau akap'ioyis mökittotatsemösau Jesus: ki otsinno'össauiae, au'kömöniestsiauiae möks'istapusaie otau'össuai.

## 9

<sup>1</sup> KI itsuppo'piu akh'iosatsis, ki ito'pümmo ki otauütakap'ioyim ito'to.  
<sup>2</sup> Ki, sat'sit, itotsip'iauaie nün'nau, ai'pakhpuyiu, īstokhai'tsiu üksin': Ki Jesus otsinä'saie otaumai'tüksuaiax an'istsiuiae ai'pakhpuyiuä,

Noko'a, ökh'sitükkit; kitsauum'itsitappiisists īksinip'iau. <sup>3</sup> Ki, sat'sit, stsik'ix ai'sinakix īstai'au am'o (nin'nau) makapie'puyiu. <sup>4</sup> Ki Jesus īksinim'ests otūs'tapauauests ki an'iu, kumauk'itsitatopuaauaisks maka'pi ku'skëttsipöppuauests? <sup>5</sup> Tsim'a ksistspa'pi, kök'ansi, kit sauum' itsitappiisistsksinip'iau; ki kök'anisi, Nipuat' ki auōkat'? <sup>6</sup> Ki köks'ksiniisuai Nin'a okku'yi iköts'ksinim'ests sauum'itsitappiisists annom' ksökkum (itüm'anistsiuiae aipakhpuyii) Nipuat', matsit' kitük'sin, koko'ai is'taput. <sup>7</sup> Ki itsipuau' ki oko'ai itsitap'po. <sup>8</sup> Ki akai'tappiii otsinīs'sax, skai'etükkiu, ki a'tsimmimmiauiae Ap'istotokiua annök' ikotsiu'ök matap'pix otümap'sinni. <sup>9</sup> Ki Jesus otaumatto'si, nannuyiuiae nin'nau, an'istau Matthew, itaupii'īnai itai'ponitatopiaie, ki an'istsiuiae Sëppa'kit. Ki itsipuau' ki pokio'atتسiuiae. <sup>10</sup> Ki ün'niitsiu Jesus otsitsips'taupissi nap'iyis, otau'yissi, sat'sit akai'tappiau publicanix ki sauum'itsappix, itsito'taipimiau ki ipokau'pimiauax (Jesus) ki otūs'ksinimatsax. <sup>11</sup> Ki Pharisees otsinno'össax, itünis'tsiauax otüsksinimats'axiae. Kitsin'aimoau maukopoks'oyimiax publicanix ki sauum'itsappix? <sup>12</sup> Jesus otokh'tsisaie, an'istsiuax, anniks'isk matap'pixk ikut'totoaxk matsimmüki tappi'uaxau assokinakki, anniks'isk matap'pixk ai'okhtokosixk kímük'ittappiau. <sup>13</sup> Is'tapuk, üs'ksinik manistap'ipi, nitökh'sitsip kím'apiisinni, ki nimatökh'sitsipats ikit'stüksinni: tük'ka nimat'ütotopa nök'ainiköttosau moköm'otsitappix möks'issauaitsitasau, sauum'itsappix nimut'oto. <sup>14</sup> John otūs'ksinimatsax otsitüm'ittotaakax, ki an'iu, Tsanistapiu'ats nimutsauau'yipinan nestün'an ki Pharisees, ki kitüsksinimatsax küttaisauauiy'axau? <sup>15</sup> Ki Jesus anistsiuax küttaukotau'yesiuaxau man'okkemiuök oko'ai istokos'ix, itsa'kiitawpissi man'okkemiuök? Ki annists'isk ksistsiku'ists ak'otoiau man'okkemiuök otai' akitotoawpistskiae, ki akotümsauau'yiau. <sup>16</sup> Kimatanipsospau makap'isokösists; annik' psak'sinik aksokspinikau ki saku'apinikan aksistüpaipinikau. <sup>17</sup> Matap'pix matomaisüppasuyinim'ests mani'ists min'iokkeists ükautokeissuyinists, öks'kakümipinikau ük'autokeissuyinists, ki min'iokke ak'saikimsskau, ki aks'iksistsuyinasiau: Manin'iokkeists itsuppa'suyinimiau man'otokeissuyinists ki ai'aketökhsiau. <sup>18</sup> Otsakiaisitsip'sattosax annists'isk epo'awsists, tuksküm'ini eenakin'ai itoto'īnai ki a'tsimmimmiauiae, ki an'iu, Nitün'na ük'ainiu; puk'siput ki kotsis'i tsixen'is, ki aks'ipui tappiui. <sup>19</sup> Ki Jesus itsipuau', ki itopokom'iuiae, ki otüsksinimatsax mat'opokomiauaie. <sup>20</sup> Ki sat'sit ake'uä, au'atünikau üksaumawksaikimskau otok'tokossinni na'tsikoputtuyi stuyi'ists, itsüp'paatsiuiae, ki itsix'enimaie opekakün'īmaniaie: <sup>21</sup> Tük'ka, is'tau, ksen'īminki opekakün'īmani, nitak'okuttotoko. <sup>22</sup> Ki Jesus ito'tükkiu; ki otsinno'össaie, itüni'u, Nitün'na, ökh'sitükkit, kitaumai'tüksinni kumut'okuttotoko. Ki ake'uä annik' itokut'totoau. <sup>23</sup> Ki Jesus otsitto'taipiisi eenakin'ai oko'ai, ki otsinno'össax au'yesix ki matap'pix eis'tsekñiau, <sup>24</sup> An'istsiuax, anis'tapaau, ake'kuün matseniu'ats, ai'okau. Ki itai'īmiauiae. <sup>25</sup> Ki otsis'tüpskoösax matap'pix, itsipim, ki ito'tsimaie, otsis'aie, ki ake'kuün itsipuau. <sup>26</sup> Ki otap'istutipi, annik' auösön'ik, motüs'ksinipaie. <sup>27</sup> Ki Jesus otsistüpaumatta'atossi, na'tokümi naps' tsix nin'ax ipokiuo'iax, ki aiso'puyiax ki an'iu, David okkui', Kím'okinan. <sup>28</sup> Ki otsitsipis'si nap'iyis, naps'tsix itoto'yiauaie: ki Jesus an'istsiuax kikütau'maitsipuan nök'okotünistutsis? An'istsiiuaie A, Nin'a. <sup>29</sup> Itüm'itsixeniuax oöps'puauax, ki itüni'u,

kanisto'maitsipuai, ūnnianistsis'. <sup>30</sup> Ki itsikau'opiii oöps'puauax: ki Jesus saiemiuax mökstanis'tosax matap'pix. <sup>31</sup> Ki osto'auai, otsis'tapusau ikönai'tsinnikoyiauax matap'pix annik'auösön'ik. <sup>32</sup> Ki otsüksax, sat'sit ito'tsipiauaie küttaiai'puyiua sauum'itsistaaw pakto'kınattsiuaie. <sup>33</sup> Ki sannm'itsistaaw otsai'piksistössaie, küttaiai'puyinä itse'puyiu: ki könaitappix skai'etükkiau, ki an'iau, matsikainip'ats Israel istauösön'im. <sup>34</sup> Ki Pharisees an'iau sauum'itsistaawx otsin'aimoauai itai'saipiksistsiuax sauum'itsistaawx. <sup>35</sup> Ki Jesus itap'auauökau könau'akapiroyists, ki inük'akapiroyists, ki itüs'ksünimatstokiu ota'toiapiroymoauests, ki ai'semokiu nin'naiisinni istökhs'itsiniksinni, ki ök'kuttutsimests matap'pix otokönai'oktokosuauests ki otokönau'atünikauests. <sup>36</sup> Ki otsinno'össaie otappiisön'na, kaiüm'iuaie, tükka üs'tsimsiu, aneto' manistau'anetopiax emük'ikinax saiits'tsissi üsks'kümokiuä. <sup>37</sup> Itüman'istsiuax otüsksünimatsax, akauo'yi insin'manists, ki ap'otükkix unna'tosimiau; <sup>38</sup> Atsim'oiiküttok insim'manists istsin'nau mök'itüpskoösax otinsimmanists apotükkix.

## 10

<sup>1</sup> OTSIPUK'SÜPINNIKÖTÜSAX na'tsikoputtsiau otüsksünimatsax, ikotsiu'ax otüma'sinni mök'saipiksistosauax sauum'itsistaax, ki mok'ökuttutsisax amian'istokhtokosists ki amian'istatünikests. <sup>2</sup> Na'tsikoputtsixk itoköt'tsiuax otsin'ikosoauests am'ostsiaukiests; Matom'itappiu, Simon, mat'anistau Peter, ki Andrew oskün: James, Zebedee okku'i ki John oskün'; <sup>3</sup> Philip, ki Bartholemew; Thomas, ki Matthew, annök' publicanök; James, Alphæus okku'i. Ki Lebbæus, mat'anistau Thaddæus; <sup>4</sup> Simon, Canaanite; Ki Judas Iscariot annök' aien'üpänistsiuökaie. <sup>5</sup> Anniks'isk natsikoputtsixk Jesus itoköt'tsiuax ki saiem'iuaax ki an'istsiuax, Gentiles oksoku'auests pinitap'pok, ki Samaritans otakap'ioyimoauests pinüt'sitsipik: <sup>6</sup> Ki Israel oko'au otomük'ikinaumix ats'ax is'tapuk. <sup>7</sup> Ki auau'ökainoniki sem'okik, ki anik', spots'im istsin'naiisinni aststsui'. <sup>8</sup> Ai'oktokosix kut'tutokau, leperix issin'nomokau, enix' nipua'atsokau, sauum'itsistaawx sai'aipiksistokau; Kitsiksist'okoko, ksistoko'tükkik. <sup>9</sup> Gold ki silver ki brass pinitsüp'pitükkik kitsitai'süpöpumatsopuauests, <sup>10</sup> Assuia'tsiman pinots'ik aumatto'ainoainiki, pinots'ikau na'tokaists spiks'isokösists, ki a'tsikists, ki otoats'ists; ap'otükkiuä ak'otsimaie otso'ösön. <sup>11</sup> Annik' akap'ioyisk kítai'akitsipipika süppo'öttsesatsik annok' oks'apsiuok; ki annim' stau'pik kitsauomai'sükskitsissuai. <sup>12</sup> Ki pim'innoinainiki nap'ioyis, ksematsim'attok. <sup>13</sup> Ki ökhs'issi nap'ioyis ünnianistsito'tos kitsin'nüstseisuauests; ki sauökhs'issi ünnianistsska'atok kitsin'nüstseisuauests. <sup>14</sup> Ki annök' kiküt'tautokök, ki küt'tauotsimikök kitse'poawsists, sükskitsim'innoinainiki annik' akap'ioyisk sostsik'asattok. <sup>15</sup> Kitau'münistopuau akök'itsimaiksistsikuik Sodom ki Gomorrha ak'skitstom annik' akap'ioyisk. <sup>16</sup> Sat'sik emük'ikinax mis'tüpskoawkiapis'ix neto'yik kanistsis'tüpskopuau: mokök'ik manistsoköki piitse'ksinax, ki ikkinaps'ik manistik'kınapsipi kükku'ix, <sup>17</sup> Ki üsks'kümokau matap'pix; kitakaumüts'kaukoau akök'itsimani, ki otatoi'apiroyimoauests kitakitaipstüsistsipis'okoau; <sup>18</sup> Kinin'ax ki omük'inx kitakittüp'p'okoai, něsto'a kumut'aiakaitüppiokoai, kökkite'nüpänistosau ki Gentiles. <sup>19</sup> Ki aumüts'kaukuinnoainiki pinstak kökünistse'puyisuai; annik' kitak'okokoau kitai'akanipuai. <sup>20</sup> Kimats'epuyipuau, Kín'oau osta'aw ksěsto'au itsipstai'puyiu.

**21** Ki umu'pappiipi akumüts'kaiuaie umu'pappiipi möks'einsi, ki nín' a akumüts'kaiuaie okku'i; ki pokax aksenüpanistaiau un'oauax ki oksis'toauax möks'enitösaauax. **22** Ki könai' tappix kumut'akaukimokoiau něsto'i; ki annök' eikak'imauök umuts'ipaitappiuaspi akitsikömotse'piauaie. **23** Kím'atsistototsenoainiki tuks'kai akap'ioyis, mís'tüpokskasik stsik'i: kitau'münistopuau kimatakokönitotopuau Israel īstokönau'akapioyists otsauomai'akotosi Nín'au okku'i. **24** Ūsksinimats'au matskitsimiu'ats otüsksinimats'tokiuä, ki apotük'kiuä matskitsimiu'ats otsin'aim. **25** Ökh'siu ūsksinimats'au möketüm'anistsau otüsksinimats'tokiuä, ki apotük'kiuä möketüm'anistsau otsin'aim. Anistsin'niköttüsauaie nap'ioyis otsin'aim Beelzebub, ak'staianistsinniköttaiau itsipstaupixk oko'ai? **26** Pin stün'nokau; matsekipats akstaisaiipasokinnis; matsitsiks'spats ak'staisaiisksinis. **27** Kitse'itsinikopuai ski'natsii matai'itsinikok ksistsiku'inatsii: ki kitai'okhtsipuai kotokhís'suai, sem'ik spots' im nap'ioyists. **28** Ki pinstün'nokau anniks'isk akenitomixk mostüm', ki sta'aw matokotsenitsiau'ats: stün'nok annök' i kots'enits iuökax mostüm' ki staaw stakhts'im. **29** Natokümix sistsix küttomütaiponitau'atsax nitsipün'asaini? Ki tuks'küm matakittotstsiu'ats ksök'kum sauüs'ksinoüssi Kin'oau. **30** Kitoku'yikinsists ikönüks'topiau. **31** Piniko'puk; kitots'itskükaiixkümimipuau akaiem'ix sistsix'. **32** Annök'aie'nüpanistsiuök matap'ii něsto'i, osto'i nitaks'enüpanistau nín'ä spots'im. **33** Annök' nít'saietokök matap'piuök, osto'i nítak'saietoau nín'a spots' im. **34** Pinstak nimut'oto īnnüst'sinni nökitsit'apixisi ksök'kum: nimat'otopa nökitsit'apixisi īnnüst'sinni, innu'stoan nimut'oto (nökitsit'apiksitos ksök'kum). **35** Nimut'oto nín'au ki un'ni mök'itsipotsistsimmotseisau, ki otün'ni ki oksis'tsi, ki äum'si ki maawks'i mökitsipotsistsimmotseisau. **36** Ki nín'au aks'ikatumimmiuax otopokau'pimix anniks'isk matap'pixk oko'ai itsipsts' taupixk. **37** Annök' aiis'tüpükommiumök un'ni něsto'i nimatokotsinanük'ats: ki annök' aiistüpükommiumök oku'yi ki otün'ni něsto'i nimatokotsinanük'ats. **38** Ki annök' sauots'issi otauiinan'i sauopokiuo'osi něsto'ä, nimatokotsinanük'ats. **39** Annök' ikon'ümök opai'tappiisinni, ak'atstomaie; annök' at'stömök opai'tappiisinni, něsto'i itat'stomaie, ai'akokonimaie. **40** Annök' kito'tokök nito'tok; ki annök' nito'tokök ito'toyeuiae annök' nitse'tokükök. **41** Annök' ito'toyeuök prophet otsiprophetisaie otak'okuyissi prophet osa'kinosinniae; ki annök' ito'toyeuök moköm'otsitappiuä oto'kömotsitappiisaie, otak'okuyissi moköm'otsitappiuä osa'kinosinniae. **42** Ki annök' ai'akutükkuyiuök sto'kimi tuks'kumi anniks'isk inüks'tsimixk otüs'ksinimatsössaie, kitau'münistopuau matakatstom'ats osa'kinosinniae.

## 11

**1** KI un'niniitsiu otai'ksistanistössax na'tsikoputsix otüsksinimats'ax itsistüpa'atomaie möküsksinimatstoksi ki mökatsim'semöksi ot'akapiyoauësts. **2** Annok' John itsipsts'taupissi itai'okiakiopi otokh'tsisësts Christ oiapistutsipists'aie, itoköt'tsiuax na'tokümix otüsksinimats'ax, **3** Ki an'istsiuiae, kikütami'pa annök' aiakoto'ök, ki nök'apsümmösinan noke'tsimi? **4** Jesus an'istsiuax, mís'tapuk, matan'istsinnomok John annists'isk kitokh'tsipuauëstsk ki kitüs'satsipuauëstsk: **5** Naps' tsix üs'süpiau, üs'tsekaiix iköm'otauauökaiau, leperix issin'aiau, küttaiai'okhtsimix ai'okhtsimiau,

enix' aipauau'iau ki kĩm'atapsix atsimsem'aiau ökhs'itsiniksinni. <sup>6</sup> Ki atsim'siu annök' kütta'i'tstskimskükiuök něsto'i. <sup>7</sup> Ki otsis'tapusax, Jesus otaumütüpäiitsinikoösauaie akai'tappix John, Tsanistappiuä kumutsitappopuai ksis'tapsksökkum kök'satsipuai? Küttaitsip'a apai' sopu'yí itau'ütopäpokaiiu? <sup>8</sup> Ki tsan'istappiuä kumut'sitappopuai kök'satsipuai? Kuttaitstsip'a nín'naii īkikin'istotosiu? Anniks'isk īkikin'istotosixk itot'okoyiau Omux'inx oko'auësts. <sup>9</sup> Ki tsan'istappiuä kumut'sitappopuai kök'satsipuai? Küttaitsip'a prophet? A, kitani'istopuau skitsim'iuaie prophet. <sup>10</sup> Annök sínau', sat'sit, nitse'tomotoküttau nito'tokatatsisau kostoksís', ki ake'tomsokapapistutsimiae koksoku'i. <sup>11</sup> Kitau'münistopuau anniks'isk itsipokai'immokixk akex, mats'itsipsa ök'skitsimiaie John Baptist: ki annök' inüks'tsimök spots' im ītsin'naiisinni ai'skitsimiaie. <sup>12</sup> John Baptist ītsiksís'tsikuists, puk'süpiksistsikuists spots'im ītsin'naiisinni itusk'o tuitsipiop, ki üskotui'tsipimix itusk'otuitsipimiau. <sup>13</sup> Konai'prophetix ki okök'itsimani aie'nüpanistomiauësts otsauomo'tosi John. <sup>14</sup> Ki mak'otsimenoainiki, am'auk Elias annök' ai'akotoök. <sup>15</sup> Annök itokh'iuök mök'okhtsimi ünaniststokh'tsís. <sup>16</sup> Tsa nitai'akanipa annök' o'tappiisinök manistsin'naiipuaiau? Netoinitsi'au pokax annim' itawk'pumauawpim itau'pix ki ai'sitsipsattsiau otük'auauax, <sup>17</sup> Ki an'ītsiauax, kitsik'üttomopinan ki kimat'spiipau; kitau'yimopinan ki kimau'kaiisuauësts kimatakipauauestsau. <sup>18</sup> John oto'tosi matauyiu'ats ki mataisimiu'ats, ki an'iop pakh'tokinatsiu sauum'itsistaaw. <sup>19</sup> Nín'au okku'i oto'tosi, au'yiу ki ai'simiu, ki an'iop, süm'miš, aistoks'oyiu ki aistok'simiu, publicanix ki sauum'itsitappix otük'auauax. Ki mokök'sinni o'kosix oto'kömotsistutokaie. <sup>20</sup> Itau'mütüpsitsipsattomësts akap'ioyists annim' otsit'apistutipists ot'apistutüksists otsauomai'sauaitsitüsax. <sup>21</sup> Kitak'oksiniп maka'pi, Chorazin! Kitak'oksiniп maka'pi Bethsaida! Nitsit' tsipstsapistutipists kitakap'ioyimoauësts nitsittipstsapistutükkitopiau Tyre ki Sidon īstak'apioyists is'taisümmisauaitsitaupiau īksim'matükkaipistsists ki makh'skitsists, <sup>22</sup> Ki kitani'istopuau Okök'itsimani ītsiksís'tsikui manistaksiksists'papsipi ksěsto'a, aks'isiksistspapiu Tyre ki Sidon. <sup>23</sup> Ki ksěsto'a Capernaum, kitspin'noko spots'im, hades kitaks'innissimoko; omük'apotüksists kitakap'ioyim itap'istutsipiau ittsipstsapistutükkiopiau Sodom, is'taisakiaitaitsiopi. <sup>24</sup> Ki kitani'istopuau, Okök'itsimani ītsiksís'tsikui manistaksiksists'papsipi ksěsto'au, aks'isiksistspapiu Sodom. <sup>25</sup> Annik' Jesus an'iu, nitökh'sitükki nín'a, spots'im ki ksök'kum ītsin'aimi, kitai'ksisattokiauests annists'isk mokok'ietappix ki kitaipaso'kinomoaiau inük'sipokax. <sup>26</sup> Ünnianists'it Nin'a; manistökh'sipi kitsitsi'tan. <sup>27</sup> Nin'a otokönai'nanists nitokok: ki matsitstsipa īksinny'yuuaie okku'iaie Nin'a nits'ksinnyuuaie; matsitstsipa īksinny'yuuaie Un'ni, okku'i nits'ksinnyuuaie, ki annök īksinimats'stoköttseuök Un'ni. <sup>28</sup> Puksipa'akik könai'ikapotükkix ki ikönüs'soksistsix, ki kitak'okotopuau issik'sistsikosinni. <sup>29</sup> Nokhkin'ni kín'attok, ki īksino'kik; nitsik'kinapsi nimat'omükimuspa; ki kitak'okonipuau ku'skëttsipöppuauësts ītsik'sistsikosinni. <sup>30</sup> Nokhkin'ni ksists'papiu, ki nitopa'tüksin sök'otsiu.

## 12

<sup>1</sup> AN NIK' Jesus Issik'opiiksistsikui itsisüp-poka'atomësts napaieninsimmanists; ki otusksinimats'ax au'notsiax, ki aiin'asists

aumütüp'otsimiax ki itaumütüp'ioattomiax. <sup>2</sup> Ki Pharisees otsinno'össauax, anistsiauaie, süm'misau kitüsksinimatsax mat'ökhsiu otap'istutsipuauësts annok' issik'opiiksistsikuik. <sup>3</sup> Ki anis'tsiuax kikütanästopuau'ats David otap'istutsipi otau'notssi ki otopokom'ix; <sup>4</sup> Manist'sipipi Ap'istotokiua oko'ai, manistau'attopiau otsitau'pipi istske'tani annik' küt'taökhsii moks'auattosi ki otopokom'ix moks'auattosaxaie, ki kak'ökhsiu natoi'apiekuax moksauattosauaie? <sup>5</sup> Ki kikütanästopuau'ats okök'itsimani natoi'apiekuax manistap'otükkipiau issik'opiiksistsikui otsitsips'taupisau omük'atoapiyis kimatsikiu'ats. <sup>6</sup> Ki kitan'ästopuau annom' itstsiu' tuks'küm ki skit'stom omük'atoapiyis. <sup>7</sup> Ki kitsksini'topi manistap'ipi nitak'ökhs-sitsip küm'apiisinni, ki nimatakökhsitsipats ikit'stüsinni, kis'taisauotui'mauopiau küt-tautuitiaixa. <sup>8</sup> Nin'a okku'i itsin'auattominaai issik'opiiksistsikii. <sup>9</sup> Ota'atsistapusi, otatoi'apioyimoai itsipim; <sup>10</sup> Ki sat'sit, nin'au itsips'taupiinai, ki otsi'i ipo'kötsiuuaie. Ki aisuppo'ötsesattsuaie, Kütai'ökhsiuats issik'opiiksistsikuiests ök'okuttotoosi? Moks'enüpanästüssauaie. <sup>11</sup> Ki an'istsiuax, Ün'nats nin'au kitopokittappi'immoau maksinan'si tuks'kumi emük'ikina, istsüp'popiissaie atün'iaksin issik'opiiksistsikui, Kütтомai'akstaisautuyiuatsaie? <sup>12</sup> Nín'au kütтомai'skitsimiuats emük'ikina? Ün'nikaie itökh'siu mök'ökhsapästutükki issik'opiiksistsikuiests. <sup>13</sup> Ituman'ätsiuuaie nin'au, Sauksikins'tsiakit. Ki itsauksikins'tsiakiu; ki ikut'tutsipaie netoi'nitsiuuaie otat'otsisi. <sup>14</sup> I tümit'süksiu Pharisees, ki ikönau'kök'itsimattsiuaie manistaks'enitawpiauaie. <sup>15</sup> Ki Jesus otsksinissaie, itsistapu': ki akai'tappix ipokiuo'iauaie, ki ikönau'kuttutuyiuax; <sup>16</sup> Ki sokap'anistsiuax mökstaiitsinnikoösax'aie: <sup>17</sup> Moks'enüpanästosi Esias otan'ipi, ki an'iu, <sup>18</sup> Süm'mok, nitap'otomok, annök' nitse'niniwattauök; nitük'omimmau, nu'skëttsipöppi nimut'ökhsimmau: nitakitsipotoai'ina nitsista'awi ki akanis'tsinmomoyiuax Gentiles okök'itsimani. <sup>19</sup> Mataketskau'ats mataksoksipüppisüm'ats; mat'akitsipa matap'pi mök'okhtsisaie otse'poawsists moksoku'ists. <sup>20</sup> Apai' otük'itsissi mataksinükiu'ats: flax setsis'si matakütsem'atsaie otsauomai'tüpskisaie okök'itsimani mök'itsskitsstani. <sup>21</sup> Ki otsin'ikösim Gentiles ak'aumaitsimiau. <sup>22</sup> Tüks'küm ito'tsipotoau pakhts'istümattseu Sauum'itsiStaaw, naps'tsiu, ki mataipuyiu'ats: ki ikut'tutuyiuuaie, ki naps'tsiuä it'süppiu ki kütta'i'puyiuä itse'puyiu. <sup>23</sup> Ki känai'tappix it'skaietükkiu ki aniau kütamiu'ats David okkiu? <sup>24</sup> Pharisees otokh'tsimsau, an'iu, Am'o nin'au, matomaisaipiksistsiu'atsax Sauum'itsiStaawx, Beelzebub Sauum'itsistaawx otsin'aimoai, umutai'saipiksästopiax <sup>25</sup> Ki Jesus isksinnu'yuax otüs'tapiax ki an'istsiuax, Nín'naiisinni ai'aketotoki ak'eitsinikau; ki akap'ioysis ki nap'ioysis aiketotokiau mataksipuitsiuats: <sup>26</sup> Sauum'itsitappiuä satüp'iksistussi Sauum'itsitappiuä, aiketotsitosiu; ki otsin'naiisinni kütтомaksipuitsiu'atsaie? <sup>27</sup> Satüp'iksistainikiau Sauum'itsiStaawx, Beelzebub nimut'satüpiksistaiau, Tükka'ko'kosix itsatüpiksistsiu'atsax? Ün'nikaie osto'auai kitak'ökökitsimükoau. <sup>28</sup> Ki Satüp'iksistainikiau Sauum'itsistaawx Ap'istotokiua otsista'awmi nimut'satüpiksistaiau Apistotokiua otsin'aiisinni kito'taakoai'ini. <sup>29</sup> Misköpin'ai oko'ai Tsa'akanistokotsitsipim'atsaie, mök'itaiksistutsisaie ope'kanistsaie, sauotüm'isksipistüsae misköpin'ai? Ki ak'otümoksistutsimaie oko'ai. <sup>30</sup> Annök' niküt'taispiimmokök, niköttum'a:

annök' niküttaupokomoawk'iakimauök auanit'apiksistükkiu.  
**31** Ūn'nikaie kitan'istopuau, amian'istsauumitsappiisinni ki amian'istitüpsauokömotse'poawsists Apistotokiuă akitsksinoaiau matap'pi; ki annök' akitüpsauo'kömötsepuyiuök Atsim'istaaw matakitsksinoaau'ats. **32** Annök' itüp'sauokömotsepuyiuök Nňn'au Okku'i ak'itsksinoaau, ki annök' itüpsauokömotsepuyiuök Atsim'iStaaw mat'akitsksinoaau'ats annom' ksök'kum ki aie'nissi otsis'tüpipuitappiisinni, mat'akitsksinoauaats. **33** Okhs'apistutos mistsis', mök'ökhsinasii: ki makap'istutos mistsis mök'okapinasi: mistsis' isksino'au otsin'assinni. **34** Pitse'ksinaipokax! Sauum'itsitappiinoainiki Tsa'a kitakokotünistse'poattopuau'astsaii ökh'sists? Manista'kauoopi u'skëttsipöppi, maoi' itai'puyiu. **35** Ökhsin'auă manista'kauoopi ökh'si u'skëttsipöppi sau'otsiměsts ökh'siists: Sauumitsin'nauă manista'kauoopi maka'pi u'skëttsipöppi sau'otsiměsts makap'ists.  
**36** Ki Kitan'istopuau Kônai'ksistapitse'poawsists otakse'puyisau matap'pix aksenüp'anistomiauěsts Okök'itsimani istsiksits'tsikui:  
**37** Kitse'poawsists kitakokömotsitappierts'okoiau ki kitse'poawsists kitak'saietokoiau. **38** Stsik ix Sînak'ix ki Pharisees noküt'anistsiauaie ki an'iau, Nin'a nök'okapipinan itots'tsipi ksêsto'a. **39** Ki noküt'anistsiuax osauum'itsitappiisinnna ki otau'ökotaitappiisinnna itok'apsatsimiau; ki mat'akitsstipa ak'okotawpiau. Tuks'kai ak'okotapiau Jonas prophet. **40** Manists'itaupisaie Jonas mammi' o'koanniaie nioks'kai ksistsikuists ki nioks'kai koko'ists; ünniak'anistsitaupiuiae Nňnau Okku'i ksök'kum u'skëttsipöppi nioks'kai ksistsikuists ki nioks'kai koko'ists. **41** Nineveh istsin'ax, akopokspapomiuax o'tappiisinnna istots'tsissi Okök'itsimani ki akitsautütsepuyiopiau; aisauai'tsitaiau otatsim'semössax Jonas; ki sat'sit, annök' skitsim'iuök Jonas annom' itau'piu. **42** Amskap'iksökkui istsin'nauake akopokspapomiuiae o'tappiisinnna ıstots'tsissi okök'itsimani, ki akitsauotütsepoyiopiau: umuk'itsipi ksök'kui ito'to mokitokhtsissi Solomon otokök'siniaie; ki annök' skitsim'iuök Solomon annom' itau'piu. **43** Sauum'itsistaaw otsai'piksistüssi nňn'au, ikitksök'kuyim itap'auauökau issik'opissinni itap'satsim ki matokonim'atsaie. **44** Itümau'aniu nitak'ätsko noko'ai numut'süx; ki oto'si ikon'ım nam'itaitsiiu, namokh'ipaie, ki a'natsistutsipaie. **45** Ki itüm'itappo ki mat'tuyiuax ikit'sikümiax sta'awx, itsis'tüpokapsiax, ki itsipim'inx ki itoko'attomiax: ki otsako'itappiisinni eikis'tüpokapiuaie ototom'itappiisinni. Neto'i ak'anistsiuiae ot'okapitappiisinnna. **46** Otsa'kiaisitsipsattosax matap'pix, Sat'sit, Oksis'tsi, ki omu'pappiipix sauauts'im itai'puyiax, ai'puinümiau mök'sitsipsattösauiae. **47** Tuks'kum an'istsiuiae, Sat'sit, Kiksis'ta ki kumu'päppiipix sauauts'im itai'puyiau, ki ai'puinümiau köksiisipsaiisau. **48** Ki anni'isk otan'ikisk, an'istsiuiae, Tükka' niksis'ta? Tükka' numu'päppiipix? **49** Ki itas'kotuyiuax otsis' otus'ksinimatsax ki an'iu Süm'mokau niksis'tsi ki numu'päppiipix! **50** Annök' ai'aksistutsimöknini Spots' im otsitsi'tani aie, osto'i numu'päppiipa, neskün', nit'akem, ki niksis'ta.

## 13

**1** ETO'IK ksistsiku'ik Jesus it süks' ki tsim nap'ioyis, ki omük'sikimi issoots'i itakau' piu. **2** Isto'tuitappiix oto'taakax, ki akh'iosasis itsitsuppo'piu, ki itakau'piu; ki isto'tuitap-piix ikön'itüssuipuyiau issoots'i. **3** Ki an'istsiuax akauo'iau parables ki an'iu, Sat'sit,

aisüpkipum'auă itui'süppipummau: <sup>4</sup> Ki otai'süppipummössi, moksoku'yi stsik'ists itsin'nissiěsts, ki paiu'tax itotoiax'ěsts ki itau'attomiaxěsts.

<sup>5</sup> Stsik'ists okotoksskui itsin'nissiěsts otsits'inüxksökkuaspi; ki otsai'spixksökkuaspi itsik'kümsüsükiau: <sup>6</sup> Oto'tümisköpsi natos'i, itse'tsiniatsiau; ki otsau'okötseksau itopo'köttisau. <sup>7</sup> Stsik'ists itsin'nissiiau ksissi'ix; ki ksissi'ix itsüsükiau ki ito'satsiiauax:

<sup>8</sup> Stsik'ists ökhs'ksökku itsin'nissiiau, kiitsin'asiau, stsik'ists kepip'pui, stsik'ists nai'ippui stsik'ists niip'pui. <sup>9</sup> Annök' ito'kieuök, ünanistokh'tsiems. <sup>10</sup> Ki; üksüsünimats'ax ito'toyiauaie, ki an'istsiuaie, Kumauk'sitsipsattaiüksixau parables? <sup>11</sup> Noküt'anätsiuax, kitokokoau kök'itsksiniisuai spots'im istsin'naiisinni itse'kipl, ki osto'auai matokotau'axau. <sup>12</sup> Annök' nan'naniuök, ak'okotauaie, ki akakai'naniu: annök küttinan'iiuök, otsinanattopi ak'otsipaie. <sup>13</sup> Ün'nikaie nmut'ünistsitsipsattiau parables, issüppis'au möksta'apsau; okh'tsimsau mökstau'okhtsimsau, mökstai'üksinnisau. <sup>14</sup> Aien'üpanistom'ěsts Easias, otan'ipi, okh'tsimeniki kitak'okhtsim, ki kimat'akoksinipl; ki süppi'niki kitaküts'api, ki kimat'aksinipl: <sup>15</sup> Am'o o'tappiisinnna u'skëttsipöppists mi'ěsts, ki okhtok'oauěsts matomaipumokhtsimu'axau, ki oöps'puauax naps'tsiiax; möksta'apsax moöps'pix, möksta'okhtsimsěsts mokhtok'ists, mökstau'okhtsimsěsts mu' skëttsipöppists, mökstaisauai'tsitasau, nok'staukuttutuawsau. <sup>16</sup> Atsim'siau koöps'puauax, aiapiau; ki kokhtok'ists, ai'okhtsimiau. <sup>17</sup> Kit au'münistopuau, akaiěm'ix prophetix ki moköm'otsitappix ai'puinümiau mök'satsisauěsts annists'isk kitai'nipuauistsk ki matsiinim'axauěsts; ki mök'okhtsisauěsts annists'isk kitai'okhtsipuauistsk, ki matokhtsim'axauěsts. <sup>18</sup> Okhtok ai'süppipummauă parable. <sup>19</sup> Ma tap' pi okhtsisi' si nin'naiisinni istse'poawsin, ki sauo'kömötökhtsissi, itüm'ipuksipu Sauum'itsitappiuă ki ito'kasattomaie annik' itsüp'ipumattopik u'skëttsipöppi. Annök'auk mat'simaie istsüppipum'ani moksoku'i. <sup>20</sup> Annök' mat'simök istsüppipum'ani ok'otokskui, ai'okhtsimu epo'awsinu, ki otse'tametüksinni mat'simaie; <sup>21</sup> Mat'auütsitsitsipa kök'seksi, ki matakisümsu'ats; ikikin'etüksinni ki ükksistutük'sinni otos'au, atsim'epoawsinni ün'nikaie ito'toiau, ists'kimskükiu. <sup>22</sup> Annök' mat'simök istsüppipum'ani ksissi'ix, ai'okhtsimu atsim'epoawsin; ki annok' pai'tappiisinni istap'aitsitani, ki spükis'sists ito'satstomiauaie atsim'epoawsin, ki matsinasiu'ats. <sup>23</sup> Annök' mat'simök istsüppipum'ani ökhs'ksökku, ai'okhtsimu Atsim'epoawsinni, ki moköm'otokhtsimai; ki itsin'asiu, stsikix, kepip'puyi, stsik'ix nai'ippuyi, stsik'ix niip'puyi. <sup>24</sup> Stsik'i parable an'istsiuax, ki an'iu, Spots'äm'istsinnaiisinni netum'anätsiu Nin'au, annök' ai'süppipumauök ökh'sisüppipum'ani otsin'simman; <sup>25</sup> otai'okasax otap'automokix, okatum'i ito'toyiauaie, ki ökh'sisüppipuman ipa'soksüp'pipumau makap'süppipuman, ki itsis'tapu. <sup>26</sup> Ki otsüs'kissi mattuyis, ki otsin'assi, itümän'akuo makap'süppipuman. <sup>27</sup> Ki Nin'au otapautomokix otsito'taakax ki an'istsiuaie, Nin'a, Kiküt'taiünsimattop'a ökhsisüppipuman kïtsinsimman? Tsema ito'to makap'süppipuman?

<sup>28</sup> An'istsiuax, Katum'a otap'istntüksinaie. Ap'automokix otan'ikax kiküt'ökhsitükkipa nök'ittotosinan nök'sauotsisänianiau? <sup>29</sup> Ki an'iu, Sa; sauau'tsüñoainikiau, makap'süppipuman, kökskaküm'sanotsipnaii ökh'sisüppipuman. <sup>30</sup> Unnianist'süsükisan mök'itotosi pokiak'sinni: Ki pokiak'sinni oto'si, nitak'otümanistaiau ai'pokiakix, matom'omoipotokan makap'süppipuman, ki is'ksipikan kök'ksietsinsissuaiau; ki istüp'omoipotokan napaien'insimman nitapaien'iokoai. <sup>31</sup> Stsik'i

parable an'istsiuax, ki an'iu, Spots' im istsin'naiisinni netum'anistsiu mustard istsin'simman, annik' mat'simok ninau, ki ai'supipumau otsin'simman; <sup>32</sup> Itsis'tupskaiinukotsiuai kona'i'nsimmanists; ki susi'kiissi, itsis'tupomukkuiau insim'mansts, ki itsis'tsisasiu, ki pauitax itotoiau ki itoko'attomiax isto'kuniksists. <sup>33</sup> Stsik'i parable an'istsiuax; Spots' im istsin'naiisinni nitum'anistsin itai'koputstaupi, annik' mat'simok ake'u, ki kaias'attom niuks' kumi omuk'okosix, napaien itui'tsiau, ki ikonai'koputstopiau. <sup>34</sup> Am'ostsk Jesus ikonai'sitsipsattsiuasts matap'pix parables itai'sitsipsattsiu; ki sauomai'sitsipsissi parable matomaisitsipsatsiuatsax: <sup>35</sup> Moksenup'anistossi Prophet otanipi, ki an'iu, nimutaksipa'kuiaki parables; nitakse'poattopiau annists'isk kai'sattop'istsk ksok'kumä sauomap'astotoaws. <sup>36</sup> Ki Jesus aiis'tupskuyiuax matap'pix, ki itsit'sipim nap'ioyis: ki otusksinimats ax otsitota'akax, ki an'iau noksksinim'atsokinan parable makap'itaissuppipumaupi insim'man. <sup>37</sup> Nokut'anistsiuax, Annok' itai'supipumauok ökh'si insimmani Nän'au okku'yi am'ini; <sup>38</sup> Insim'man konai'tappiu; ökh'si insimmani, nän'naiisinni isto'kos'ix; ki makap'iinsimmani, Sauum'itsitappiuä o'kosix; <sup>39</sup> Katum'a annok' ai'suppipumattomests, Sauum'itsitappiuä itamiu; pokiak'sinni ksökkum aksiuo'si; ki aipo'kiakix, atsim'otokatatsisau, <sup>40</sup> Manists'aumoipitükkipiau makap'insimmanists ki manistse'tsinitspiau; ak'üniststsii aksiuo'si annom' ksok'kum. <sup>41</sup> Nän'au okku'i aks'istupskuyiuax otatsim'otokatatsix, ki ak'omoipotsimiauests ikonau'kapiists ki anniks'isk matap'pix, sauum'itsitappiau ak'omoipotoyuax; <sup>42</sup> Ki akitsipst'apiksistsiauax omux'tsi; annim' ak'itstsiau a sain'sinni, ki satse'kinani. <sup>43</sup> Mokom'otsitappix akotümik'kunasuyeiau, manistsik'kunasuyipi nato'si, un'oauai otsin'naiisinni, akotsik' kunasuyiauaie. Annok' itokhiuok ünanistokh'tsims. <sup>44</sup> Stsiki, Spots'im istsin'naiisinni nitum'anistsiu treasure kaias'attomaie insim'man; kon'issi nän'au, mat'aiksasattomaie, ki otsetam'etüksinii itsis'tapu ki ipum'attopiests otokonai'nanists, ki ipum'attomaie annik' insim'manik. <sup>45</sup> Stsik'i, Spotsim istsin'naiisinni nitum'anistsiu awkh'pumapiekuün otap'summössi ökh'six pearls: <sup>46</sup> Kon'issi tuks'kumi pearl akai'ixkimasu, itsis'tapu, ki ipum'attopiests otokonai'nanists ki ipum'attau. <sup>47</sup> Stsik'i, spots' im istsin'naiisinni nitum'aniststsii itau'mikaupi, annok' itsuia'piximökaie omuk'sikimi, ki itomian'istomoipitükkiu: <sup>48</sup> Itui'tsissaie, itopits'ussköpattomiauaie issoots'i, ki ito'piiiau, ki ökh'six itaisuppitsi'iau iskix; ki makaps'ix istsis'tapiksistsiau. <sup>49</sup> Ak'otumanistsiu aksiuos'i ksok'kum: atsim'otokatatsix ak'sipuksupsüxiu, ki akai'aketaipiksistsiau Sauum'itsitappix ki mokom'otsitappix; <sup>50</sup> Ki akitsipst'apiksistsiau (sauum'itsitappix) omux'tsii; annim' ak'itstsiau a sain'sinni ki satse'kinani. <sup>51</sup> Jesus an'istsiuax kikai'okhtsimipuauastsau annists'isk? An'istsiauaie, A, nän'an. <sup>52</sup> Itum' anistsiuax Annok' ai'sinakuok üksinimats'au spots'im istsin'naiisinni, nitum'aniststsii nän'au, iko'yuök, sauauts'ümests treasure manists'ki ük'aisists. <sup>53</sup> Ki itünists'tsiu, Jesus otaiksiu'attosests annists'isk parables, itsistupa'atomaie. <sup>54</sup> Ki otsito'tosi otau'ütauösni otat'oiapiyimoai itsipst'üsksinimatsiuax, ki ek'skaietükkiu, ki, an'iau, Tse'ma itotsim'atsests am'ok mokök'sinik, ki am'ostsk ot'omukapistutüksists? <sup>55</sup> Küttomai'sauamiu'ats ai'satsakuä okku'i? Küttomaisauainiköttsiu'ats Oksistsi, Mary? Ki omu'pappiipix küttomaisauainiköttsiu'atsax James, ki Joses, ki Simon, ki Judas? <sup>56</sup> Ki

ot'akemix oküttomaisaiokönopokomok'atsax? Am'o Nřn'au, Tse'ma itotsim'atsests annists'isk? <sup>57</sup> Ki its'tsskímskükiax osto'i. Ki Jesus an'istsiuax, prophet itüs'tsaköttau, sauomai'tapposiests otau'ösini ki otauüt'okoai. <sup>58</sup> Otsauomai'tuksuai ün'nikiae itsauomapistutükkiu annim' akatio'yiests ükkük'umapotüksists.

## 14

<sup>1</sup> ANNIK' Herod tetrarch okhtsim'attomests Jesus otap'istutsipists, <sup>2</sup> Ki an'istsiuax otap'otomokix am'omauk John Baptist; enio'sinni mat'sipuau; ün'nikiae ükkük'umapotüksists itap'itutsimests. <sup>3</sup> Herod ükai'eëniuaie John, ki aiis'ksipistsiuiae, ki itsok'iuiae osto'iae Herodias, us Philip otokeman'inaai. <sup>4</sup> Tük'ka John an'istsiuiae matökhisiu'ats kök'otoössi. <sup>5</sup> Ki otai'aksenitossaie, stun'nuyiuax matap'pix, tük'ka isksinna'yiuaxauiae prophet. <sup>6</sup> Ki otai'totstsissi Herod otsit'sipokaiipi, Herodias otün'ni itüt'sikipi, ki itsüp'istutuyiuiae Herod. <sup>7</sup> Itsiks'stoatsiuiae atoün'issinni mök'ittkokotossaie otan'istopiaie. <sup>8</sup> Ki oksis'tsi otsis'tok, ki an'iu, John Baptist otokön' istsüp'potoat omük'okos ki annom' istoko'kit. <sup>9</sup> Ki omux'ina itsik'oketükkiu: ki otütoanis'si ki otopokau'yemix, ün'nikiae itani'u mök'okotosaie. <sup>10</sup> Ki itüp'skökiu, ki itsi'kawkokitsiauaie John itsipsts'okiawpiae. <sup>11</sup> Ki otokön'itsipuk'sipippotopaie, omük'okos itsüp'potopaie, ki ikotauai'e ake'kuün: ki ito'tsippotuyiuiae oksis'tsi. <sup>12</sup> Ki otüs'ksinimatsax itoto'iau ki mat'simiau mostüm' i, ki ai'akotomiau, ki i'tappoiau ki itünis'tsiau Jesus. <sup>13</sup> Jesus otokh'tsimsi, itsis'tüpaatomaie akli'iosatsis itsui'akhiosiu, ki ksis'tapsksökkum itüpanistappo'aie: ki matap'pix otokh'tsisa itsiksiopokiuo'iauaie, otakap'ioyimoauests súx'iau. <sup>14</sup> Ki Jesus itopitsissa'atomaie, ki nan'nuyiuax akai'tappix, ki kaiüm'iuax, ki ikut'tutuyiuax otai'oktokosimoauax. <sup>15</sup> Ki otai'istukkopsi, otüs'ksinimatsax otsitota'akax, ki an'istsiauaie, annom' ksis'tapsksökkumasiu, ki au'mütüputükku; o'tappiisinnä ünnistüps'skos, mök'ittapposi akap'ioyists, mök'opumattosi aa'u'ösin. <sup>16</sup> Ki Jesus an'istsiuax, matokuiistapu'iauats; kotok' moks'auattopiau. <sup>17</sup> Ki an'istsiauaie, annom' nitsinan'anists nisittu'yi ke'tanists ki na'tokumi mammix'. <sup>18</sup> An'iu, puk'sipippotokikau. <sup>19</sup> Ki an'istsiuax kónai'tappix mök'opasax mattu'yikui; ki mat'simests nisittu'yists ke'tanists ki na'tokumi mam mix', ki, otspisüp'si itatsim'etsimests, ki itau'minotsimests; ki ikotsiu'ax otüs'ksinimatsax ke'tanists, ki otüs'ksinimatsax ikotsiu'ästs o'tappiisinnä. <sup>20</sup> Ki ikónau'yiau, ki itoku'yiau: ki mat'simests iau pi'nikests itstsi'ists na'tsikoputtuyi isksimmatük'iißsokaiists. <sup>21</sup> Ki aiiniks'isk au'yixk nisitsi' omük'sikepippix nřn'ax, ki akex, ki pokax'. <sup>22</sup> Ki Jesus eikak'imatsiuax otüs'ksinimatsax mök'it'süppopisax akh'iosatsis, mökotom'apümmosax, otsakiai'stüpskoösaie tappiisinn'a. <sup>23</sup> Ki otsis'tüpskoösaax otappiisinn'a, itsitamisso' nitum'mo mökatsimoikasi; ki otau'tükkussi itsittau'piu. <sup>24</sup> Ki akli'iosatsis ai'itütsikoo, ki ipawkh'paikimskawp: tük'ka, umut'totsüppopi. <sup>25</sup> Ki nissoo'yi iskska'tüksinna koku'yi Jesus itsitappo'ax, omük'sikimi itokh'itaauauökau. <sup>26</sup> Ki otüs'ksinimatsax otsinno'ossauiae umuttohitauau'okani omük'sikimi, ap'aitsitaiau, ki an'iu, Sta'awina; ki oko'pusuai itokum'iau. <sup>27</sup> Ki Jesus kaiip'sitsipsatsiuax, ki an'iu, Ökh'sitükkik; nitam'i; Piniko'puk. <sup>28</sup> Ki Peter noküt'anistsiuiae, Nin'a küm'ämieniki ani'kit ksésto'a nök'itotosi nök'itsitüpauauökasi omük'sikimi. <sup>29</sup> Ki an'iu, Puk'siput. Ki Peter otinnisa'atossi

akh'iosatsis, itokh'itauauökau omük'sikimi mök'ittapposi Jesus. <sup>30</sup> Ki otsin̄is'si eik'sopuyi, itsiko'pum: ki otaumutüp'süppopiisi omük'sikimi ita'sainiepuyi, ki au'aniu Nin'a, Kōmotse'piokit. <sup>31</sup> Ki Jesus itüp'sauksikins'tsakuaie ki itsen'iuaie, ki an'istsiuiae, ksěsto'a enükaumai'tükkiua, kumauk'saietükkiks? <sup>32</sup> Otsito'tosau akh'iosatsis, itsiksist'sopu. <sup>33</sup> Anniks'isk itsüp'popixk akh'iosatsis itoto'iauaie ki atsimmim'miauaie ki an'iaiu, E'mumi kitam'i Ap'istotok'iuä okku'i. <sup>34</sup> Ki otau'pümmossau, itoto'iau Gennesaret istau'össini. <sup>35</sup> Ki annim' istsin'ax, ots'ksinuoössau, itüp'skükiau könüs'ksökkum sa'akapotsi, ki itotsip'iauaie ikönai'oktokosix: <sup>36</sup> Ki au'kömönistsiuiae (Jesus) mökskaks'ixenisax oso'kösim itssaiin'ikaists: ki manists'eipi kaien'ímix ün'nineetsimi sokap'okuttotoax.

## 15

<sup>1</sup> AI'SINAKIX ki Pharisees, Jerusalem istsitappimix otsit'totaakax Jesus, ki an'iau, <sup>2</sup> Tsanistapiuats umut'uništüpaipixipiau ūkaitappix otün'issuaiauësts? Oyis'sax ke'tan, matüstsímu'ax. <sup>3</sup> Noküt'anistsiuax ku'maukanistüpaipixipuaiisks Ap'istotokiuä otse'poawsinni kök'satsisaai kiksits'tapünissuai? <sup>4</sup> Ap'istotokiuä an'iu, atsimmim'misau kín'a ki kiksits'ta; ki, annök' ai'pakosníkuyiuök un'ni ki oksis'tsi, unnianistse'insä. <sup>5</sup> Ki kitan'ipuau annök' an'istsiuök un'ni ki oksis'tsi, kotük'sinaie, kitak'ototokuinanipi něsto'a, <sup>6</sup> Ki küt'atsimmimmuiax un'ni ki oksis'tsi, paio'toau. Kitse'poawsuauësts kumut'saiepumapistutsipaie Ap'istotokiuä otse'poawsän. <sup>7</sup> Kitsiks'stapokömmotsitappiansuai! Esaias prophet kit'sokapenüpanikoau, ki an'iu, <sup>8</sup> Am' ox matap'pix nimut'astokokiau maau'ësts, ki nimut'atsimmimmokiau oto'uniuauësts: ki u'skëttsipöppuanësts nitsip'piokokiësts. <sup>9</sup> Nitsiks'stapatsimmimmokiau, ök'aumaitispists ät'suaiisksinimats'iauax nín'ax otan'ipuauësts. <sup>10</sup> Ki nan'niköttsiuax o'tappiisìnna ki an'istsiuax, Okh'tok, ki sokap'okhtok; <sup>11</sup> Annik' itsüp'popiik maoi'i matokapistotok'atsaie nín'yii; annik' sük'siik maoi'i itokapistutuyiu'iu'aie nínaii. <sup>12</sup> Ki otüsksinimats'ax otsítota'akax ki otan'ikax kiküt'üsksinipa Pharisees otsis'küksau otokh'tsisau annik' epo'awsñik? <sup>13</sup> Ki noküt'uni, kónai'süpipumanists Nin'a spots'im oküt'taisüpipumattopistsi ak'susköpattpiësts. <sup>14</sup> Amau'patokau; naps'tsiotüppiññkiau naps'tsix. Ki naps'tsiuä ätüppin'nüssi napstsi'i, atün'iaksinni akai'akitsüppopiiau. <sup>15</sup> Peter itüman'istsiuiae, noksksinim'atsokinan am'om parable. <sup>16</sup> Ki Jesus an'iu, kiküttaisakiaisaauaiokhtsimipiuaua? <sup>17</sup> Kiküttaisauaioklitsimipiuaua, annik' itsüp'opiiik maoi'i, itüp'süppopiu mo'koanni ki ipsai'piosop? <sup>18</sup> Ki annists'isk itsüks'isk maoi'i u'skëttsipöppi itsüks'iax; ki itokap'istutuyiauaie nín'yii. <sup>19</sup> U'skëttsipöppi itsüks'ësts sauum'itsitsitanists, inik'sists, auök'otanists kōmos'ists, istüp'saiepitsinnyi, atauün'issists; <sup>20</sup> Am'ostsk itokap'istutuyiauaie nín'ai'i; ki maks'oyissi otsauomüs'tsimissi matokapistutuyiuats nín'yii. <sup>21</sup> Jesus itümistüpa'atomaie, ki Tyre ki Sidon istssoots'ists itsitap'po. <sup>22</sup> Ki sat' sit, Canaan ista'ke itsux'iu annists'isk issoots'istsk, ki itasaine'poattsiuiae, ki an'iu, Kím'okit Nin'a, David okku'i! Nitün'na eiko'ksistutoau maka'pistaaw. <sup>23</sup> Ki matsitsipsattsiuatsaie. Ki otüsksinimatsax otsítota'akax ki otau'kömönikax ki an'iax Ünnistüp'skös; nitüsksauasaine'poükinan. <sup>24</sup> Ki noküt'anistsiuax, nikak'itüpskoko Israeli istat'stanix emük'ikinaiix. <sup>25</sup> Otsitümitota'akaie

ki otatsim'mimmokaie, ki an'iu, Nin'a Spum'mokit! 26 Ki nokut'anistsiuiae, matokhsiu'ats mok'otsissi pokax otsau'osinoaii mokitup'apixises imitax'. 27 Ki (ake'uā) an'iu, E'muniu, Nin'a; ki imitax' au'attomiau pinikests innissi'ists otsin'aimoauai otsitau'yipiae. 28 Jesus itumok'anistsiuiae, Ake', omuk'o kitaumai'tuksinni: Ünnianistsits'tsis kitsitsi'tatopi. Ki otun'ni ikuttotoai'lnai annik' itai'ksistsikumiopik. 29 Ki Jesus itsis'tupaatomaie annim', ki itast'toto Galilee istomuk'sikimi; ki ita'misso nitum'mo ki itau'piu annim'. 30 Ki akai'tappix otsito'taakax, ki ipokom'iauax ūstsekaiix, naps'tsix, küttaiai'puyix, iko'müksix, ki akaiem'ix stsik'ix ki Jesus okt'sists itsin'apiksistsiauax; ki ikut'tutuyiuax: 31 Ki könai'tappix ek'skaietukkiau, otsinno'össauax küttaiai'puyix otse'puyissax, ki iko'müksix otokut'totoösax, ki ūstsekaiix otauau'ökäasax, ki naps'tsix otsaps'ax: ki ūsttsaköttsiau Israel istap'istotokii. 32 Jesus itümön'niköttsiuax otüsksinimats'ax, ki an'iu, nitai'kimaiau o'tappiisinna nioks'kai ksistsiku'ists nitopokau'pimokiau, ki matokoyiu'axau: ki nimat'aksistüpskoauaxau otau'notssau ökskakümitseni'au moksoku'i. 33 Ki otüsksinimatsax an'istsiuiae Tse'ma nökitotsipinan'a ke'tani manisto'mükopiau mok'otkuisests o'tappiisinna? 34 Ki Jesus anistsiuax, Tsanetso'a ke'tanists kitsinan'oauests? Ki an'iau, Ikit'sikaiau, ki unna'tosimi inük'umix. 35 Ki an'istsiuax o'tappiisinna, ksök'kum mökittopasax'ax. 36 Ki mat'simests ikit'sikaiests ke'tanists ki mammix', ki a'tsimoiikau, ki a'minotsimests, ki ikotsiuax otüsksinimats'ax, ki üsksinimats'ax ikotsiu'ax o'tappiisinna. 37 Ki ikönau'yiau, ki ikuyi'au; ki mat'simiau pinikests itskim'iauests ikit'sikaii isksammatük'isokaiists itui' tsists. 38 Anniks'isk au'yixk nissoyim'i omuk'sikepippix nñ'nax, ki akex, ki pokai. 39 Ki itsis'tupskuyiu o'tappiisin'na, ki itsit'süppopiu akh'iosatsis, ki ito'to Magdala istssootsists'i.

## 16

1 PHARISEES ki Saducees ipok'itotoiau ki as'saksksinnuyiauaie, ai'puñümiau mōkanis'tsinnomooösax spots'im istap'stosinni. 2 Nokut'anistsiuax, autükkus' si, kitani'ipuan ak'etameksistsi ku; āmawk'issoksistsikuits. 3 Ki ksiskünna'tunnissi, ak'akapiksistsiku annok' ksistsikui, amawkissoksistsikuits ki ikikin'inatsiu. Kitsiks'tapokämotsitappiansuai! Kitokot'ainipuau assoksis'tsikuists ostokso'auests; ki kimatokot'ainipuau annists'isk ksistsiku'istsk istsap'stosists. 4 Otsauum'itsitappiisin'na ki otau'ökotaitappiisin'na ap'satsimiau apsto'sinni; ki matakokotau'axau apsto'sinni; prophet Jonas otap'stosinni akokotauiae'. Ki skitsiu'ax ki itsis'tapu. 5 Ki otüs'ksinimatsax otau'pümmosau pakhtsesaiisksinimiau mok'atüksau ke'tani. 6 Jesus itüm'anistsiuax Mokök'ik ki iskskats'ik Pharisees ki Saducees istsi'kopütsketatsisau. 7 Ki ai'sitsipsattseiau, ki an'iau, nimatotsipinan'a ke'tani, 8 Jesus otsinno'ösax, an'istsiuax, Inük'aumaitükkipix, kumauk'sitsipsättseipuauaisks, kitsauo'tüksuai ke'tani? 9 Kikut'taisakiaisaokhtsimipuaua, kiküttaisauüsksinipuaua nisito'müksikepippix matap'pix istsisitti'ists ke'tanists, ki tsanetso'ä kitots'ipuauests isksammatük'isokaiists? 10 Nistoyim'i omuk'sikepippix matap'pix istokitsikaists ke'tanists ki tsanetso'ä kitots'ipuauests isksammatük'isokaiists? 11 Kumauk'staiokhtsimipuauaisks kimat'sitsipsatttopuau'ats ke'tani, kokiškkskatsissuai Pharisees ki Saducees istsi'koputsketatsisau? 12 Itüm'isksammatiau matsemiu'atsax moksiskatsisaie ke'tani istsi'koputsketatsis, ki ai'semiuaxmöks'iskatsisaie

Pharisees ki Saducees ots'ksinimats'tüksuaiax. <sup>13</sup> Jesus otsito'tosi Cesarea Philippi, ai'süppoötsesattsiuax otüsksinimats'ax, Tsa aniu'axau matap'pi nesto'a nín'au okku'i nök'ümsi? <sup>14</sup> Ki an'iau, stsik'ix John Baptist: stsik'ix, Elias: ki stsik'ix, Jeremias, ki stsik'ä prophet. <sup>15</sup> An'istsiuax Tsa kitak'anipua nök'üm-si? <sup>16</sup> Ki Simon Peter noküt'anistsiuiae ksësto'äkauk Christ, Ap'istotokiua ipai'tappiuük okku'i. <sup>17</sup> Jesus noküt'anistsiuiae kitatśim'si, Simon Bar Jonas. Ik'sisakuyi ki aa'püni kimat'üsksinimatsok'astsau: nin'a spots'im kitusksinimats'ok. <sup>18</sup> Ki kita'atanisto, ksësto'äkauk Peter, ki am'om ok'otoküm nitak'ittokhitokoiska church; ki Hades istokh'sepistanists matakatsiu'atsaie. <sup>19</sup> Ki kitai'akokoto spots' im istsin'naiisinni itotai'kauaipixtükioipi; ksök'kum kitai'akomianistomopipi, spots'im ak'itomopipo; ksök' kum kitai'akomianistapotsippi spots'im ak'itapotsip. <sup>20</sup> Itüm'anistsiuax otüsksinimats'ax mökstaitsinnikoösax'aie osto'i otüm'si Jesus Christ. <sup>21</sup> Annik' Jesus itaumütüp'anistsinomoyiuax otüsksinimats'ax manıstakittappopi Jerusalem, manıstaks'ipuinaistoto'awpianaie omük'ümix ki omük'atoiapiekuax ki ai'sinakix, ki manıstaks'enitawpiauaie, manıstaks'ipuauistotoawpiaue nioks'kai ksıstsikui. <sup>22</sup> Peter itüm'o toyiuiae, ki aumütüp'sitsipsattsiuaie, ki an'iu, Nin'a kökünistsip'piokosi; matakittotstsiu'ats ksësto'a. <sup>23</sup> Ki itapotükau'aie, ki an'istsiuiae Peter apüt'tokokit, Satan; kök'kitstsskımksüki; kimatsskümav'ats Ap'istotokiüä kitskssa'tüksists annom' ksökkum. <sup>24</sup> Itumanistsiuax otüsksinimats'ax Iststsi'ki matap'pi makopokiuo'össi něsto'a, ünnianist'auütsikimatsistotos, ki ünnianistto'tsís otauai'staksinni, ki ünnianistopokiuos něsto'a. <sup>25</sup> Annök'aiakitsikömötsepiosiuok opai'tappiisinni, akatstomaie': ki annök' itai'akatstomök opai'tappiisinni, něstoi umutak'atstomaie, ai'akokonimaie. <sup>26</sup> Tsanetso'ä matap'pi ak'okuiistüpaspokuiim'ats minan'attüssi könüs'ksökkum, ki atsto'si otsipai'tappiisinni? Awx'a otai'akokotawpiaie opai'tappiisinni? <sup>27</sup> Nin'au okku'i akototo'yınaie Un'ni ots'tsapinasinni ki oto'tokatatsix akopokiuo'iax, ki kónai'tappix manıstsi'piests otap'otüsuauests ak'ünistokotsiuax. <sup>28</sup> Kit au'münistopuaau stsik'ix annom' itai'puyiau, matakattotsim'axau eino'sinni otsauomai'noösau nín'au okku'i otsin'aipukspipusi möks'ınaiisi.

## 17

<sup>1</sup> OTAIKSIUO'ĚSTS nauyi ksıstsikuists Jesus mat'toyiuax. Peter, James, ki John oskün', ki itünistüp'iuax spi'tummo. <sup>2</sup> Ki otsakiainoösauaie it'oketsistümiinai; ki ostoks's'i ikkün'natsiuiae manist'ikkünnausuyipi nato'si, ki otsistotos'ists ksix'ınatsiests manisti'ksixnatspı ksıstsikui. <sup>3</sup> Ki sat'sit, itsina'kuaiémiau Moses ki Elias, ki ai'sitsipsattsiuaie. <sup>4</sup> Peter itüm'anistsiuiae Jesus, Nin'ä, ökh'siu annom' nök'ittaupisinan: ökh'sitükkienniki, nökapistutsisinan annom' nioks'kai api' manists; tuks'käii kóksinan'attosi, ki tüks'käii Moses möksinan'attosi, ki tuks'käii Elias mök sinanattosi. <sup>5</sup> Otsakiai'puyissi, sat'sit ikkün'aisoksistsikuyi ituyi'künakoiau: ki sat'sit, epo'awsinni itots'tsiu assoks's' tsikui, ki an'iu, Am'o nitük'omimokos nitsekökh'simmau; okh'tok. <sup>6</sup> Ki üsksinimats'ax otokh'tsisaue itopi'iau ostokso'auests, ki eks'kaikopumiau. <sup>7</sup> Ki Jesus ito'to, ki i tsixen'iuax, ki an'iu, Nipuauk', ki piniko'puk. <sup>8</sup> Ki ot'süpsau matsinnyiau'axau matappix, kaks'innuyiau Jesus. <sup>9</sup> Ki nituin'moyi otsinissat'tosau, Jesus itsem'iuax, ki an'iu, Pinanis'tok matap'pi kitsinip'uauests, Nín'au okku'i otsauomät'sipuausi

einsin'ni. <sup>10</sup> Ki otüs'ksünimatsax aisüppoötsesat tsiauaie, ki an'iau, mauk'auaniiksixau ai'sinakix ak'otomoto Elias? <sup>11</sup> Ki Jesus noküt'anistsiuax, E'müniu, Elias ak'otomoto, ki akokönau'kömötötöm. <sup>12</sup> Ki kitan'istopuau, Elias ük'auto, ki matsksinnuyiu'axauaie ki nitsis'tutuyiauaie manistüp'stapiav. Neto'yi akünistai'puinattsiauaie Nín'au okku'i. <sup>13</sup> Itüm'isksünimiau ūksünimats'ax umutai'sitsipsi John Baptist. <sup>14</sup> Otsito'tosau o'tappiisín'na, nín'aaii otsito'taakaie itsito'topistuksísano'piinaie, ki an'iu, <sup>15</sup> Nin'a kím'is noko'a; au'atusinau ki eks'ipuínüm: ai'kapitsuiopiu istsii ki ai'kapitsuiopiu okke'. <sup>16</sup> Ki nitsitotsip'iaiauaie kitüsksünimats'ax ki matokotokuttotu yiuaxauaie. <sup>17</sup> Jesus itüm'äniu, o'sauomaitükkesinna ki otapok'apitappisínna! Tsanetso'a kitakopokau'pimopa? Tsanetso'a kitak'itsitattopu aua? Puksipip'potokik. <sup>18</sup> Ki Jesus seitsip'sattsiauaie sauum'itsistaaw; ki itsüksiinai; ki annik' pokau' ikut'totoau. <sup>19</sup> Üksüninats'ax itüm'itotoiauaie Jesus ki an'iau, numauk'sauokotsatüppiksistünnan? <sup>20</sup> Ki Jesus an'istsiuax, Kitsauomai'tüksinni: kitau'münistopuau, kemük'enükotsissi kitaumai'tüksinni, manist'omükopi mustard itotai'süpipumauopi kitakokot'anistop am'om netum'moyi ök'ümistüpotosi omim', ki ak'itüpitsiu; ki matakitsipsa kiküt'taakokotsistutsipuaii. <sup>21</sup> Am'oi ünanistap'pi matomai'süxiuats saiits'tsisiau a'tsimoiikan iki sauau'yisinni. <sup>22</sup> Ki otsa'kiitaupissau Galilee, Jesus an'istsiuax, Nin'au okku'i ak'okotau matap'piix: <sup>23</sup> Ki aks'inittsiauaie, ki nioks'kasi ksistsiku'ists, akütsitsipua'atsau. Ki eks'kaikikinetükkiau. <sup>24</sup> Ki otsitto'tosau Capernaum, anniks'isk au'tujixk mix'kim, itoto'iau Peter, ki an'iau, küttomisauaiponitau'atskitsin'aim? <sup>25</sup> An'iu, A, ki otsipis'si nap'ioyis Jesus i'tomsitsipsattsiaue, ki an'iu Tsa kitsta'pa, Simon? Tükka' au'tuyiua mix'kim ksökkum istsin'ax? Otauüt'okosix, ki pie'tappix? <sup>26</sup> Peter an'istsiuiae. Pie'tappix. Jesus an'istsiuiae, o'kosoauax matakotümaiponitau'atsax. <sup>27</sup> Ki, nökstaisau'kosatsösau is'tüpuk omük'sikimi, ki sua'piksistsis amik'atsis, ki mammi kitotom'omikani mattos'; ki pakuiin'ainiki kitak'okonoau mix'kim: annök' mattos', ki ko'tsisau, kitak'siponitanuni.

18

<sup>1</sup> AN NIK' otūksnīmats'ax itoto'iau Jesus ki an'iau, Tükka' mīstūpomüksim'a spots' im istsin'naiisinni? <sup>2</sup> Ki Jesus itsin'iköttsiuai inük'sipoka ki itüt'sikipotoyiuax. <sup>3</sup> Ki an'iu, kitau'münistopuau saiisau'aitsinoeniki, ki saie'tumanistsinoeniki inük'sipokax, kimataksipi'puaua spots'im istsin'naiisinni. <sup>4</sup> Annök' aks'inüksipokaistutosiuök manist'inükstsímpi am'o pokai'i, itsis'tüpomüksim spots'im istsinnaiisinni. <sup>5</sup> Ki annök' ak'autuyiuök tuks'kai inük'sipokaiistotosiisk, něsto'i nitau'tok. <sup>6</sup> Ki annök'istsskim'skukiats'iuök tuks'kümi anniks'isk inük'sipokaxk nitau'maitokixk, ökh'siu pikiak'iokotoki kín'attossaie, ki inets'issi omük'sikimi. <sup>7</sup> Istsskim'skukiats'nni it'okapiu ksökkum, Istsskim'skukiats' ak'itotoiau; ki annök' nín'auök paiuk'sipippotomök istsskim'skukiats'nni, aks'ksnīmaie maka'pi! <sup>8</sup> Ün'nikiae kotsis' ki koköt'si istsskim'skukiats'otsenikiau, köksinit'au, ki mis'tüpapiksistaiau: itökh'siu kök'kitsipissi opai' tappiisinni köks'istsekaiisi ki kök'opoköksi, kökstaitüp'apixikösi küttaiaiapunstsiuasi ki kitai'akokötsists ki kitai'akötsists. <sup>9</sup> Ki koops'pi istsskim'skukiatsotseniki, sauau'tos, ki mis'tüpapiksistsi: itökh'siu kök'kitsipissi opai'tappiisinni tuks'küm moops'pa; kökstaitüp'apixikösi küt'taiaiapunstsiuasii,

ki kitaiakoöpspix. <sup>10</sup> Mokök'ik kök'stauksistotoawsi tuks'kumä am'oksk inüks'tsimix: kitan'istopuau spots'im oto'tokatatsuaux üksks'skatsimiau Nin'a ostoksis'aie spotsim otsitau'pipi <sup>11</sup> Nän'au okkui ito'to mökitsikömotse'piösaie annök' at'stauök. <sup>12</sup> Tsa kitüs'tapuau? Nin'an minan'attüssi kepip'pi emük'ikinax ki tuks'kumi itünis'tapu, kütтомисауүssкітсіміу'axau piksip'pi piksi'koputsi, ki kütтомисауaitappo'ats netum'moists, ki kütтомисауapsúmmiuats annök' nittüppu'ök? <sup>13</sup> Ki iküm'okonoössaie, kitau'mün'istopuau manistse'tametükkipiax piksip'pi piksi'koputsi otsaiis'tapusax itsis'tüpskaietametükkiu annök' ikon'ímauök. <sup>14</sup> Neto'i omat'sitsitanats Kin'a spots'im tuks'kumi anniks'isk inüx'tsimixk mök'saiinakuaiissau. <sup>15</sup> Stsik'i, kumu'pappiipi sauo'kömotsistototseniki, matan'istsis otsauro'kömotsitappiisinni, ksësto'a ki osto'i namis tsitappiik; okh'totseniki kitse'motsau kumu'pappiipi. <sup>16</sup> Ki saiiokh'totseniki, tuks'kum tsöktau na'tokumix pokitappomisau, könai'poawsists moks'eikosau, otokh'tsisa natsitappix, tsoktau nioks'kaitappix. <sup>17</sup> Ki sauokli'toüsax, anistsis'church: ki sauökh'tsissi church, ünnianists'is sai'etükkiuä ki publican. <sup>18</sup> Kitau'mün'istopuau, kitsit'aiipipi ksök'kum, akitaiipip spots'im: ki kitsitapotsippi ksök'kum, akütsitapotsip spots'im. <sup>19</sup> Kimat'anistopuau, netum'anistsitsitainoainiki kitak'aukömönisuai, Nin'a spots'im aks'istutomoyiuaxaie. <sup>20</sup> Natokumi tsoktau nioks'kumi nitsin'ikösim itsitomo'oaupi nit'sitaitütsikiaupi. <sup>21</sup> Peter itümitotoaie, ki an'istsiuiae, Tsanetso'awtau numu'pappiipa nöksauumitsistuyissi, ki nöks'ksinnoössi? Akokitsikaiasts? <sup>22</sup> Jesus an'istsiuiae, Kimatanistopa ikit'sikaiests, ikitsikippuiests ikit'sikaiests. <sup>23</sup> Spots'im istsin'naiisinni nitum'anistsiu omüx'ina annök' ak'okökitsimaiauök otsitappim'ix. <sup>24</sup> Ki otal'mütüpükstükkisi tuks'kum ot'sittotsippotokaie, ke'pi omük'sikepippoyi mix'kimix otai'akokotopixaie. <sup>25</sup> Otsai'itstsissi mökokotösai'e, Otsin'aim an'iinaie mök'apikosaie, ki otokem'an ki o'kosix ki otokönai'nanists, ki mökotoku'yisax mix'kimix. <sup>26</sup> Otsitappimi itopistuksisano'piinaie ki atsimmimmi'inaie ki an'iinaie Nin'a, pinane'tükkit ki kitaksüpanis'tokoto. <sup>27</sup> Ki annök' matap'piuök otsin'aim kaiim'iuaie ki paio'toyiuiae ki ünnim iks'ksinnuyiuiae. <sup>28</sup> Ki neto'ök matap'piuök sük'iu, ki tukskum'i otopok'apotükkimix ikon'oyiuiae otai'akokok'isk kepip'pii a'pünasainix; ki een'iuaie, ki pailu'tsiniuaie ki an'iu, Ponitat' kitai'akokokipix. <sup>29</sup> Ki otopokapotükkim'i itoipistuksisanopiinaie, ki auköm'önistsiuiae, ki an'iu, pinane'tükkit ki kitaksüpanistsokoto. <sup>30</sup> Ki matökhstükkii'ats; ki itappo' ki itsipsts'tapiksistsiuiae itai'okiakiopi, otsauomaisüpanistsiponitasiae mökstaisüksiae. <sup>31</sup> Otopok'apotükkimix otsin'sax eks'kaikikinëtükkiu, ki ito'toiau, ki otsin'aimoauai aiitsinikuyiuäests. <sup>32</sup> Ki otsin'aim otsin'niköttossaie, an'istsiuiae, Sauum'itapotükkiiä, kitai'akokokipix kitsin'omokitan'ikipi: <sup>33</sup> Kanis'tsikimopi kumauk'sauanistsikimaisks kitopokap'otükkimokä? <sup>34</sup> Ki otsin'aim istse'tükki'ina, ki itsitüpumüts'kaiuaie pu'ünaitappix otsauomai'süppiponitassaie. <sup>35</sup> Neto'i Nin'a spots'im kitak'anistotokoau saiisin'imoainiki ku'sskëtsipöpuauäests kumut'aukimaupuai kumu'pappiipix.

## 19

<sup>1</sup> Ki Jesus annists'isk epo'awsists otaiksiu'attosests Galilee itsistüpa'atomaie. Ki Judæa istssoots'ists, Jordan mis'taputsim, itoto': <sup>2</sup> Ki akai'tappix ipokiuo'iauaie; ki annim' ikut'totoiyuax.

3 Pharisees itoto'iauaie, ki as'saksksinnuyiauaie ki an'istsiauaie, ökhsiu'ats nřn'au kõnai' nükünistapists mök'anistüpskoösaie otokem'an? 4 Ki noküt'anistsiuax kikütanistop'ats sinak'sin, annök istsitsap'istutuyiuökax ap'istutuyiuax nřn'au ki ake'u. 5 Ün'nikiae nřn'au itai'akskitsiu ax un'ni ki oksis'tsi, ki ai'akükommimmi otokem'an: ki akitum'anistoksisakumiau. 6 Ün'nikiae matsistoküm'axau, itse'tumanistoksisakumiau. Ap'istotokiua otsipo'totopists, pinits'tsís matap'pi mökai'aketotosests. 7 An'istsiauaie, niauk'anii Moses ök'okotösi sinak'sin, ki ök'ünistüpskoawsi? 8 An'istsiuax Moses, kumut'sipotomokoau kitse'usskëttsipöppisuai, kökötünistüp'skoössuai kotokem'anoauax; ki istsitsi'i matütünistsiu'ats. 9 Ki kitanistopuau annök' akünistüp'skuyiuök otokem'an, sauau'ökotasaie, ki otai'kaokemaitaii stsik'i itau'ökotau: ki annök' ikem'attauök itüp'skoauök, itau'ökotau. 10 Otüs ksínimatsax anistsiauaie Ünnianists'issau nin'au ki otokem'an, matökhsiu'ats mök'okemsi. 11 Ki an'istsiuax kõnai'tappix matokot'otsimaxaie annik' epo'awsinik, anniks'isk iko'taxk nittsimiauaie. 12 Itstsi'i iuai'itax itsipo'kaiiau; ki stsik'ix matappix iuai'itsiauaax, ki stsik'ix iuai'itastotosiau, Spots' im istsinnaisinni umut'uaiitastotospiau. Annök' ikot'totsimök ünnianistots'isaie. 13 Inük'sipokax itotsipotoaii mökittokhitsikins'tsaksax, ki mökitatsimoiikasi: ki üsksinimats'ax an'istsiauaax unnai'e. 14 Ki Jesus an'iu, Pokitsim'mokau inük'sipokax ki pinanis'tokau nökstai'puksipaaïsau. Ün'nianistaps'iau spots' im istsin'naiisinni. 15 Ki itokhitsikins'tsakiuax, ki itsis'tüpaatomaie. 16 Ki, súppit, tuks'kümi itsitotoiïnaie ki an'iu, Ökhsin'ai, tsanistap'iua nök'ökhsistutsipi, nökkuanan'si üsk'sipaitappiisinni? 17 Ki an'istsiuiae, Kumauk'ainikük'iks ökh'si? Matütsitstsipa öksi, nitüks'küm, Ap'istotokiua, itökh'siu: makitsipim'eniki opai'tappiisinni, sat'sitests okök'itsimanists. 18 An'istsiuiae Tsistsimä? Jesus an'iu, kimataksenik'ipa, kimatakau'ökotapa, kimataksikömos'pa, kimatakitüp'saiepitspa. 19 Ükomim'misau kín'a ki kiksits'ta; ki, kitak'anistükomimmau kitopokau'pimau kanistük'omimmospa. 20 Man'iköppi an'istsiuiae. Nitokönüs' satsipiau am'ostsk nitsök'umapiisi. Tsanistap'iua niküt'tomüssatsipi? 21 Jesus an'istsiuiae maksüpanis'tsiminiki matap'iköttoat kitsinan'ipi ki ko'tsisau kím'atapsix, ki kitak'okuinani treasure spots'im: ki puk'siput, pokiuot' něsto'a. 22 Ki man'iköppi otokh'tsim'si annik' epo'awsinik, itsikikin'iiстапу: tük'ka ek'akaui otsinan'ists. 23 Jesus itüm'anistsiuax otüsksinimats'ax, kitau'münistopuau, ako'tsapšiuă ak'skotoitsipim spots'im istsin'naiisinni. 24 Ki kimat'anistopuau aks'istüpisistspapiu'camel mökotsisüppoksűx atünau'ksis istakün'ikai, ki mataksiksistspapiu'ats ako'tsapšiuă mök'itsipissi spots'im istsin'naiisinni. 25 Otüsksinimatsax otokh'tsimax ek'skaietükkiav, ki an'iau, Tükka' akokotsikömotse'piau? 26 Ki Jesus üs'sümmiuax, ki an'istsiuax matap'pix matokotsistutsim'axau; Ap'istotokiua ikotokön'apistutsimests. 27 Peter itüm'anistsiuiae, sat' sit, nitokönüsskipinan ki nitopokiuo'pinan ksëstu'a. Tsa nitakanistokuinan'ipinan? 28 Ki Jesus an'istsiuax, kitau'münistopuau, ksësto'au kitopokiuo'puau nesto'a, Nřn'au okkui otak'ittokhittaupissi ots'tsapinaiiso'pötsis, ksësto'au kitak'ittokh ittau pipuau na'tsikoputtuyists asso'pötsists kõkitokök'itsimattosau Israel istsistsikoputsix matap'pix. 29 Ki anniks'isk skim'ixk oko'auests, ki anniks'isk skits' ixk umu'pappiipuaux ki ot'akemoauax ki un'oauax, ki oksist'oauax ki otkem'anoauax ki o'kosoauax, kiotsin'simmanoauax, něsto'i itskim'

iauēsts, kep̄ip'pi ak'okuyiau, ki akokuinan'attomiau ūsk'sipaitappiisinni.  
 30 Ki akai'tappix matom'six ak'sakoissiau, ki sako'issix ak'otomsiau.

## 20

1 SPOTS' IM īstsīn'naiisinni netoi'nitsiu nīn'au, nap'ioyīs īstsīn'aim, annōk kōk'kōnisuxiuōk mōk'anistosi ap'autūkkix, mōkapotomoyīsax otsīn'simman. 2 Ki ökh'situkkisax mōkokuyīsax tuks'kai ksistsikui tūks'kumi apūn'asaini itūp'skuyuiax otsīn'simmani. 3 Ki nioks'kaii itai'ksistsikumiopi mat'suxiu, ki stsik'ix nan'nuuyiuax nam'itaipuyiax itau'pumopi, 4 Ki an'īstsieuax nokōt'sitappoak īnsīm'man, ki mokōm'otsīssi kitak'okotopuau, ki itappo'iau, 5 Nau'yi itai'ksistsikumiopi, ki piksu'yī itai'ksistukumiopi, mat'sūxiu, ki netoi' mat'anistsiu. 6 Ki nitsiko'puttuyi itai'ksistsikumiopi, itsūx'iu ki ikon'oyiuax stsik'ix nam'itaipuyix, ki an'īstsieuax konai'ksistsikuyi kumaukai'amitaipuisks annom'? 7 An'īstsieuauie mats'itstsipa matap'pi nōk' anikīnan. An'īstsieuax, Nokōt'sitappoak īnsīm'man; ki mokōm'otsīssi kitak'okuinanipuau. 8 Ki autūkkus'si, īnsīm'man īstsīn'aim an'īstsieuauie otap'otomoki, ninikōt'sīsau ap'autūkkix, ki ko'tsisau saiak'inosattaupiau, matom'okotsīsau sako'issix, ki tūm'okotsīsau matom'six. 9 Ki īstoto'sau nitsiko'puttuyi itai'ksistsikumiopi itaumütüp'apotūkkix, kōnai'īnax ikōno'kuyiau apūn'asaini. 10 Ki matom'six īsto'sau, ūs'taiau mōkoku'yisauaie stsik'i; ki ikōno'kuyiau apūn'asaini. 11 Ki otoku'yisauaie, itūpaukape'poawtsieuauie nap'ioyīs īstōkhsīn'ai, 12 Ki an' iau, anniks'isk sako'issix nituk'skau itai'ksistsikumiopi itapotūkkiau, ki kanistokotaiau kanist'okokipīnan ki ksistsiku'i īstsiksītutsīsinni nitap'autūkkipīnan. 13 Ki an'īstsieuauie tuks'kumi, Napi'a, kimat'omaikīmatsīstotopa: kikūt'tomaiōkhsitūkkipa tuks'kumi apūn'asaini? 14 Matsit' kitsinan' ki mīs'taput; nitak'anistokotau am'o sako'issiu kanist'okotopi. 15 Kūttomōkhsiuats nitsinan' nanistssitapi nōk'anistutsīssi? Kūtaukapiu'ats koōps'pi, mōk'ōkhsīssi nitsinan'? 16 Ki sako'issix akotom'siau, ki matom'six ak'sakoissiau; tūkka akaiēm'ix nīniköttaiau, ki un'natosīmix mat'toaiau. 17 Ki Jesus otsitūpamīssosi Jerusalem, na'tsikoputtsix otūs'ksinīmatsax itūnīstūpīp'iikax, ki an'īstsieuax, 18 Sat' sit aitūpamīssau'op Jerusalem, ki nīn'au okku'i akitūpomūts'kau omūk'atoiapiekuaax ki ai'sinakix, ki akūnistokōkitsīmūt'tsīsīauae mōks'eīnsaie. 19 Ki akūtsitūp'omūtskau Gentiles mōkitapapīstotoōssauaie, ki mōkitstsipīs'ossauaie, ki mōkauai'stōsauaie; otsoks'kaiksistsikusi ak'ūtsipuau. 20 Zebedee oku'ix oksīs'toauai ipok'itotomiauax oku'ix, ki atsīmmīm'miauaie, ki au'kōmōnīstsīsīauae tuks'kaii. 21 Ki an'īstsieuauie, Tsa kanistssitapa? An'īstsīu aie. Anit am'ox nitai'akokosīx mōkittaupīsau kitsīn'naiisinni, tuks'kūma netots'i, ki tuks'kūma e'aksīsauotsi. 22 Jesus an'iu, kimatsksīnip'uuaa kitau'kōmōnikipuai, Kikūtaiakokotsīmipuau annōk' kos'ōk nimutai'aksīmipūk? Kikūtaiakokotūstapīnūkipuau ūsta'pīnūksīnni nimutai'akūstapīnūkipi? An'īstsieuauie, nitokot'ūnistspīnan. 23 An'īstsieuax kitak'ūtsīmipuau no'kosā, ki kitak'ūstapīnūkipuau ūsta'pīnūksīnni nimut'akūstapīnūkipi; ki nimatsinanēstsau kōkokotosuai kōkittaupisuai netots'i ki e'aksīsauotsi nesto'a, ki anniks'isk matap'pixk Nin'a ūk'aisūppūtsīstotomoyiuax, otaksinan'oaiu. 24 Ke' pix otokh'tsīmsau īstsīmmīm'miauaax na'tsitappix ipapiimmotseiix. 25 Ki Jesus ninikōt'sieuax, ki an'īstsieuax, kits'ksīnipuau Gentiles otsīn'aimoauax otain'aiīskotokoiauax ki anniks'isk omūx'īnaxk nokōtai'naiīskotokoiauax. 26 Ki mataketūmanistsī'ā ksēsto'au:

annök' ak'omüksümök, ünanıstap'otüksi; <sup>27</sup> Ki annök' kitaks'innauükök ünanıstap'otüksi: <sup>28</sup> Nin'au okku'i matütoto'ats mök'apotomoösaie, mök'apotomoösi umut'oto, ki mök'itatsuaumütskotosi akaitappix opai'tappiisinni. <sup>29</sup> Ki otsistüpaatosau Jericho, akai'tappix ipokiuo'iauaie. <sup>30</sup> Ki satsit, natsitappix naps'tsix pitsiko'-otsim i tau' pix otokh'tsısau Jesus umutak'itsscosaie awk'umiau, ki an'iau, kİM'okinan, Nin'a David okku'i. <sup>31</sup> Ki o' tappiisın'na ai'semiauax mökstaie'puyısax: ki matsistawk'umiau ki an'iau kİM'okinan, Nin'a, David okku'i. <sup>32</sup> Ki Jesus itsipu'yu, ki nan'niköttsiuax, ki an'iu, Tsa kök'anıstutopuau? <sup>33</sup> An'ıstsiauaie, Nin'a möksikauopiisaii noöps'pınanix. <sup>34</sup> Ki Jesus kaiım'iuax, ki itsıksen'iuax oöps'puauax, ki oöps'puauax kau'opiau, ki itopokiuo'iauaie.

## 21

<sup>1</sup> OTSITASTOTOSAU Jerusalem otsitotosau Bethphage, itum'uasuaie Olives an'ıstop Jesus itüp'skuyiuax na'tsitappix otüsksinimats'ax, <sup>2</sup> Ki an'ıstsiauax, akap'ioyıs astsi'ım ıstsipi'ık, kikitakstümkonau üsk'omükstokiuua aks'ıksipistau, ki o'kosepokai ak'opokitaipuyimiu: apo'tokau ki puk'sipıppotokıkau. <sup>3</sup> Ki sıtsıpsatsenoainiki matap'pi, kitak'anıstaiau Nin'a au'anıstsiauax; ki ak'otümütsitüpskuyiuax. <sup>4</sup> I könan'ıstutsip möks'enüpanıstosi otan'iipiaie prophet ki an'iu, <sup>5</sup> An'ıstok Sion otün'ni, Süm'mıs kitsin'aimau kitsipuksipa'ak, ikiniş'siu, ki üskomük'stoki itokhitopiu, ki o'kosepokai üskomük'stoki o'kosae. <sup>6</sup> Ki üksinimats'ax itappo'iau, ki Jesus itün'ıstutsimiax manistanıstopiax. <sup>7</sup> Ki itsipuksipıp'piauaie üskomük'stoki ki okose'pokai, ki itokh'itstomiau otsistotos'oauësts ki itsittokhitstsi'iauaie osto'i, <sup>8</sup> Ki ek'akaitappix saie'kuyiiauaie otsistotos'suauësts moksokui; ki stsık'ix kaiak'ımiau okün'iksists ki moksoku'i itökh'tümiauësts. <sup>9</sup> Ki anniks'isk matap'pixk i'tomaumattoyixk ki itopokiuo'ixk, awk'umiau, ki an'iau, Hosanna ünnianistsitüp'itsis David okkui: Atsim'siu annök' aipuksipu'ök nin'a otsin'ikösim; Hosanna mıs'tüpşpiu. <sup>10</sup> Otsitsipıs'si Jerusalem, konai'akapioyis ap'aitsitaiau, ki an'iau, Tükka'ats? <sup>11</sup> Ki akai'tappix an'iau annök'auk Jesus Nazareth ıstsiprophet, Galilee istauösim'im. <sup>12</sup> Ki Jesus itsipim Ap'ıstotokiuă otatoi'apioyıs ki anniks'isk itsipst'anmütskotükixk, ki itsipstawk'pumaxk nato'iapioyıs, itsai'tüpiksistsiuax, ki au'ötsuautuyixk otsit'aisınakipuauësts ima'pıxiemests, ki au'mütskotükixk kükku'ix otsasso'pötsuauësts ima'pıxiemests. <sup>13</sup> Ki an'ıstsiauax, Sın'aip, Noko'ai ak'anıstop a'tsimoiikapioyıs, ki ksěsto'au kaniş'tutsipuau kōmos'iepitsix oko'auai. <sup>14</sup> Ki naps'tsix ki üs'tsekaiix itsipstotoyiauaie Natoi'apioyıs; ki ikuttotoyiuax. <sup>15</sup> Ki omük'atoiapiekuax ki aisınakix, otin'ı'ësts skai'pissitapısts otap'ıstutsipısts, ki pokax otsitsipst'awkkumsau natoi'apioyıs, otan'ıssau Hosanna ünnianıstsitüp'itsis David okku'i, eks'kaaisauökhsitükkiuau. <sup>16</sup> Ki anıstsiauaie, kiküttaiaiokhtısp'ä otan'iipiau am'oxi? Ki Jesus an'ıstsiauax, A; kiküttonisauanıstopa sınaksın, pokax ki üs'stax maau'auësts kumut'totssüpanistsıstutsip ıstsak'sin? <sup>17</sup> Ki itskit'siuax ki akap'ioyıs itüp'süxkitsımaie Bethany; ki annim' itsok'au. <sup>18</sup> Ki ksısküna'tünni mat'skitapposi akap'ioyıs, itun'otsiu. <sup>19</sup> Ki otsitsınno'ösi moksoku'i omük'iniıstsısi, itoto'aie ki matsitokonımau'atsaie, nam'itaitsii suo'pokısts, ki anıstsiauaie, Ünnianıst'sauüksaiın as it ksěsto'a. Ki omük'inıstsısi sotüm'ikünipisui. <sup>20</sup> Ki üksinimatsax otsin'ı'au, skai'etükkiuau, ki an'iau, Mau'maikipikünipisui! <sup>21</sup> Jesus an'ıstsiauax, kitau'münıstopuau

Aumaitūkkienoainiki, saietūkkienoeniki itsistuts'ipi omūx'īnistsisi kimataksikaksistutsipa, ki nokūt'anistominoainiki am'o nitum'moi, ūnistüp'itsit, ki ūnistüp'apiksistükit omūk'sikimi; ak'ūnistutsip. **22** Kitak'omianistau'kōmōnipuai a'tsimoiikainoeniki aumai'tūkkienoainiki, kitak'okoksua. **23** Ki otsitsipis'si natoi'apioyis, omūkatoiapiekuax ki matappix ot'omūximoauax otūs'ksinimatstüksi ito'toiauaie, ki an'iau, Tsanistapotūmapsin'na kumut'anistutsipiau am'ostsk? Tūkka' kit'okokaii am'ok otūmapsinnik? **24** Ki Jesus an'istsiuax kitak'oksūppoötsesattopuau tuks'kaii anik'ienoainiki kitak'ötanistopuau otūmap'sinni numut'auanistutsipi am'ostsk. **25** John otūs'tapinūksinni, Tsema itotstsiu'ats? Spots'im, ki matap'pi? Ki ai'sitsipsattseiau, ki an'iau, mak'aninaniki spots' im; nitak'anikinan, kumauk'stauaumaitoauaiisksix? **26** Ki mak'aninaniki ma tap' pi, nitstünnaunaniau matap'pix; tük'ka ikön'auaniau John mökoprophetsi. **27** Ki anistsiauaie Jesus, ki an'iau, Nimatokot'anipinan. Ki an'istsiuax, kimatokot'anistopuau otūmap'sinni nimut'auanistutsipiau am'ostsk. **28** Ki Tsa kit'stapuau? Tuks'kumi matap'pi, na'toküm o'kosix; Ki matom'sii itoto'aie, ki an'iu, noko'ä, matap'otük kit annok' ksistsiku'i nitsin'simman. **29** An'iu Nimat'akittappopa: ki itsako'isauaitsitau ki itsitap'po. **30** Ki matstsik'i itoto'aie ki mat'anistsiauaie. Ki an'iu nitak'ittappo, nin'ä; ki matsitappo'atsaie. **31** Tūma' amoxi ūs'satsima un'ni otsitsi'taniaie? An'istsiauaie, Matom'siuä. Jesus an'istsiuax, kitau'münistopuau kitsauomai'pisuai Ap̄istotokiüa īstsin'naiisinni publicanix ki mats'akex ai'aksipimiau. **32** Tük'ka John kitsitota'akuau mokom'otsitappiisinni īstokh'sokui, ki kimataumaitoauau'ats: ki publicanix ki mats'akex au'maituyiauaie: ki ksěsto'au kitsin's'uai kimatsakoisauaitsitapuaua kōkaumai'toausuai. **33** Okh'tsik stsik'i parable, itsi' tuks'kumi nín'au, nap'ioyis īstsin'aim, itsúppipumattomaie īnsim'man min'istsix, ki itsistse'piskünattomaie, ki itatun'iakiu itsin'ikkeimskaupi, ki spiap'ioyis itap'istutsimaie, ki itök'kumatokuyiuax ai'insimax ki itsi'pio: **34** Ki otas'tsissi mǐn'ists otai'akitsetspiests itüp'skuyiuax otap'otomokix aiinsimax mök'okuyissi īstsin'ists. **35** Ki ai'insimax mat'tuyiuax otap'otomok-ix, ki tuks'kumi, itauaiak'iauaie, ki stsik'i initsi'auaie, ki stsik'i okotokix itau'aiakiauaie. **36** Ki mats'itupskuyiuax stsik'ix otapotomokix: ki netoi' an'istutuyiauaax. **37** Ki sako'okhtsim, itüp'skuyiu okku'i, ki aniu, ak'atsimmimmiau noko'a, **38** Ki ai'insimax otsinno'össau okku'i an'istseiau Am'o otak'sinan; ki, öks'enitai, ki nöksinan'attopinaniau otsinan. **39** Ki een'iauaie, ki itsai'tüpiksistsiauaie īnsim'man, ki initsi'auaie. **40** Oto'si insim'man istsin'aim, Tsa' akanistutuyia'atsax anniks'isk ai'insimax? **41** Anistsiauaie, ak'saiinaknaiatsistutuyiuax anniks'isk sauum'itsitappixk, ki ai'akokumatuyiuax otsin'simman stsik'ix ai'insimax, anniks'isk aiakokotsiauaie īstsin'ists aits'isau. **42** Jesus an'istsiuax, kikütтомaisauanistopuaiisksix natoi'sinaksists, Ok'otoki, annök istsis'tüpapiksistauük aiokotoksapioikoiskaiau, netoi'nitsiu koke'i īstotom'okotok; am'ok Nin'a ot'apistutüksinni ki skaie'tsip noöps'pinanists? **43** Ün'nikiae kumut'anistopuau Spots'im istsin'naiisinni ak'otsip ksěsto'au ki ak'okotau noke'tappix, anniks'isk aks'inasiixk. **44** Ki annök' ai'akittutütsinnissiuük annök' ok'otoki, aksi'ksisiu, ki annök' matap'iuök ai'akittutütsinnissiuük okotoki aksipin'iau. **45** Ki omūk'atoiapiekuax ki Pharisees otokh'tsimsau parables, īksin'm'iau osto'auai umutai'puyisaie. **46** Ki otap'sümmösax mök'sixenösax, ūs'stünnyiauaax akai'tappix, tük'ka ü, 'taiau mök'siprophetsi.

## 22

1 KI Jesus mat'anistsiuax parables, ki an'iu, 2 Spots'im  
 īstsīn'naiisīnni netoi'nitsiu tuks'kumi omūx'inau, okuyi otokem'si.  
 3 Ki itūp'skuyiuax otap'otomokix moksīnikōttosaxax anniks'isk  
 otūm'axk: ki matūskak'sipuksipuax. 4 Ki mats'itūpskuyiuax stsik'ix  
 otap'otomokix, ki an'istsiuax anistok'au anniks'isk ūm'axk, Sat'sik,  
 nikaw'apastutsip nitso'ōssin: nitap'otskinamix ki nitunistakhtsimix  
 ūkainitaiau ūk'okōnaiksistsiiau: Puksipa'atok okem'sinni. 5 Ki  
 ap'etsimiauaie, ki oksoku'oauests itappoiau, tuks'kumi otsin'simman,  
 stsik'i otsit'aumūtskotükkipi: 6 Ki stsik'ix mat'tuyiuax otap'otomokix, ki  
 au'ksistutuyiuax, ki initsiu'ax. 7 Ki omūx'ina otokh'tsimsi, itsis'tsetükkiu:  
 ki itūp'skuyiuax otseēn'akemix, ki itsaiinakuaiistutuyiuax anniks'isk  
 inik'ixk, ki itsin'simaie otakap'ioyimoauaie. 8 Itūm'anistsiuax  
 otap'otomokix, ūk'aiksistsiu mak'okemsinni, ki anniks'isk ūm'axk  
 matsipumapsiu'ax, 9 Itap'poak moksoku'ists ki kīt'okonaukonoaxk  
 ūm'mokau mak'okemsinni. 10 Ki anniks'isk apotükkipix itsitap'poiau  
 moksoku'ists, ki ikönau'moipiauax ot'okonokonoauax makap'six ki  
 ökh'six: ki itsūpanis'tsimiau ūm'max. 11 Ki omūx'ina otsipis'si  
 mōks'innoōssax ūmmax, nan'nuyiuiae nīn'aii ikem'sinni īstsiso'kōsimi,  
 mat'sūpskōsattomaie; 12 Ki an'istsiuiae, Napi'a, Tsa kanis'tsipipa  
 kitsauomai'sūpskōsattosi ikem'sinni īstsiso'kōsimi? Ki matsepuyiu'ats.  
 13 Omūx'ina itūm'anistsiuax otap'otomokix is'ksipistok otsists' ki  
 oköt'sists, ki is'tüppippis, ki satüp'iksistsis ski'natsi; ak'itstsui asain'sinni,  
 ki papūx'ekinikani. 14 Akai'tappix naniköttaiau: un'natosimix mat'toaiau.  
 15 Itūmis'tapuiau Pharisees, ki itauüt'ünistsiiau mökitokonimösauaie  
 ote'poawsistsae. 16 Ki ipokitüp'skuyiuax otuskxinimatsauauax  
 ki Herodians, ki an'istsiuiae, Nin'a, nits'ksinipinan kitau'müni ki  
 kitau'münisksinimatstükki Ap'istotokiua oksoku'i, ki kimatsümman'ax  
 matap'pix: tük'ka, kimatsatsipats manistüp'apitappiopiau. 17 Anik'inan,  
 Tsa kit'sapa? Ökh'siuats mōk'otsiponitasi Cæsar, tsöktau  
 mat'öksiuaits? 18 Ki Jesus nan'imaie otsau'okömotsitappiisuai, ki  
 an'iu kumauk'saksksinokipuauaiists kitsiks'stapokömotsitappiansuai?  
 19 Ünis'tsinümmokik mixkik, kumut'siponitapi. Ki ito'tsipotuyiuiae  
 nitai'pünasainiini. 20 Ki an'istsiuax, tükka' am'o ostoks'sä, ki tükka'  
 osinaksin'ats? 21 An'istsiuiae, Cæesar otsinan'. Itūm'anistsiuax kotok'  
 Cesar otsinan'ists, ki Ap'istotokiua kotok' otsinan'ists. 22 Otokh'tsimsau  
 annists'isk epo'awsistsk itskai'etükkiu, ki itskit'siauaie, ki oksoku'auai  
 itappo'iau. 23 Neto'ik ksistsiku'ik, Saducees, anniks'isk an'iisk  
 matsitsipats matsipuau'osinni itoto'iauaie, ki ai'süppoötsesattsiauaie,  
 24 Ki an'iu, Nin'a, Moses itūni'u enis'si nīn'au, ki saiitstsissi pokax,  
 oskün' akokem'attsi'inaii otokem'an, ki ak'ksistauüttomuyiuiae us'i  
 pökax'. 25 Annok' ikit'sikümiau umu'pappipix; ki matom'si otokem'attosi,  
 its en'iu, ki otsai'itstsissi o'kosix itskit'siauaie otokem'an oskün'  
 mōk'okemattosaie: 26 Neto'initsiu oskün' enis'aie, ki omat'oskün' ki  
 ikit'sikümiau ikönen'iau. 27 Ki itsako'ieniu ake'u. 28 Matsipuau'osinni  
 tükka' otakokeman'atsiae, ikit'sikümix? Tük'ka ikönau'tuyiuiae. 29 Jesus  
 an'istsiuax. Kitai'patsistutipuau kimatsksinipuauësts natoi'sinaksists  
 ki ototümap'sinni Ap'istotokiua. 30 Matsipuau'sax matokemiu'axau  
 matapikau'axau. Netoi'nitsiuau Ap'istotokiua otatsim'otokatatsix Spots'im.  
 31 Annik' matsipuau'awsinnik kiküttomisauanistop'ats annik' kitan'iipik  
 Ap'istotokiua. 32 Něsto'akaik Abraham otsinan Ap'istotokiua ki Isaac

otsinan' Ap'istotokiuač, ki Jacob otsinan' Ap'istotokiuač Ap'istotokiuač enix' matsinan'oauats, sa'kiaitappiix otsinan'oauax Ap'istotokiuač.

<sup>33</sup> Ki akai'tappiix otokh'tsimsau skai'etsimiau otusksinimats'tüksinni.

<sup>34</sup> Ki Pharisees otokh'tsimsau ot'omaupütsössax Saducees, itauütomoi'piotseiau. <sup>35</sup> Ki tuks'kümi, lawyer, ai'süppoöttsesattsiuiae, ki as'aksksinnuyiuiae, ki an'iu, <sup>36</sup> Nia'a, tse'a omük'o okök'itsimani istse'poawsists? <sup>37</sup> Jesus an'istsiuiae, Kitak'ükomimmau, Nin'a Ap'istotokiua kitokönai'uskëttsipöppi, kitokönai'staaw, ki kitokönai'tsitani. <sup>38</sup> Am'oi matom'iu ki omük'o epo'awsinni. <sup>39</sup> Ki pok'iommoi netoi'nitsiu, Kitak'ünistükomimmau kitopokau'pimok kanistük'omimmospi. <sup>40</sup> Annists'isk na'tokaistsk epo'awsists, ikönaukökitsimanists ki prophetix otan'ipists ikön'itaitsiiests.

<sup>41</sup> Otsakiaumoi'piotseisau Pharisees, Jesus süppo'öttsesattsiuax, <sup>42</sup> Ki an'iu, Tsa kitstatau'ats Christ? Tükka' oko'atsiae? An'istsiuiae David okoai'e. <sup>43</sup> An'istsiuax, David umut'ainistainiköttaupiaie Nin'ä, otanipi, <sup>44</sup> Ap'istotokiuač an'istsiuiae nin'a, netots'i tüpo'piit, nök'ünistutoösau kikatum'ix kitsitautütsekau'pipi? <sup>45</sup> David niniköt'tüssi Nin'a, Tsa otak'anistoko'atsiae? <sup>46</sup> Ki matap'pi matsitstsipa mök'okotsitsipsättosi tuks'kai epo'awsinni, ki annik'ksistsiku'ik matap'pi matokot'sakosüppoöttsesattau.

## 23

<sup>1</sup> JESUS itüm'sitsipsiuax akai'tappiix ki otusksinimats'ax, <sup>2</sup> Ki an'iu, Ai'sinakix ki Pharisees, Moses otsiso'pötsisaie itau'piau: <sup>3</sup> Ünnikaie kitomian'istaniipuai sat'sik ki nistutsik'. Ki manists'sutcipiau, pinan is'tutsik: tük'ka itan'iau, ki matsistutükkiu'axau. <sup>4</sup> Issoks'stsists itau'monimiau'ests soku'ests mökopa'tosau ki matap'pix otsistsoau'ests itotom'iau'ests; ki osto'auai matakotsistüpakiotsim'axau'ests tuks'kümi okit'suauax. <sup>5</sup> Otokönäp'otuskuau'ests itsistuts'ümiau'ests möksinnu'yisau matap'pix: itopük'istutsimiau'ests phylacteries, ki itomük'istutsimästs otsaieno'tüsauau'ests, <sup>6</sup> Ki ükome'tsimiau'ests oye'tanists istotom'iapioyists, ki natoi'apioyists istotom'isopötsists. <sup>7</sup> Ki otsitau'pisau itau'pumaupi aiksemattsini'otseisinni, ki möks'äniköttośau, Rabbi, Rabbi. <sup>8</sup> Pinis'tsinikük'k Rabbi: tuks'küma kitsin'aimoauä, Christ: ki ksësto'au kitokönaix'okoauax. <sup>9</sup> Ki Pini'niköttośau matap'pi, annom'ksök'kum, kín'a; tuks'küma kín'oaua annök' spots'im itau'piuök. <sup>10</sup> Ki pinitsin'ikük'k Nin'ax: tuks'küma kitsin'aimoaua, Christ. <sup>11</sup> Annök' omük'ümök ksësto'au, kitak'apotomokoau. <sup>12</sup> Annök' ak'omuxistutosiuök, aks'inüxistutoau; ki annök' aksinük'istutosiuök, ak'omüxistutoau. <sup>13</sup> Kitaks'ksinipau makap'i ksësto'au ai'sinakix ki Pharisees, kitsiks'stapokömotsitappiansuai! Kitsitaiok'iauaiau matap'pix Spots'im istsin'naiisinni: ksësto'au kimatsitaipipau'ats, ki aiakskipimix kimats'epokkitsetomauaxau mök'itsipisau. <sup>14</sup> Kitaks'ksinipau makap'i ksësto'au ai'sinakix ki Pharisees, kitsiks'stapokömotsitappiansuai! Nam'akex oko'au'ests kitau'attopuaiau, ki kitaisümiksistapatsimoiikapau: mis'tüpkapii kitakoku'yisuai. <sup>15</sup> Kitaks'ksinipau makap'i ksësto'au ai'sinakix ki Pharisees, kitsiks'stapokömotsitappiansuai kitotka'atau ksök'kum ki omük'sikimi kök'itokonoösi tuks'küma matap'iuä mökitanis'tsitsiasi kanistsitsi'tawpi kitaumaitu'yissi, kanistüm'ipuau ksësto'au Hell oku'yix kitak'anistsistokiaiüstutoauau. <sup>16</sup> Kitaks'ksinipau makap'i ksësto'au kitsaps'tsotüpünükipau, kitan'ipuau annök' akitup'ütauüniuök

omük'atoiapoyis matsikiu'ats, ki annök' akitüp'ütauüniuök omük'atoiapoyis isto'tokuiixkím, aks'istutsímaie! <sup>17</sup> Kitüt'tsapspau, kitsaps'tsiipuau: Tsíma' omük'o. Otoku'iixkím, ki omük'atoiapoyis annik' itatsím'mimmiik otoku'iixkím. <sup>18</sup> Ki annök' akitüp'ütauüniuök altar, matsikiu'ats; ki annök' akitüp'ütauüniuök kotük'sínni altar itokhítstsii. <sup>19</sup> Kitüt'tsapspau, kitsaps'tsiipuau Tsíma' omük'o, kotük'sínni, ki altar annök' itatsím'etsímök kotük'sínni? <sup>20</sup> Annök' aiakitüp'ütauüniuök altar, itüp'ütauüniu altar ki mian'isttokhítstsii. <sup>21</sup> Ki annök' aiakitüp'ütauüniuök omük'atoiapoyis, itüp'ütauüniu omük'atoiapoyis ki annök' iko'attomök. <sup>22</sup> Ki annök' aiakitüp'ütauüniuök spots' im, itüp'ütauüniu Ap'istotokiua otspiso'pötsis ki annök' itokhittaupiuök. <sup>23</sup> Kitaks'ksíniipuau makapi ksésto'au ai'sinakix ki Pharisees, kitsiks'stapokómotsitappiansuai! Kitai'ponitasuai mint ki anise ki cummin, ki issoku'ists kimatsatsipuauëstsau, okök'itsimanists, kím'apiisínni ki aumai'tüksínni: am'osts ökh'si kök'satsösuaiau; ki mat'ökhsiuats kök staiëstutsíssuai stsík'ists. <sup>24</sup> Kits' apstsiotüp'inpíkipuau, kitai'soautsauau inük'soïksíssi, ki kitaits'issttimauau camel: <sup>25</sup> Kitaks'ksíniipuau maka'pi ksésto'au ai'sinakix ki Pharisees, kitsiks'stapokómotsitappiansuai! Kös'ä ki saiëtso'kosi sauauts'i kitüs'siipuaiau, ki pïstots'im itui'tsiau minik'otüksínni ki auüt'tseisínni. <sup>26</sup> Kitsaps'tsii Pharisee, matom'siitau pistots'im kos'ä ki saiëtso'kosa mök'ütsitsiksixíssi sauauts'i, <sup>27</sup> Kitsaks'ksíniipuau maka'pi ksésto'au ai'sinakix ki Pharisee kitsiks'stapokómotsitappiansuai! Ksíkoken'imani kine'tümanistspauai ai'ökhsínipiau sauauts'istsi, ki pistots' im itui'tsiau enix' okin'oauësts ki makap'ists. <sup>28</sup> Netoi'nitsiii ksésto'au kito'kömotsitappiñipuau matap'pi, ki pistots'im kitotuitskitsipuai ksís'tapokómotsitappiisínni ki sauum'itsitappiisínni. <sup>29</sup> Kitaks'ksíniipuau maka'pi ksésto'au ai'sinakix ki Pharisees, kitsiks'stapokómotsitappiansuai! Kitap'istutsipuai prophetix otoken'imanoauësts, ki kita'nütsistutsipuai moköm'otsitappix otoken'imanoauësts, <sup>30</sup> Ki kitanipuau nits'a'kiaitappiipinanopi nin'aníx otsa'kiaitappiisau nís'tasauopoks'istokemaumünanopiau prophetix otsa'apünoauësts. <sup>31</sup> Ün'nikiae kit'auütanipuau, ksésto'auükauk anniks'isk matap'pixk initsixk' prophetsix o'kosoauax. <sup>32</sup> Tu'itok kín'oauax otsauum'itsitappiisauësts. <sup>33</sup> Pitseksínax, opix'exínasinna, Tsa'a kitakanistupis'tapixsattopats Hell istokök'itsimani? <sup>34</sup> Ün'nikiae, sat'sík kitakittüp'skoaiu ksésto'au prophetix, ki mokök'ietappix ki ai'sinakix: ki stsík'ix kitax'enitauaiu ki kitikau'aistauuaiu; ki stsík'ix kitakitsipstüstsipis'auaiau kitatoi'apiyimoauësts, ki kitak'auksistutuauuaiu amian'istakap'ioyists otai'akitsipisau: <sup>35</sup> Mökittokh'ittaitsíssi ksésto'au kónau'kömotsitappiaapüni ksök'kum itsai'kimskaii. Abel moköm'otsitappiuä otsa'apün itüpots'tsiuaie Zacharias, Barachias okku'i otsa'apüniaie annök', kitsitsenitauauök itüt'sikatsi omük'atoiapoyis ki altar. <sup>36</sup> Kitau'münistopuau kónai'sístska aunok' o'tappiisínnna akítotu'iësts. <sup>37</sup> Jerusalem, Jerusalem ksésto'auä kitai'nitauuai prophetix, ki anniks'isk itüp'skuaxk ksésto'auä ok'otokix kumutauauaiak'iauaiau, nökstanistsikapumoi'piauopi ko'kosoauax nipuau'a manïstau'moipiopi o'kosix ki kimat'ökhśitsipuau'ats! <sup>38</sup> Sat'sík, Koko'auai nam'itaitsiu kit'skitomoko. <sup>39</sup> Kitan'istopuau, issoots'i kimatakainokipuua sauanenoainiki Atsim'siu annök' paiukspu'ök Ap'istotokiua otsin'ikösim.

## 24

**1** KI Jesus itsūx'iu ki itsis'tüpaatomaie omük'atoiapoyis  
 ki otüksnimatsax itoto'iauaie mōkanis'tsinnomoösauae  
 omük'atoiapoyis istap'istutüksinni. **2** Ki Jesus an'istsiuax  
 kiküttaisauainipuauaastsau könai'istsk? Kitau'münistopuau,  
 matakskit'aupa okotoki mökstaiina'piksistosi. **3** Otsit'tokhitaupissi  
 nitum'moyi Olives, üksnimats'ax isimitoto'iauaie, ki an'iau,  
 Anik'inan Tsanistsis'akanistsiu'astsa? Ki tsa akanistsiu'a  
 kitsipuksipusinni, ki punksök'kuasi? **4** Ki Jesus an'istsiuax Iskskats'ik  
 kökstaipistsiksistetu'yisuai. **5** Akai'tappix ak'ütsitotoiau nitsin'ikosim ki  
 ak'aniau Christ něsto'akauk; ki ak'sipistsiksistutuyiauax akai'tappix. **6** Ki  
 kitakokhtsimattopuaii auakaw'tseisists ki mak'auakawtseisists: Sats'sik  
 kökstai'apaitsitasuai; konai'istsk ak'itstsiau; ki umut'aketsinikawpi  
 matomoto'ats. **7** Aiok'auua aksipua'tseiau aiokauai'i ki nin'naiisinni  
 aksipua'atomiau nin'naiisinni; ki ak'unnatosi aau'össinni, ki  
 ak'itstsiau okh'tokosists, ki ksök'kumä otaks'ikauopiisists, ki  
 akokönau'toitstsiau. **8** Am'osts Istokönau'mütüpipuünawkuyii' sists.  
**9** Kitakaumüts'kakipuau kökätapauksistutoksi, ki kitaks'enikoaiau: ki  
 könai'okauua kumutaks'tsimmimmokoau nitsin'ikosim. **10** Ki akai'tappix  
 akätskämsküciau ki akaumüts'katseiau, ki akau'kimotseiau. **11** Ki  
 akai'äm'ix ksüs'tapsix prophetix aksipuaiau ki aksipisksis'tutuyiuax.  
**12** Ki sauo'kömotsitappiisinni otakau'osi, akai'tappix otükome'tüksuiai  
 akstuyiuiae. **13** Ki annök' eikak'imaük umuk'itsipi aksikömötse'piau.  
**14** Ki am'ok nin'naiisinni istökh'sitsiniksinni ak'anistop könüs'ksökkum,  
 könai'okoaua möks'ksiniisauae; ki umuk'itsipi ak'otümitoto.  
**15** Ninüm'innoinainiki üs'tsimetsipi Daniel otan'istopi atsim'apii  
 istai'puyissi (annök' an'istomök ünnists'ksinissi:) **16** Anniks'isk Judaea  
 itau'pixk ünnianistitüpoks'kasau nitum'moists: **17** Annok' itokh'itaupiuök  
 oko'ai pínünists'ínissaatos mök'sauautsissi itsipsts'tsii oko'ai: **18** Annök'  
 insimman itau'piuök pinüt'ünistsskos mök'otsissi otsistotos'ists.  
**19** Anniks'isk ipitap'piixk ki üs'takataxk aksksinimiau makapi annists'ists  
 ksistsiku'ists! **20** Atsimoiikak kök'stautsimutasuai stuyissi, ki  
 issük'opiiksistsikui. **21** Annik' omük'ipuinasinni ak'itstsiau, istsitsis'si  
 ksök'kum, ki annok' manists'ipuünapsi, aksis'tüpünistsipuünapsi, ki  
 is'sotsk matakotümanistsipuünapsi'ats. **22** Ki annists'ists ksistsiku'ists  
 sauun'natsistutsisests mat'akitstsipa matap'pi itsikömötse'piaiau;  
 aumai'tükkixk, osto'auai itunnats'istutsimests annists'ists ksistsiku'ists.  
**23** Kümits'tsiki matap'pi kitai'akaniki Süm'mis, am'auk Christ, ki om'auk;  
 pinau'maitos. **24** Ksüs'tapsix Christix aksipuau'iau ki ksüs'tapsix  
 prophetix, ki akanis'tsinnükiau omük'apstosists ki pisats'kasists;  
 ki iküm'itstsiki aks'ipätsiksistutuyiauax aumai'tükkixk. **25** Sat'sik,  
 kikau'anistopuau. **26** Küm'anistsenikiau sat'sit ksüs'tapsksökkuyi  
 ün'amauk; pini'tappoat; Sa'sit, simiap'ioyists ün'amauk; pinaumai'tükkik.  
**27** Ksistsikum' manisttotsipuksipupi umut'autstsipi apinök'kuyi, ki  
 manistsitüpükünatspi ame'totsi; netoi' ak'üniststsiau nin'au okku'i  
 otos'aie. **28** Miksñii otsits'tsipi, ün'nim pi'tax akomoo'iiau. **29** Annists'ists  
 ksistsiku'istsk istipu'inasists otaiksiuos'au, nato'si akski'ínüm, ki  
 kokum'ikesüm matakanañmauats, ki kök'atosix akotots'ínissiau, ki  
 spots'im otsis'köpsinni akauüt'apixip: **30** Ki Nin'auä okku'i otap'stosinni  
 aksitsinakoiae spots'im: ki ksök'kum istokönai'tappix ak'otümauyesiau,  
 ki aks'innoyeriau Nin'au okku'i spots'im istsissoksüs'tsiku'ists itsipsts'otosi,  
 otümap'sinni ki omük'künnañnni akopoto. **31** Ki ak'itüpskuyiuax

otatsim'otokatatsix ak'soksikkiax, ki aumai'tükkiixk akitotomo'i'piiuaax, nissoo'ists sopu'ists ki spots'im umuk'itsipi: <sup>32</sup> Annok', īksinik parable omux'īnistsis; okün'iksi otsa'kiükkiñišssi, ki otsuio'pokassi, kitsksinipuau nepu'yi itasts'tsiu; <sup>33</sup> Neto'i maks'īnīmenoainiki annists'isk, īksinik, mōkaststsissi, ito'to okh'sepistanists. <sup>34</sup> Kitau'münistopuau am'oi o'tappiisīnaii mataksistapu'ats otsauomaisüpānis'tsiosau annists'isk. <sup>35</sup> Spots'im ki ksök'kum ak'eitsinikau, ki nitse'poawsists matakeitsinikau'ēstsau. <sup>36</sup> Annik' ksistsiku'ik ki annik' itai'ksistsikumiopik matsksinim'ats matap'pi, Spots'im īstso'tokatatsix matsksinim'axauaie, Nin'a nits'ksinimaie. <sup>37</sup> Noe otsiksits'tsikumists manists'i'piests, netoi' ak'anisttsiiests Nīn'au okku'i oto'saie <sup>38</sup> Otsauomo'könaiokkeuasi ksökkum manistau'yipiau ki manistai'simipiau, manistok'kemipiau manista'piköttükkipiau, itüp'itsiu annik' ksistsikuik, Noe otsit'süppopissi akh'iosatsis. <sup>39</sup> Ki matsksinim'axau otsauomo'könaiokkeuasi ki itsau'inakuaiistutuaiau; netoi' ak'anisttsiu Nīn'au okku'i oto'saie. <sup>40</sup> Natsitappiix akotümitau'piiua insim'man: nituks'kümi ak'otoau, ki stsik'i ak'skitau. <sup>41</sup> Natsitappiix akex' akitaipik'iakiau; nituks'kümi ak'otoau, ki stsik'i ak'skitau. <sup>42</sup> Ün'nikaie mokökik: kimats'ksinipuau annik' itai'ksistsikumiopik kitsin'aimoau otai'akitotopik. <sup>43</sup> Am'okä īksinik', Napioyis istökhśin'auä otsksinim'opi annik' itai'ksistsikumiopik otai'akitotosi kōmos'iepitsiuä ūtaiuskskümiuopi, ūtai'saiepukitsetsimopi oko'ai istokitsim'i mōkopokse'īsaie. <sup>44</sup> Ün'nikaie ūk'aisüppuiapistotosik; kitsitsisauaitatopuai, Nīn'au okku'i ak'itoto. <sup>45</sup> Tükka' aumai'tükki ap'otükkiuä, ki mokök'i apotükkiuä annök' otsin'aim otinaiäts'okök oko'ai istsitappim'ix, mōk'okömotokotösax otso'ōšnoauësts? <sup>46</sup> Atsim'siu annök ap'otükkiuök, otsin'aim oto'saie otak'okonokaie netoi' it'ünistsistutsimaie. <sup>47</sup> Kitau'münistopuau, akokonitainaiäts'iuiae otokönai'nanists. <sup>48</sup> Ki annök sauum'itapotükkiuök, makotots'anissi u'skëttsipöppi ai'sümsiu nitsin'aim; <sup>49</sup> Ki makaumütüpauaiak'iüssi ot'opokapotükkimax, ki makopoks'oyimüssi ki mak'opoksimimüssi ai'simix; <sup>50</sup> Annök' ap'otükkiuök otsin'aim ak'oto annik' kustsiku'ik otsauomüsks'kümosiae, ki annik' itai'ksistsikumiopik otsauomüs'ksinniissi, <sup>51</sup> Ki akaiaketsin'iuiae, ki aiakokotsiuiae mōk'itaupissaie otsitau'pipiax ksistapokömotsitappiansix: annim' ak'itstsii asain'sinni ki satse'känani.

## 25

<sup>1</sup> SPOTS' IM īstsin'naiisinni aketum'anistsiau ke'pix ake'kuax, anniks'isk mat'tuyixk ot'anakimatsuauësts, ki itsux'iau mōkota'tsemösau annök' ai'akokemiuök. <sup>2</sup> Ki nis'itsix mokök'iau, ki nis'itsix mat'tsapsiau. <sup>3</sup> Anniks'isk mat'tsapsixk nito'tsimiau ot'anakimatsuauësts, ki, mattotükkiu'axau okke'anakimatsis: <sup>4</sup> Ki mokök'ixk ipok'iotscmiau otanakimatsuauësts okke'anakimatsis, kos'ix itsup'pitükkiu. <sup>5</sup> Annök' ai'akokemiuök otai'sümsi, ikönai'okano'piiua ki ikönai'okax. <sup>6</sup> Ki itüt'sikiikokoi ikum'iüstutsip, sat'sik, ak'okemiuä ai'puksipu; Sūksik' kōkotatsemössuai. <sup>7</sup> Itümokonaipuau'iau am'ox ake'kuax, ki ikön'itaisüppasuyinükiau otanakimatsuauësts. <sup>8</sup> Ki mat'tsapsix an'īstsiauax mokök'ix, kok'inan kitök'keanakimatsuai; tük'ka, nitan'akimatsinanësts ūk'aiitsinikaiau. <sup>9</sup> Ki mokök'ix an'īstsiauax, Sa; matakakaau'ats kséstün'un: Is'tapuk aumüts'kotükkix kōk'opumattosuai. <sup>10</sup> Ki otsakaitapposau mōk'opumattosau, aiakokemi ito'to; ki anniks'isk

sopuiap'istotosixk ipok'sipimiauaie okkem'sinni: ki ai'okip. <sup>11</sup> Sako'okhtsi mat'tsapix noküt'otoiau ki an'iau, Nin'a, nin'a, kauai'pixikinan. <sup>12</sup> Ki an'istsiuax, kitau'münistopuau kimats'ksinopuauats. <sup>13</sup> Ün'nikiae mokökik', tük'ka, kimats' ksiniopuauats annik' ksistsiku'ik ki annik' itai'ksistsikumiopik Nin'au okku'i otai'akitotopik. <sup>14</sup> Spots'im istsin'naiisinni netum'anistsiu nñ'au annök' piuo'ök, ki niniköt'tsiuax otap'otomokix, ki ikotsiu'ax otsinan'ists. <sup>15</sup> Ki tuks'kai ikotsiu'aie nisitsi'i itawk'pumaupix ki stsik'i na'tokai, ki stsik'i nituks'kai; ki kõnai'tappix itanistokotsiu'ax manist'okotsistutsipiau; ki itau'matto. <sup>16</sup> Annök' ikuyiu'ok nisitsi'i itawk'pumaupix itsis'tapu, ki itau'mütskotükkiu, ki ikuyiu' stsik'ix nisitsix itawk'pumaupix. <sup>17</sup> Ki netoi annök' ikuyiu'ok na'tokumi, ikuyiu' stsik'ix na'tokümix. <sup>18</sup> Ki annök' ikuyiu'ok nituks'kumi itsis'tapu, ki itatün'akiu ksök'kum, ki ai'ksasattomaie otsin'aim otsixkimim'iaie. <sup>19</sup> Otai'sümmosi, am'ox ap'otükkix otsin'aimoauai itoto'yinai, ki ipokoks'tükimiuaax. <sup>20</sup> Ki annök ikuyiu'ok nisitsi'i itawk'pumaupix ito'to ki ito'tsipatopiau stsik'ix nisitsix itawk'pumaupix, ki an'iu, Nin'a, kit'okök nisitsi'i itawk'pumaupix: Sat'sit nitokuinan' matsis'itsix. <sup>21</sup> Otsin'aim an'istsiuiae, kitökh's'istututükki, ökhs'apotükkiua: kitse'münüssatsipiau un'natosests, kitakinai'atso akauo'iests: Kitsin'aim otse'tametüksinni istsipi'it. <sup>22</sup> Annök' iku'yiu'ok natoküm itawk'pumaupix ito'to ki an'iu, Nin'a, kit'okok natokumi itawk'pumaupix: Sat'sit, nimat'okuinani mats'istokai itawk'pumaupix. <sup>23</sup> Otsin'aim an'istsiuiae, kitökh's'istututükki, okhs'apotükkiua: kitse'münüssatsipiau un'natosests, kitakinai'atso akauo'iests: Kitsin'aim otse'tametüksinni istsipi'it. <sup>24</sup> Annök' ikuyiu'ok tuks'kumi itawk'pumaupi ito'to ki an'iu, Nin'a kits'ksino ksësto'a kitse'inai, kiküt'tomasisüppipumattopi kitai'pokiaki, ki kiküttomauanit'apixipi kitomoi'pitükki; <sup>25</sup> Ki nitsiko'pum, ki nitsit'tappo ki nitai'ksasattop ksök'kum kitsinanä itawk'pumaupi: Sat'sit, kitsinan. <sup>26</sup> Otsin'aim an'istsiuiae, kitsauum'apotükkiua: kit-sistap'apotükkiua, kitsksinoki nitai'pokiaki niküttomai'süppipumattopi, ki nitomoi'pitükki, ni küttomauanit'apixipi: <sup>27</sup> Kumaukstauokotaiksixau au'awtsoomütskotükkiix nitsix'kimimix, ki nitsitotopi nök'staitokuyitopi nitsinan'ix ki umut'okuyesix. <sup>28</sup> Mattomok'aie itawk'pumaupi, ki kotok' annök iku'yiu'ok ke'pix itawk'pumaupix. <sup>29</sup> Anniks'isk iku'yixk ak'okotaiau, ki otaksinanoaiau akauo'i: ki annök' itsau'okuyiu'ok ak'otomoau annik' ooko'ösñik. <sup>30</sup> Ki istüp'satüpiksistsi ap'otükkiua: itsau'okuyiu'äski'natsii: ak'itsitsi asain'sinni ki satse'kinani. <sup>31</sup> Otak'itotosi Nin'au okku'i ottsa'pinasinni ipokom'össau otokönatsim'otokatatsix, ak'otümotokhitaupi otsistsapissso'pötsis: <sup>32</sup> Ki akokönipotamoi'piaiau ikönai'okauua: ki aiakanistaiaketaipiksistaiau emük'ikinakuün manistai'aketaipiksistopiax emük'ikinax ki apomük'ikinax: <sup>33</sup> Ki akotüpiuax emük'ikinax onet'otsis ki ap'omük'ikinax otse'aksissauotsis. <sup>34</sup> Omüx'ina akotüm'anistsiuax anniks'isk onetotsis itau'pixk, Puk'sipuk, Nin'a otatsims'imix, ki nñ'naiisinni matsik' annik' kitapistutomokiiik, otsauomap'astutoössi ksök'kum. <sup>35</sup> Nitse'nots, ki kit'okokipuau aau'ösñ; nitse'nak, ki kitsit'tutokokipuau: nitsi'piitappi, ki kito'tokipuau: <sup>36</sup> Nimatsistotospa, ki kitsis'totosatskokipuau; nitokh'tokos, ki kitsipis'kotokipuau; itai'okiakiopi nitsitau'pi, ki kitsittotaakipuau. <sup>37</sup> Moköm'otsitappix akotüm'anistsiuiae, Nin'a, tsanistsi'i kit sits' In o pin an kitau'not, ki kits is' so pi Q an? Ki kitse'naki, ki

kitiitakopinan. <sup>38</sup> Tsan̄istsi'i kits̄its' īnop̄inan, kits̄i'piitappiisi ki kito'tosin̄in? Ki kimats̄istotospa, ki kits̄istotos'atskop̄inan? <sup>39</sup> Tsan̄istsi'i kits̄its' īnop̄inan kitai'okhtokos, ki kits̄itau'p̄issi itai'okiakiopi ki kits̄ito'taatosin̄an? <sup>40</sup> Ki om̄ux'ina ak'an̄istsiuax, kitau'mün̄istopuaau kanistitüp̄istutsipuai tuks'kūma inūx'tsima am'ox nix'okoax, kitanīsts'istutomokipuaau. <sup>41</sup> Akot̄um'an̄istsiuax anniks'isk ote'aks̄isauts̄is itau'pixk, īs'tapuk em̄utskax mōkseinsau, ūksustsinasii īs'tapuk, ek'aisep̄üts̄istotomoiiuax au'tutsokiuā ki oto'tokatatsix: <sup>42</sup> Tük'ka, nitau'nots, ki kimats̄issok'ipuaua: nitse'naki, ki kimat'tutukkokipuaua: <sup>43</sup> Nitsi'pitappi, ki kimat'otokipuaau: nimats̄istotospa, ki kimats̄istotosats'kokipuaua: nitokh'tokos, ki nitsitau'pi itai'okiakiopi, ki kimat'sip̄iskotokipuaua. <sup>44</sup> Osto'auai ak'ot̄uman̄istsiiuaie, Nin'a Tsan̄istsi'i kits̄its' īnop̄inan kitau'nots, ki kitse'naksi, ki kit'sipitappisi, ki kitokh'tokosi, ki kits̄itaup̄issi itai'okiakiopi kōkstaikawk'an̄istotös̄inan? <sup>45</sup> Ai'akot̄uman̄istsiuax, kitau'mün̄istopu au kan̄ist'saiitüp̄istutsipuai tuks'kūmā inūxtsima amox, kimat'an̄istsistutomokipuaua. <sup>46</sup> Ki am'oxi aks̄istüp̄itappo'iau ūsk's̄itaunks̄istototspi: ki mokōm'otsitappix akittappoiau ūsk'sipaitappiis̄inni.

## 26

<sup>1</sup> KI itūnīstsii, Jesus otaiks̄iste'poattos̄ests am'ōsts epo'aws̄ists, itūn̄īstsiiuax otūks̄in̄imatsax, <sup>2</sup> K̄itsks̄in̄ipuaau aisto'kūssi ks̄istsiku'īsts ak'itstsii passover, ki Nin'au okka'i itaum̄uts'kau mōk'ītsiks̄istox̄osi. <sup>3</sup> Om̄uk'atoiapiekuaax, ki ais̄inakix, ki matap'pix ots̄in'aimoauax itūmitüp̄paumooiau sp'a'toiapietkuūn Caiaphas oko'aii. <sup>4</sup> Ki ai's̄its̄ipsattseiau mōk'an̄istokotsis̄immiotoōsauaie Jesus, ki mōk'itsenitōsauaie. <sup>5</sup> Ki an'iau, pin̄its'ts̄is oye'tani īstsiks̄is'tsikui ökskakūm̄istsikiniau matap'pix. <sup>6</sup> Jesus otsitau'p̄issi Bethany, Simon leper oko'ai otsitsip̄sts'taup̄issi, <sup>7</sup> Ake'ua itoto'aie, ipa'tükkiu alabaster atūxak'sin puye' its̄üp'patomaie, akai'inxk̄imasiuaie, ki otau'yisaie itsita'suyin̄inmaie otokōn'aiie. <sup>8</sup> Ki otūks̄in̄imats'ax ots̄in̄is'saxaie, ītse'tükkiax, ki an'iau mauk'ets̄in̄ikatopi? <sup>9</sup> Am'ok ipum'atotopi īs'taiekekaiïxk̄imasiuopi, ki k̄im'atapsix īs'tauokotaupiauaie. <sup>10</sup> Jesus otokh'tsimsi, an'īstsiiuax, kumauk'sauaiks̄ixinoauaiisks̄ix ake'uā ökh'siu nitap̄istutu'yipi. <sup>11</sup> Ks̄esto'au, k̄imatapsix kitusk'sauopoksemokoiau; ki nēsto'a kimat'ūksauopoksemokipuaau. <sup>12</sup> Am'ok puye' nost̄um'i ots̄ita'suyin̄issi its̄istuts'imaie mōk̄itsopuaip̄istutuyissi nōkitak'itsasi. <sup>13</sup> Kitau'mün̄istopuaau am'oi ökhs'its̄in̄iks̄in̄ni amian̄istan'īstopi kōn̄us'ks̄ökkumā, am'ok, am'o ake'uā otap̄istutsip̄i ak'ūtan̄istomaie, mōk'ītūks̄in̄oösi. <sup>14</sup> Na'tsikoputsix, tuks'kūmā, an̄istau Judas Iscariot, itappo om̄uk'atoiapiekuaax, <sup>15</sup> Ki an'iu, tsan̄istap̄'pi kitak'okokipuaai, ki nitakitüp'omutskau ks̄esto'au? Ki nitsi'tuyiauaie niip'pii ks̄ixix'k̄imix. <sup>16</sup> Ki annik' itot'apsatsim mōk'itam̄utsk̄osaie. <sup>17</sup> Ke'tani küt'taikop̄utstsii, īstotom'iks̄is'tsikui, ūks̄in̄imats'ax itoto'iau Jesus, ki an'īstsiauaie, Tse'a kit'sapa kōk'sopuaip̄istutos̄inan kōk'k̄itsoȳisi passover? <sup>18</sup> Ki an'iu īs'tapuk akap'ioȳis, ki om'ümā nñ̄n'auümā an̄istok', Nin'a, an'iu, nitsiks̄istsikum'i aststs'i'u: koko'ai nitüs'ks̄in̄imatsax nitak'opoksoyimaiau passover. <sup>19</sup> Ki ūks̄in̄imats'ax man̄istan'īstopiax itan̄isttutsimiax; ki itso'poūts̄istutsimiau passover. <sup>20</sup> Ki otau'tükkiu, ipokitau'pimiuax na'tsikoputsix. <sup>21</sup> Ki otau'ȳsau, an'iu, kitau'mün̄istopuaau tuks'kūmā ks̄esto'au k̄itakaum̄uts'kauki. <sup>22</sup> Ki eks'kaiikikin'etükkiu, ki ikōnau'mütüp̄pan̄istsiauaie, Nin'a nēsto'akats? <sup>23</sup> Ki an'iu, annök

okit'sis nitopoksistapimakemauok kos'i nitakaumüts'kauk. <sup>24</sup> Nin'au okku'i itanists'itappo nitsin'awpi: ak'itüpokapiu annök' nin'auök imüts'kaiuök Nín'au okku'i! Küt'taipokaiiuopi annök' nin'auök, is'taökhxiuopi. <sup>25</sup> Judas anni'isk itse'mütskaukisk, itüm'anistsiuiae, Nin'a něsto'akats? An'istsiuiae, kitan'i. <sup>26</sup> Ki otau'yisau Jesus ito'tsimaie ke'tani ki itatsim'istutsimaie, ki itaumin'imaie, ki ikotsiu'ax ūksinimats'ax, ki an'iu, Matsik', oyik'; am'oiauk nostüm'i. <sup>27</sup> Ki mat'tuyiuiae kos'i ki thanks ikotük'kiu, ki ikotsiu'ax, ki an'iu könai'simattok; <sup>28</sup> Am'okauk nitsa'apün, mananists'etoksinni itüp'itsiu itsai'kimskau akai'tappix otsauum'itsitappiisuauests mök'sinisests. <sup>29</sup> Ki kitan'istopauu nimatakütsimattoppa am'ok mäniokke sauomo'pokitsipstsimattomänaniki manis'si nin'a ots'innaisinni. <sup>30</sup> Ki otinik'sau natoi'iniksinni itüp'süxiao nitum'moyi Olives. <sup>31</sup> Jesus itüm'anistsiuax, něsto'a kitak'okönüssskimskükippau annok'ä koko'ikä: tük'ka, sín'aip, nitak'auaiakiau annök' ūks'kümuök emük'ikinax ki ot'omükikinauäsinnna isto'mükikinax aküneto'iau. <sup>32</sup> Aiksistatsipau'eniki kitakitüpötoma'topau Galilee. <sup>33</sup> Peter an'istsiuiae, iküm'okönüssskimskükissau ksěsto'a, nimat'akistsskimskükipa. <sup>34</sup> Jesus an'istsiuiae, kitau'münisto, Annok' koko'ik otsauomit'awkkumsi nippau'ä nioks' kai kitakani kimatsksinok'ipa. <sup>35</sup> Peter an'istsiuiae ökskakümopoks'eniop, nimat'akanipa kimatsksinopa; neto'i ikonau'aniijax ūksinimats'ax. <sup>36</sup> Jesus itümítüpöpopokomiuax Gethsemane an'istop, ki an'istsiuax otüsksinimatsax, annom' stau'pik, nitakittappo omim' nökítüt'tsimoikasi. <sup>37</sup> Ki mat'tuyiuax Peter, ki Zebedee otsistok'iokeyix, ki itaumütüpikikin'etukki ki itau'mütüpeikapitsitau. <sup>38</sup> Itüm'anistsiuax nitsitüpikikinetukki e'insinni: annom' stau'pik, ki ök'itüskskatükkiop. <sup>39</sup> Ki pa'tsiistüpaatsiuax, ki issstokopi'u ostoksis', ki itüt'tsimoikau ki an'iu, Nin'a, iküm'okotsitsstsissi am'oi kos'a ünnianistis'tüpipotoössi; nimatakitsitan'ats, ksěsto'a kitak'itsitan. <sup>40</sup> Ki matskitoto'ax otüsksinimats'ax, ki ikon'oyiuax oto'kaniax, ki an'istsiuiae Peter, Awx'ats? Kiküttaukotüskskümmerkipa tuks'kai itai'ksistsikumiopi? <sup>41</sup> Mokök'etsik ki a'tsimoikak, kökstaitsipissuai issaks'ksinüksinni; sta'aw itsitsi'tatomaie ki ix'isakuyi matsi'uats. <sup>42</sup> Ki mats'istapu ki itüt'tsimoikau, ki an'iu, Nín'a, am'oi kos'a sauomot'aisimmieniki sauomis'tüpipotomokoeniki, kitak'itsitan. <sup>43</sup> Ki mat'oto ki mat'okonoyiuax otsok'asax: tük'ka issoksim'au oöps'puauax. <sup>44</sup> Ki itskitsiuax, ki mats'istapu, ki nioks'kai itüt'tsimoikau, ki neto'i au'aniu. <sup>45</sup> Itüm'itotoiax otüsksinimats'ax ki an'istsiuax okak' annok, ki issik'sistsikok: sat'sik aststsui' itai'ksistsikumiopix, ki Nin'au okku'i itüp'aumütskau sauum'itsitappix otsu'auësts. <sup>46</sup> Nipuak', ökittäppau'op: annök' nitakaumüts'kaukök aststsui'. <sup>47</sup> Ki otsa'kiai epuyissi, Sat'sik, Judas, na'tsikoputsix tuks'kümä ito'to ki akai'tappix ipokom'iauaie inus'stoanix ki söksis'tsists ipa'tükkipix, itototoiau omük'atoiapiekuaax ki matap'pix otsin'aimoauax. <sup>48</sup> Ki annök' imüts'kaiuökaie ikotsiu'ax apsto'sinna, ki an'iu, annök' nitak'sinnauskippauök, an'nökauk: mi'eenok. <sup>49</sup> Ki iköm'itoto Jesus, ki aniu, Hail, Nin'a; ki itsin'nauskippuaie. <sup>50</sup> Ki Jesus an'istsiuiae, Napi'ä, kumauk'sipuksipuksiks? Itümítoto'iauaie ki een'iauaie Jesus, ki mat'tuyiauaie. <sup>51</sup> Ki sat' sit, anniks'isk ipokom'iskaie Jesus, tuks'kümä itsitüpikins'tsakiaue otsin'usstoan itsau'tuyiuiae, ki sp'a'toiapiakeuün tuks'kümä otap'automok ot'auaiakiokaie, ki kök'sinimaie okhtok'isaie. <sup>52</sup> Jesus itüm'anistsiuiae, kitsin'usstoanä otsits'tsipi

istiotsi'is; anniks'isk matap'pix mat'tuyixk inus'stoan, inus'stoan itax'enittaiau. <sup>53</sup> Kit'stapa nöküttokotsitüp'atsimoiikani nin'ä, ki annok' nök'okuyissi otsitsksistsikoputsix legionix otatsim'otokatatsix? <sup>54</sup> Tsa akokototümuniistsistutsipa natoi'sinaksists, mök'itünistsissi? <sup>55</sup> Neto'ik itai'ksistsikumiopik Jesus an'istsiuax akai'tappix, kiküt'anistsipuksipa'akipuaua kanist'sitappopuau kōmos'iepitsi annök' pa'tükkiuök inus'stoax ki sōksis'tsists, kök'otoksua? Anis'tsiksistsikuists kitopokau'pimopuau omük'atoiapoyis kōküsksinimats'opuau ki kimatseen'okipuau. <sup>56</sup> Ki am'ostsk ikönaiistutsipi möks'enüpanästosau prophetix osinak'suauësts. Ikönüsksinimatsax itüm'skittsiau ki ai'tsimmutaiau. <sup>57</sup> Ki anniks'isk een'ixkaie Jesus itüppiauaie Caiaphas, sp'atoiapieküün, itomoi'piawpiau ai'sinakix ki omüks'imix nin'ax. <sup>58</sup> Ki Peter piaapütsitüp'a'tseuaie sp'atoiapieküün oko'ai, kiitsipim' ki ipokau'pimiuax ap'otükkix mökitokönai'nisi. <sup>59</sup> Annok', omük'atoiapieküax ki omüks'imix nin'ax ki ikönau'kōkitsimax, istüpl'iksistapenüpanissinni ap'satsimiau möks'enitösauaie Jesus; <sup>60</sup> Ki matokonim'axau; otsito'tosax akai'tappix aiksistapenüpanix, matokonim'axau. Sako'okhtsim ito'toiau na'tsitappiix ai'tapksisenüpanix, <sup>61</sup> Ki an'iau, am'o nin'au an'iu nitokot'opüksinip Ap'istotok'iuä otatoi'apioyis ki nitokot'sokapistutsip nioks'kai ksistsiku'i. <sup>62</sup> Ki Sp'atoiapieküün itsipuau', ki an'istsiuiae, kitakstaie'puyipa? Tsanistapiu'a am'ox kitse'nüpanipiau? <sup>63</sup> Ki Jesus matsepuyiu'ats. Ki Sp'atoiapieküün mat'anistsiuiae, kita'tauünisto Äp'istotokiuua ipai'tappiuä, kōk'aniksinan iküm'ümeniki Christ, Ap'istotokiuä okku'i. <sup>64</sup> Jesus an'istsiuiae, kitsemüniani; ki kitan'isto sako'okhtsim kitaks'inoauai'ini Nin'au okku'i, otsitau'pissi otümap'sinni istset'otsisi ki umutsipuk'sipusi Spots'im istsisoksitsikuists. <sup>65</sup> Sp'atoiapieküün itümai'pinotsimësts otsistotos'ists ki an'iu, itüpepo'atomaie Ap'istotokiuä; nitak'otsikipinana stsik'ix e'enüpanix? Sat'sik, kikai'okhtouaua oksis'tapiniköttsimani. <sup>66</sup> Tsa kit'stапauä? An'iau, möks'einsi. <sup>67</sup> Itüm'itaisokuttütsiauaie ostoksis'aie, ki oto'auësts itsitäuiaiak'iauaie: ki stsik'ix omi'tsikinästspuauësts itsitäuiaiak'iauaie. <sup>68</sup> Ki an'iau, ksësto'a Christ e'enüpanikinan, Tükka' kitauiaiak'ioka? <sup>69</sup> Annok' Peter sauauts'im itau'piu, istokitsim'i pistots'im: ki ake'kuün itoto'aie, ki an'iu, ksësto'a kitopokom'au Jesus Galilee istsitappim'i. <sup>70</sup> Ki paiot'anistsiuax matap'pix nimatsksinoau'ats nimatsksinipa kitan'ipi <sup>71</sup> Ki otsitüp'süksi kïtsim'apiapoyis, stsik'i ake'kuün nan'nuyenae ki an'istsiuax anniks'isk matap'pix itau'pix, ani'o nin'au noküt'opoksimiuiae Jesus, Nazareth istsitappim'i. <sup>72</sup> Ki mata'toüniu, ki an'iu, nimatsksin oau'ats nin'au. <sup>73</sup> Ki otai'pistsäksisummosi anniks'isk itai'puyixk itoto'iauaie, ki an'istsiuiae Peter, E'müniu, ksësto'akauk tuks'kumä: kitse'poawsists kitse'enüpaniki. <sup>74</sup> Itümaumütüpäpako'sinepuyiu, ki itaumütüpütau'üniu, nimats'ksinoau'ats nin'au. Ki nippau'ä sokit'okumi. <sup>75</sup> Ki Peter isksinim'aie Jesus ote'poawsinniae, annik' itanis'tsiuiae, otsauomokh'kumsi nippau'a nioks'kai kitak'ani kimatsksinokipats. Ki itsüx'iu, ki itsok'auasainiu.

## 27

<sup>1</sup> OTAP'INÖKKUSI, könau'mükatoiapieküax ki matap'pix otsin'aimoauax itüp'okökitsimax Jesus möks'enitösauaie; <sup>2</sup> Ki otai'isksipistössauaie, itünistüppip'iauaie, ki itüp'aumütskaiauiae Pontius Pilate, anni'isk ninai'isk. <sup>3</sup> Judas, anni'isk otse'mütskaukisk,

otsinno'ōsaie, otanis'sax mōks'einsi, itsisauai'tsita, ki mat'skittotsipotuyiuax omük'atoiapiekua, ki omüks'imix nñ'ax niip'pix ksixix'kimix, <sup>4</sup> Ki an'iu, nikai'sauumitsitappi nitse'mütskatop moköm'otsaapünni. Ki an'iau, Tsanistappi nitokanistappikipin'an'a? Ksesto'a kitak'satsip. <sup>5</sup> Ki itsipsts'istüpapiksistsiuax ksixix'kimix omük'atoiapioyis, ki itsis'tapu, ki itsiko'köpsiu. <sup>6</sup> Ki omük'atoiapiekua, mat'tuyiauax ksixix'kimix, ki an'iau, matökhsiu'ats ök'itsüppitsösau atsim'isokaiis, tük'ka aa'pünni ipum'attomiau. <sup>7</sup> Ki itau'kökotomotseiau ki itopum'attomiau potter otsin'simman, pie'tappix mok'itsstsösa. <sup>8</sup> Ün'nikiae itüsks'unni'stai'niköttop a'apünni iitsin'simman. <sup>9</sup> Itümeenüpanistomaie annik' otan'ipikaie Jeremy prophet, ki an'iu, Ki mat'tuyiauax niip'pix ksixix'kimix, umutopum'attopiaie annök' Israel itüniau ünni mökanistsixkimas; <sup>10</sup> Ki itopum'attomiauie potter otsin'simman, nanistün'ik Ap'istotokiua. <sup>11</sup> Ki Jesus paio'tsipuyimiuaie, nñ'aii; ki nñ'auä ai'süppoötsesattsuaie, ki an'iu kikütam'ipa Jews otsin'aimoauai? Ki Jesus an'istsuaie, kitan'i. <sup>12</sup> Ki Omük'atoiapiekua, ki omux'inx ote'enüpanistösauaie, matsepuyiu'ats. <sup>13</sup> Pilate itüm'anistsuaie, kiküttaisauokhtoau'axau akauo'yi kitse'nüpanikoists? <sup>14</sup> Ki tuks'kai epo'awsin matanistsiu'atsaie; ki Nñ'auä eik'skaietükkiu. <sup>15</sup> Annok' oye'tani nñ'aua itüsksaipotoyuuaie tukskü'i eën'naii ot'statauaie matap'pix. <sup>16</sup> Annik', nannan'attsiau tuks'kümi eën'naii, Barabbas an'istau. <sup>17</sup> Ün'nikiae otokönau'moösax, Pilate itünis'tsiuax, Tükka' kit'statauä köks'ipotomosuai? Tsöktau Barabbas, tsöktau Jesus, annök' anistauök Christ? <sup>18</sup> Tük'ka iksinim'aie umutsiksissat'siuösau, itaumüts'kau. <sup>19</sup> Otsitau'pissi okök'itsimani iitsiso'pötsis, otokem'an itüpüt'okötsuaie ki an'istsuaie, pinotokan'istappikit om'ä moköm'otsitappiuä: tük'ka akauo'ieests nit'okuyipists pu'inasists ni'papaukanists annok' ksistsiku'ik, osto'i itots'tsiests. <sup>20</sup> Ki omük'atoiapiekua, ki omux'inx eikakimattsiauax matap'pix mök'aukömönistösauaie Barabbas, ki Jesus mōks'einsaie. <sup>21</sup> Nin'auä an'istsiuax, Tükka' na'tokümix kitstatauau'a köks'ipotomoössuai? An'iau Barabbas. <sup>22</sup> Pilate an'istsiuax Tsa nitakünnistutoau'ats Jesus, anistauök Christ. Ikön'auanistsuaie, ünnianistauai'istais. <sup>23</sup> Ki nñ'auä an'iu, kumauk'anistauaisksiks? Tsanistapiu'äts otsauum'itsistutüksin? Ki akauo'yi itsokse'puyiau ünnianistauai'istais. <sup>24</sup> Otsinis'si, otsau'otokanistappikissaie, ki otai'akitsissi äsinata'pii ito'tükkiu okke', ki itüs'tsimmui otsipot'aipuyimösax matap'pix, ki itünui', nimat'ototoimoko'ä am'o moköm'otsitappiaä otsa'apünni: ksësto'auä sat'sik. <sup>25</sup> Itümokönai'puyiau matap'pix, otsa'apünni ünnianistttots'tsiisaie nëstün'an ki no'kosinanix. <sup>26</sup> Itümipo'tomoyiuax Barabbas: ki otai'ksististsipisösaie Jesus, emüts'kaiuaie öksiks's toxösaie. <sup>27</sup> Ninaua otseënnakem'ix itüpö'iauaie Jesus itoköno'paupi, ki itokönaumoi'piiua eën'nakex. <sup>28</sup> Ki itsau'tomoyiauaie otsistotos'istsaie, ki mawks'isokösimi itsüps'kaiauaie. <sup>29</sup> Otai'amitsinissau ksissiistsümmoköni, itsis'tsümmokiauaie ki apai'i itstom'iauaie onet'otsisaie: ki auanaukopistuks's'akötsuaie, ki ai'ksistapanistsuaie, ki an'iau, Hail, Jews otsin'aimoauai! <sup>30</sup> Ki ai'sokotuttsuaie, ki matsimiau apai'i ki otokön'iaie itsitau'aiak iauaie. <sup>31</sup> Otai'ksistsiksistapanistüsauaie, asso'kösimi itsauts'imiauaie, ki otau'ütsisokösimaie itsüps'kaiauaie, ki itsistapip'iauaie mök'auaiistasauaie. <sup>32</sup> Ki otsüks'au, ikonoyiauaie nñ'aii Cyrene istsitappim'i, otsinikösim Simon: isskuopa'atsiauaie

otauai'staksin, <sup>33</sup> Ki otsito'tosau Golgotha an'istop, itokisasiik, mëksikinukotokonik, <sup>34</sup> Ikotsi'auaie moksimatossaiai' istsipoku'yi ki gall ipa'sokasuyinimiauaie: ki otut'totsisaie, mat'skaksimattom'atsaie. <sup>35</sup> Ki itau'aiistaiiauaie, ki otsistotos'ists, ki aiaketotsipiests, itsi'kotsotsi'ests: moks'eenupanistosi annik' otan'ipik prophet, itai'aketotsipi'ests nitsistotos'ists ki itsi'kotsopnaaiua. <sup>36</sup> Ki ito'piiau ki us'summiiuaie annim'; <sup>37</sup> Ki itstom'iauaie otokon'i spots'i ksis'tapanissinni sinaip', Am'ok Jesus, Jews otsin'aimoauai. <sup>38</sup> Na'tsitappix kômos'iepitsix ipauai'istauax tukskum'i onet'otsisi ki stsik'i otse'aksissautsisi. <sup>39</sup> Ki anniks'isk itsits'skuixk au'kapsitsipsattsiauaie, ki auauukia'pixiau, <sup>40</sup> Ki an'iau ksêsto'a annok' ipuxin'imök omükatoi'apioyis, ki nioks'kai ksistsikuists itsiksist'apistutsimök, komotse'piosit. Ikum'ümeniki Ap'istotokiua okku'i inisa'atoat auai'staksin. <sup>41</sup> Neto'i omük'atoiapiekuax netoi'nitaiksistapanistsiauaie, kiai'sinakix ki omux'imix ipokaniau, <sup>42</sup> Komotse'piuax stsik'ix ki matokotsikomotsepiosiu'ats. Ikumum'issi Israel otsin'aim, unanistsinnisa'atos auai'staksin, ki nitakaumai'tauunan. <sup>43</sup> Au'maituyiuuaie Apistotoki'i: annok' unnianistsikomotse'piosaie, maksinan'attusaie: tük'ka iuniu', nêsto'akauk Ap'istotokiua okku'i. <sup>44</sup> Kômos'iepitsix ipok'auaistapixk neto'yistsk nokutsitup'apiximiauests okhpe'kists. <sup>45</sup> Nau'yi itai'ksistsikumiopi konus'ksökkumä itup'skinatsiu piksu'yi itaiksistsikumiopi. <sup>46</sup> Ki otsipik'susi itai'ksistsikumiopi, Jesus aisokse'puyiu. Ki ituni'u, Eli, Eli, lama sabachthani? Annik' ito'kisasii, Nitap'istotokim, Nitap'istotokim, kumauk'skikiks? <sup>47</sup> Stsik'ix itai'puyixk, otokh'tsimsau', an'iau, Am'o ninau nan'niköttsiuai Elias. <sup>48</sup> Ki tukskumä itauks'kasiu ito'tukkiu ai'ksippuyinip, ki ito'kimiuiae istsipoku'yi, ki itstom'aie apai'i, ki ikotsiu'aie moksimattosaiai'i. <sup>49</sup> Stsik'ix an'iau, ki'ka, ök'satsip maks'ikümipuksipusi moksikomotse'piisaie. <sup>50</sup> Jesus ota'atsoksepuyissi, itaumüts'kaiuaie Sta'aw. <sup>51</sup> Ki Sat'sit, omük'atoiapioyis itsi'kokosok'iakiopi ai'aketsinikau, spots'im itots'ipinikau; ki ksök'kumä itsi'papuyiu, ki ok'otokskuists ai'aketopiiau; <sup>52</sup> Ki a ken 'i man ists kau'opiiau; ki atsim'six anniks'isk ai'okaxk akaiem' ostüm'oauuests itsipuau'ax, <sup>53</sup> Ki ota'atsipuawi Jesus, itsux'iau aken'imanists, ki itup'ipimiau atsimakap'ioysi, ki otsinok'oaiau akai'tappiix. <sup>54</sup> Annok' eenakin'au'ä, ki otopokom'ixk, otopoküs'satükkimaxk Jesus, otsinno'ösau ksök'kumi otsi'papuyiisi, ki otsin's'sau annists'isk istsutip'istsk, eks'kaikopumiau, ki an'iau am'o emün'iümu Ap'istotokiua okku'i. <sup>55</sup> Ki akai'tappix akex' pie'tsi itüs'summiauaie, anniks'isk itotopokiuo'iixk Jesus Galilee, ki apotomoyiixkaie: <sup>56</sup> Ki ipokom'iauax Mary Magdalene, ki Mary, James ki Joses oksis'toauaii, ki Zebedee okku'ix oksis'toauai. <sup>57</sup> Otau'tükkussi, akotsin'auä Arimathaea istsitappim'i anistau Joseph, ito'to, tukskuma Jesus otusksinimats'aie: <sup>58</sup> Itappo' Pilate, ki ikom'önistomaie Jesus stüm' i aie. Pilate itümün'iu mökaumütskatosae mostüm'i. <sup>59</sup> Ki Joseph otots'issi mostüm'i, itsisso'monimaie ksixistikoh'aipistsi, <sup>60</sup> Ki itsipststotomaie otauut'sinani aken'iman, maniu'aie, annik' itatün'ipik ok'otokskui: ki omük'okotoki itup'auapimiaie aken'iman istokitsim'i, ki itsistapu. <sup>61</sup> Ki Mary Magdalene, ki stsik'i Mary, itotau'piauaie aken'iman. <sup>62</sup> Ki annik' ksistsiku'ik otokhs'apistutitosau, mat'apinökkusi, omük'atoiapiekuax ki Pharisees ikönitoto'iauaie Pilate, <sup>63</sup> Ki an'iau, Nin'a, nitusksksinipinom'ä ai'pistsiksistutükkiua otan'ipi, otsakiaitap'piisi, nioks'kai ksistsiku'i nitak'aatsipuau. <sup>64</sup> Anit'

őkhs'istutsissi aken'imani nioks'kai ksistsiku'ists, otüs'ksinimatsax mökstai'sepiotosax, mökstai'kömosai'isax, mökstai'anistosauax matap'pix, ük'aipuau: ki sako'ipatsistutüksinni aks'istüpskiits top matom'ipatsistutüksinni. <sup>65</sup> Pilate an'istsiuax mattok'au eën'akex; is'tapuk, mi'istutsik. <sup>66</sup> Ki itappo' iau, ki mi'istutsimiau ake'niman, isksküm'iauaie ok'otoksökh'sepistan, ki istsi'iauaie eën'akex.

## 28

<sup>1</sup> ISSIK'SİTSIKUYII ksistsiku'i otaik'siuosaie, otaumütüpapinök'kusiae issik'atoiksistsikui, Mary Magdalene ki stsik'i Mary itoto'iau möks'iniisau ake'niman. <sup>2</sup> Ki, sat'sit, ksök'kumä ai'papuyiu: tük'ka Ap'istotokua oto'tokatatsis spots' im itsinnisso'iinai, ki ito'to ki matskoap'imiuaie ok'otoksökh'sepistan ki itop'iauaie. <sup>3</sup> Ostoksi'si netoinitai'natsiuiae popos'ists, ki kaii'ksistotosiu neto'i kon'skui: <sup>4</sup> Ki üsks'katükkix stun'noyiauaie, ki ai'papuyeian netoi'nitsiiau enix'. <sup>5</sup> Ki oto'tokatatsis an'istsiuax a kex', piniko'puk; nits'ksinip kitap'üssümmaauau Jesus annök' kaiis'toksauök. <sup>6</sup> Matsinakuaiem'ats: tük'ka, ük'aipuau otan'ipi. Puk'sipuk, sat'sik otsit'sipi Nín'a. <sup>7</sup> Ki kipi'tappoak, ki anistok'ax otüs'ksinimatsax otse'insinni ükaipua'atomaie; ki, sat'sit, kitse'tomomattaak Galilee; omim' kitak'itsinnoauau: sat'sik, kikau'anistopuau. <sup>8</sup> Ki itsikip'istupaatomiauaie ake'niman ai'kopumau, ki eks'kaetametükkiau; ki auks'kasiau mokitots'ipotosauiae otüs'ksinimatsaxaie otse'poawsiniaie. <sup>9</sup> Ki otsitappo'sauax mökitsinnikoösauax otüs'ksinimatsaxaie, süm'miš, Jesus ito'tatsemiuax ki an'istsiuax All hail! Ki ito'toiauaie ki eïn'imiuaie oköt'sistsaie, ki italtsimmimmiauaie. <sup>10</sup> Jesus itüm'itünistsiuax, Pinikopuk; miš'tapuk, anistok'au nix'okoax mök'ittapposau Galilee, ki omim' nitak'itsinokiau. <sup>11</sup> Annok' otsa'kiaitapposau, süm'miš, stsik'ix üsks'katükii itoto'iau akap'ioyis, ki aitsin'nikoyiauax omük'atoiapiekuax nitap'ii. <sup>12</sup> Kiotokönau'moösau ki omüx'inax otokönai'puyisau, ikotsi'auax eën'akex akaiem'i itawk'pumaupix, <sup>13</sup> Ki an'istsiuax, ünnik' otüs'ksimimatsax nitsa'kiaikasinan, sepioto'iax ki itsikömos'attsiauaie. <sup>14</sup> Ki nín'a okhtsisi'saie, nitaksemünan ki kitakitsikömotse'piopinan. <sup>15</sup> Mat'toyiauax itawk'pumaupix, ki otsksinimimatseipuauaiax iia'tutsimiau ki annik' anissin'nik Jews sa'kiauanistomiax. <sup>16</sup> Nitsi'koputsiax otüs'ksinimatsax itappo'iax Galilee nitum'mo, Jesus otan'istopi. <sup>17</sup> Ki otsinno'ösauaie itatsim'mimmiauaie: ki stsik'ix sai'etükkiax. <sup>18</sup> Ki Jesus ito'toax ki ai'sitsipsattsiuax, ki an'istsiuax, könau'tümapsinni spots'im ki ksök'kum nit'okoko. <sup>19</sup> Ün'nikiae, is'tapuk, isksinimats'okau könau'mianistsitappi, üs'tapinokau niniköt'tokests otsin'ikösimests kïn'un, ki okku'i, ki atsim'istaaw: <sup>20</sup> Isksinimats'okau mök'satsisauests kitän'istopuauests; ki sat'sit, kitüsks'opoksemopuau anistsiksits'tsikuists aiksiuo'si ksök'kum.